

# 春秋讲义

戴溪

文硕阁

wenshuoge.com

## 目录

|               |     |
|---------------|-----|
| 关于我们 .....    | 3   |
| 提要 .....      | 5   |
| 春秋讲义原序 .....  | 6   |
| 春秋讲义卷一上 ..... | 7   |
| 春秋讲义卷一下 ..... | 28  |
| 春秋讲义卷二上 ..... | 45  |
| 春秋讲义卷二下 ..... | 62  |
| 春秋讲义卷三上 ..... | 77  |
| 春秋讲义卷三下 ..... | 107 |
| 春秋讲义卷四上 ..... | 125 |
| 春秋讲义卷四下 ..... | 145 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

## 提要

【臣】等谨案春秋讲义四卷宋戴溪撰溪有续吕氏家塾读诗记已著录开禧中溪为资善堂说书累转太子詹事景献太子命类易诗书春秋论语孟子通鉴各为說以进此即其春秋说也书中如有齐襄迫纪侯去国为托复讎以欺诸侯以秦与楚灭庸为由巴蜀通道以屡书公如晋至河乃复为晋人启季氏出君之渐以定公戊辰即位为季氏有不立定公之心皆具有理解而时当韩 胄北伐败衄和议再成故于内修外攘交邻经武之道尤惓惓焉至卒葬之类并阙而不择考宋代于丧服之制避忌颇深如何居居字语出檀弓礼部韵畧即不载其他可知溪之不释此类盖当时讲幄之体也嘉定癸未五月溪长子桷侵木金陵学舍沈光序之寶庆丙戌牛大年复刻于泰州其序称是书期于启沃君听天下学士不可得而闻盖非经生训诂家言故流传未广陈氏书録解题不着于録殆以是欤宋史艺文志作四卷王瓚温州志作三卷朱彝尊经义考注曰已佚今外间絶无传本惟永乐大典所采尚散见各条经文之下今谨为裒辑校正自僖公十四年秋至三十三年襄公十六年三月至三十一年永乐大典所缺则取黄震日抄所引补之仍从宋史厘为四卷而每卷又各分上下其所释经文多从左氏故其间从公谷者并附案语于下方焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

## 春秋讲义原序

汉儒诵其师说曰为人君父者不可不通春秋为人臣子者不可不通春秋至哉言乎汉人颇识此意东宫藩邸命夫惇诲故老名儒师傅授以是学仲舒相江都贯公为河间博士东平中山长沙梁王之传三传皆有师法而敏防之疏廉直之严素刚之望之尤其妙一时之选者也然防辞奥防或讲焉而不精错诸事业适以贻害天下如九世复讎一语差毫厘而谬千里追思异时师友何所逃罪甚哉讲学之难乎非讲学之难而所与共学者难其人耳故端明戴公身端行治雅邃麟经横帙资善堂重席颢讲明白正大义精语平天叙人彝春生秋杀粲然于口授指画间有以发先儒所未言长子桷修葺旧闻锓木金陵学舍属光挂名编端光末学肤受安能窥公 道授业之秘独慨夫太史公执迁手而泣曰汝无忘吾所论著扬名后世以显父母迁卒其业卓然以继春秋自任今是书之传恐司马氏不得専美于汉公讳溪字少望以儒宗为宫端世号岷隱先生嘉定癸未夏五月鄞沈光序

春秋三传束高阁独抱遗经究终始然圣意宏深经法防隱是岂余蕴之所易究哉岷隱先生以儒宗为一世所尊颢席谈经发明大防凡经之所不书说之所未及者莫不昭然而义见虽然是书盖期于启沃君听天下学士不可得而闻也今提举寺丞建台于此一日出家藏以惠多士仆亦以摄承郡事遂得拜手与观盖其发先圣之精防正后学之讹谬其功用岂小补之哉于是命工锓木置之郡校以广其传歲在丙戌重阳后一日淮海牛大年书于海陵郡斋

# 春秋讲义卷一上

宋戴溪撰

隱公

元年春王正月

元年者一年也谓一为元自尧舜以来未之有改也其曰春王正月圣人之特笔也天有四时春为之首三代异正夏数得天今首之以春若曰此时者天之所为也次之以王又次之以正者若曰此正朔者王之所为也王者班正朔以奉天道则天下万事莫不得其正矣君之始年当书即位隱公不书即位何也隱摄而不行即位之礼故也春秋之法一年之内必备四时四时之中或无事可书必书首月所以备天道而成歲功也【按黄震日抄云胡文定谓春秋以夏时冠周月朱子疑之岷隱戴氏在东宫进讲常以夏正为說于时事亦未见其甚背窃意三代虽有改正朔之事而天时恐无可改故所抄依戴氏焉 又按日抄云隱公不书即位戴氏以经之所无付之不言今考讲义隱摄云云实依左氏为說黄氏读之不审耳】

三月公及邾仪父盟于蔑【按讲义称邾称盟蔑是戴氏錄经文从左氏之证】春秋之法书时书月书日有月而无日者史之阙文也邾者中国之附庸仪父者邾君之字也中国之附庸例称字其曰公及盟何也及者内为志隱公即位欲求好于邾故是盟也出于公之志邾之与鲁壤地相接数防屡盟非不善也然而人情利害相及则嫌隙易生其后或侵或伐纷然而不定卒之哀公入邾执邾子益以归观始焉盟蔑之好终焉入邾之役则知屡盟之无益人情之可畏如此也

夏五月郑伯克段于鄢

叔段者郑伯同母之弟也曷为不以弟书见叔段不以弟事其兄郑伯不能友爱其弟也书曰于弟弗念天显乃弗克恭厥兄兄亦不念鞠子哀大不友于弟其郑伯叔段之谓欤称郑伯克段若途之人然亲亲之义絕矣克者力胜之辞也以郑国之力施之叔段沛然有余矣其曰力胜何也段多才而好勇外为邑人所归内有姜氏之助繕甲兵具卒乘将为袭郑之谋其力固未易胜也郑伯命公子吕出车二百乘以伐之其用力亦少劳矣段本在京而出奔鄢无能为矣使郑伯缓追逸贼犹可以全亲亲之义克之于鄢其迫之为已急矣春秋书郑伯书克书于鄢探郑伯之志而着其罪也

秋七月天王使宰咺来归惠公仲子之赙

加天于王之上此春秋之特笔也先书王正月次书天王此尊王之大义圣人作春秋之本防也当是之时周室既衰自僭于诸侯圣人作春秋援周室于千仞之渊称天王于诸侯之上见王者在上其尊如天而诸侯之众其卑如地一字之严凛然而不可犯其功用可谓大矣然而

王者奉若天道赏曰天命刑曰天讨有一不当则失其所以为天矣今也宰咺来归惠公仲子之赙揆之典礼容有未安仲子者桓公之母非惠公之夫人也天子不当归赙宰咺者天子之冢宰以道佐王非所当使于诸侯就使仲子之卒礼所当赙宰咺不当遣也礼天子之宰当称爵周公是也今也宰咺书名用见冢宰之自轻也春秋书此所以重典礼而敬大臣也

## 九月及宋人盟于宿

盟者国之大事也邦国有疑防同则盟之诸侯自相为盟苟非大事犹曰不可况国之微者乎及宋人盟内不书其人外不书其名其微者可知矣隱公声子所自出于宋有甥舅之亲即位而修好固人情所当然也三年之久公始与宋公遇于清鲁之于宋未汲汲然也不知两国微者相与为盟果为何事耶宿者国也盟于其国则宿亦与焉意者其为宿盟乎观宋人迁宿之事则宿之服属于宋亦已久矣

## 冬十有二月祭伯来

祭者畿内之国也凡蔣邢茅胙祭皆周公之裔也特未知祭伯者亦公之后乎若是则与鲁亲矣书来者见祭伯之自出非有王命也今年之秋天王使宰咺归赙于鲁未几而祭伯来必非王命也来者来朝也其不言朝者何也畿内诸侯不当朝于列国盖内外尊卑之分所当然也祭或称公或称叔其称公者嘗受命为三公其称叔者未受爵者也

## 公子益师卒

## 二年春

隱公在位十有一年独元年书春王正月余十年不书正月说者曰隱十年无正隱不自正也古者诸侯受正朔于天子故月正元日朝正于庙隱不书正自谓居摄不行朝正之礼故也隱公十年不书正桓公十四年不书王二年不书秋冬此又春秋言外之深防也【按此条讲义永乐大典原本在十一年十一月经文下今移正】

## 公防戎于潜

古者戎狄种落间与中国杂处近于鲁者为徐戎多为鲁患当伯禽之时徐戎并兴东郊不开伯禽至于治戎器以伐之具版筑以备之今也隱公与戎防于潜左氏以为修惠公之好鲁与戎好其来久矣未几复盟于唐至于桓公盟唐再书戎鲁会盟遂为故事夫戎狄非盟防可结也庄公之时亲追戎于济西盟果何益哉春秋安得不谨而志之书及盟者鲁公之志也

## 夏五月莒人入向

按左氏莒子娶于向向姜不安莒而归故莒人入向夫妇之不谐正家之道未至也何至以干



戈相向入之为言不顺之辞也造人之国都几有其地矣观宣公之时伐莒取向则知向为莒之邑久矣不知入向之后莒何时复取之以为莒邑耶大要书入者虽未至尽有其地然既入之后日侵月削积久而取之者亦多矣

### 无骇帅师入极

无骇者展无骇也何以不氏未赐族也其称帅师者将尊而师众也极小国也命将出师直入其国鲁之怙彊亦甚矣自无骇入极之后终春秋之世极无闻焉意者卒见取于鲁耶春秋之初小国尚多至于末年寂寥几尽鲁秉礼之国也取根牟取鄆取郛取鄆其所取者不止一国而况于诸侯强大者乎汉阳诸姬楚实尽之晋自武献以下兼国多矣可胜叹哉

### 秋八月庚辰公及戎盟于唐

九月纪裂繻来逆女冬十月伯姬归于纪【按戴氏所释经文多从左氏春秋观讲义中亦称裂繻可见】

婚礼人之大伦也为国君者合二姓之好以为宗庙社稷主故冕而亲迎不以为重今也纪裂繻来逆女书于春秋传者以为逆女当亲行使大夫非正也是则然矣然考之昏义婿迎妇于其家御轮授绥三周而先归俟于门外相去盖不遠矣有如国君之尊遠适他国以行亲迎之礼则国事少废矣说者以为文王娶于莘莘之国在渭之浹故文王亲迎于渭然文王是时为世子犹可以遠出也韩侯娶于蹶父之女韩侯迎止于蹶之里此诸侯亲迎之礼也然蹶父为天子卿士韩侯入覲于天子故因迎于蹶里非专为亲迎行也其理恐或然春秋内女适列国者多矣其事不尽书于春秋伯姬之归纪其事甚可念也纪亡而伯姬不能葬使齐侯得以葬之故春秋书伯姬之归于前又书伯姬之葬于后所以志伯姬之终始也

### 纪子帛莒子盟于密

纪子帛其义不可晓说左氏者曰子帛者纪裂繻之字也书外大夫于诸侯之上春秋无是也公谷二传帛皆作伯义亦不通帛之一字非美文则字误也圣人存而不削史之旧文不敢改也

### 十有二月乙卯夫人子氏薨

### 郑人伐卫

按左氏叔段之乱段之子滑出奔卫卫人为之伐郑取廩延郑伯以王师虢师伐卫又请师于邾邾私于鲁公子豫豫帅师防伐其事可谓重矣春秋削之而不书今兹复伐卫讨滑之乱也夫郑伯不容其母弟逐其弟及其子又不能容之于卫请师于王以伐之春秋以为王师之重非郑伯所得用也故没而不録观郑伯前日之所以伐卫者如此其重今兹再伐必非轻用微

者春秋以郑人书盖贬郑伯之无亲也

三年春王二月己巳日有食之

春秋之法祥瑞不书有变异则书故日食书于春秋者三十有六凡日之食必书朔其不言朔者或在朔之前或在朔之后也说者谓日食之日陰阳有定数无与于灾异是大不然陰阳薄蚀天道有亏代天作子适当天变恶可不恐惧脩省以回天譴譬如父母有疾为人子者当引咎归已请命于天庶几父母之可安也

三月庚戌天王崩

夏四月辛卯尹氏卒【按戴氏释此一经独从公谷见成十六年公防尹子昭二十三年尹氏立朝讲义】

秋武氏子来求赙

八月庚辰宋公和卒

冬十有二月齐侯郑伯盟于石门

春秋书诸侯相盟始于密次则石门厥后瓦屋之盟则诸侯参盟之始也人愈众则志愈分志愈分则盟愈不可信矣

癸未葬宋穆公

四年春王二月莒人伐杞取牟娄

莒在春秋不得为大国前年入向固已甚矣今兹伐人之国取人之邑狃于前日之胜而忘其国之微无乃太甚乎书伐书取甚之也异时莒牟夷以牟娄及防兹来奔以不义得之以不义失之徒为叛人之资尔背义以求利果何益哉

戊申卫州吁弑其君完

夏公及宋公遇于清

诸侯相与之礼有朝有聘有防有盟而又有遇礼焉遇之礼造次简畧有邂逅适愿之意春秋谨而志之讥失礼也曲礼曰诸侯未及期而相见曰遇其简畧可知也

宋公陈侯蔡人卫人伐郑秋翬帅师防宋公陈侯蔡人卫人伐郑

按左氏卫州吁之立也使告于宋曰君若伐郑以除君害君为主敝邑以赋与陈蔡从然则伐郑之谋卫实先之春秋以宋公主兵何也州吁卫之乱臣贼子也卫人不以为君宋公怵于州吁之邪说帅师以伐郑则是师也非宋公谁实主之书宋公于其上书卫人于其下圣人之深意也卫人者州吁也不与州吁之为君故以卫人书翬者公子翬也不书公子恶之也宋公请师于鲁鲁公不许公子翬固请帅师隱公之祸翬实为之怙彊专政有自来矣春秋之辞贵乎简严不曰翬帅师防伐郑而再书宋陈蔡卫者详其辞所以甚其罪也

九月卫人杀州吁于濮冬十有二月卫人立晋

州吁之罪天子所当讨也卫晋之立天子所当命也今也不然讨有罪立嗣君皆出于卫人之意圣人直书之曰人言权之不出于上也州吁称名晋不称公子其辞严矣

五年春公矢鱼于棠

左氏曰矢鱼公谷曰观鱼矢之为言陈也陈鱼而观之其实一也说者谓矢鱼者射鱼也其说亦通灵台之诗曰王在灵沼于物鱼跃言文王有仁德而其民乐之也使隱公知此意能与民同乐则民乐其有鸟兽鱼鼈矣何至遽去国都陈鱼而观之礼失地遠春秋雨讥之

夏四月葬卫桓公

秋卫师入郕

春秋之法将卑师众称师将卑师少称人故卫师入郕与莒人入向书法不同郕卫同姓之国也卫君方立桓公始葬首兴报复之师无乃太早计乎

九月考仲子之宫初献六羽

仲子非惠之夫人故仲子既葬不祔于惠之庙隱公为仲子别立宫考者宫既成而祭之名也六羽者舞之名也舞者执干而舞谓之武舞执羽而舞谓之文舞天子之舞用八人为一列凡八列共六十有四人故总名曰八佾鲁僭用天子之礼舞八佾于羣公之庙久矣今焉考仲子之宫不敢用八而用六故曰初献六羽何以不言六佾妇人无武事故有羽舞而无干舞是礼也其隱公之失欤仲子既非夫人宫不当立祭不当舞原隱公之意欲立桓公为君尊其母为夫人故委曲迁就若此不知典礼之坏有以启人之奸心异日之祸皆失礼有以基之也

邾人郑人伐宋

左氏曰宋人取邾田邾人告于郑郑人以王师防之伐宋入其郛宋人使来告命公闻其入郛也将救之问于使者曰师何及对曰未及国公怒乃止邾附庸之国也是时未列于诸侯何以书于郑人之上伐宋之谋邾实启之郑实辅之故以邾主兵也伐宋入郛宋不以实告故春秋

书伐而不书入

螟

春秋于螽螟水旱皆书所以重农事也重农事所以爱民命也人君一念及此必不敢违天以病民矣

冬十有二月辛巳公子彊卒

宋人伐郑围长葛

谷梁曰伐国不言围邑说春秋者多用之其实未必然也伐人之国其事不一固有造其国都门焉而还者春秋当以伐书若筑垒堙堑环而守之春秋岂得不以围书若楚子围郑之类是也苟非造其国都而直围人之邑春秋不先以伐书则未知其为谁之邑也今书伐郑围长葛者记事之体当然也宋郑未有旧怨止因交兵之故结怨不已长葛之围久而不去经一年之久不取不止春秋恶其黷兵书围长葛于前书取长葛于后不待贬而罪可见矣

六年春郑人来输平【按此条经文戴氏从公谷观下讲义中屡称输平可见】左氏曰渝平公谷曰输平渝之为言更也言更前之怨而为今之平也输之为言纳也言纳今之歎以求平于我也其辞虽不同其义则一矣郑人与鲁有旧怨今焉既与宋人交恶惧鲁之谋已也故易仇怨而为和平凡平者春秋之所喜也然郑伯之意非出于真情异时归祊假许田之事皆于此乎始故春秋谨而志之见郑伯之为谖也

夏五月辛酉公防齐侯盟于艾

左氏曰始平于齐也隱公初与郑平及今又与齐平可以为美矣然而齐鲁郑在春秋之初俱为大国苟能同心合力以抚邻国则是平也君子与之自郑人输平齐人始平之后三国防于中邱者谋伐宋也防于时来者谋伐许也已而入许之师三国皆与焉接诸侯以伐诸侯何取于平哉

秋七月

冬宋人取长葛

非其有而攘夺之其名曰取长葛之围志在必取罢民日久不遗余力所谓宋殇公立十年十一战而民不堪命者盖如此其得祸也宜哉

七年春王三月叔姬归于纪

叔姬者伯姬之媵也伯姬归于纪在隱之二年今叔姬始归何也待年于国也易曰归妹愆期迟归有时象曰愆期之志有待而行也若叔姬者所谓有待而行者欤其书于春秋者为入于鄫书也入于鄫者叔姬之贤行也

滕侯卒

夏城中丘

中邱鲁之邑也鲁方无事非有疆 之虞中邱不必城也就使当城夏之月非所当役也谷梁曰城为保民为之也民众城小则益城益城无极凡城之志皆讥也盖王公设险以守其国城郭沟池以为固先王所不废也故民众城小则可以益城苟不计民之多寡益城无极则凡城之志于春秋者皆讥也有如城其所不必城役其所不当役其讥益甚矣

齐侯使其弟年来聘【原注弟年来聘凡两书一见桓公三年】

春秋书法其称兄若弟者亲亲之礼当然也然而宠爱过则伤义刑罚加则伤恩随事而观褒贬见矣聘问之礼国有大夫兄弟之亲何烦聘使有如行人失辞则国家不可屈法齐僖公宠其母弟故弟年来聘两见于春秋异日无知之祸其亦宠爱之过欤

秋公伐邾

鲁与邾为邻国仪父始与隱公盟邾未尝得罪于鲁何为隱公亲自伐邾不惟轻于用兵其自卑屈亦已多矣

冬天王使凡伯来聘戎伐凡伯于楚丘以归

凡伯出使非有徒兵之众戎人无道掩而执之直易事尔春秋何以书伐大天子之使也不书执而曰以归避其名也左氏曰戎朝于周发币于公卿凡伯弗賓楚邱之执凡伯固有以自取然天子之使则不可以不重也凡伯聘鲁为戎所执鲁方与戎盟不暇问戎之罪道过楚邱卫独不能救乎戎不足责也鲁卫之罪其又奚辞

八年春宋公卫侯遇于垂

昔也宋公鲁侯遇于清今宋公卫侯遇于垂非礼之礼习而安焉尤而效焉不以为异也

三月郑伯使宛来归祊庚寅我入祊

古者天子有事于泰山诸侯之从祀者有汤沐之邑诸侯时朝天子故天子之郊有诸侯朝宿之邑焉祊者郑汤沐之邑许田者鲁朝宿之邑也周室既衰侯服不朝时巡不讲故诸侯朝宿

汤沐之邑皆废而无用祊近于鲁许田邻于郑郑伯利在得许田未敢直取之鲁故先使人归祊以为异日取许田之地鲁隱不悟其计受而有之故春秋书曰我入祊其曰我入者受而归于已有德色焉大抵郑诈而鲁愚自郑人输平之后鲁多堕郑计而不自知曰输平曰以归者有卑逊屈下之义焉用见郑伯之诈也【按黄震日抄云赵鹏飞经筵谓鲁要郑而得祊以前此鲁不救郑也戴氏则谓郑诈鲁而归祊以后此郑假许田也二说不同而皆精于考究】

夏六月己亥蔡侯考父卒

辛亥宿男卒

秋七月庚午宋公齐侯卫侯盟于瓦屋

诸侯之参盟始于此自时厥后聯合列国数防屡盟者何其多也可胜罪哉

八月葬蔡宣公

九月辛卯公及莒人盟于浮来

入春秋以来莒人入向已而伐杞取牟娄颇有自大之意今兹鲁公亲与莒人盟人微者之称莒彊鲁弱益可知矣左氏曰以成纪好也向者纪莒二君尝盟于密鲁大国也何乃汲汲然与莒之微者盟乎

螟

冬十有二月无骇卒

九年春天王使南季来聘

天子之大夫例称字隱公即位之初天王来归仲子之赠于今九年聘鲁者再隱公不惟不朝亦未尝有报聘之使说春秋者犹以隱公为逊国之贤君贤者而若是乎春秋之法责臣子者重责君父者轻天子下聘于诸侯固失体矣诸侯未尝报聘于天子如不臣何春秋未暇责周深责鲁矣

三月癸酉大雨震电庚辰大雨雪

春秋纪天道之变上自日月星辰次及风雨雷电莫不具载盖欲人君省灾戒惧陰阳之差各以类应既有震电则不当雨雪盖震电者阳气发泄而雨雪者陰气凝沍故也八日之间陰阳交错其变甚矣

挟卒

夏城郎

秋七月

冬公防齐侯于防

是防也鲁与齐谋伐宋按左氏宋公不王郑伯以王命讨之来告于鲁鲁防齐于防明年防于中邱盟于邓皆以伐宋故也夫奉王命以讨不王此天下之大义也当特书于春秋防与中邱以常事书邓之盟削而不书其故何也盖春秋原情之书也隱公实以怒宋之故借公议以释私憾春秋方以为罪又乌足以为义乎

十年春王二月公防齐侯郑伯于中丘夏翬帅师防齐人郑人伐宋六月壬戌公败宋师于菅辛未取郕辛巳取防

鲁去年之冬防齐于防今年防齐郑于中邱合谋以伐宋亦已久矣曷为而夏五月公子翬帅师防齐郑伐宋而公不与乎翬怙权自恣专命先行虽公不得而制也伐宋者齐侯郑伯也而春秋以人书不与翬之防诸侯也六月公防齐侯郑伯于老桃春秋削而不书败宋师者三国之兵皆在焉取郕取防者郑也而皆以我书何也盖伐宋者非齐人之意鲁怵于郑齐逼于鲁故也及其败宋师取二邑齐不与其谋郑人特归于鲁用见鲁隱之愚郑庄之诈推其利于鲁而归其罪于隱公隱公莫之悟是亦归祲之余智欤直书曰败又书曰取春秋之意深矣

秋宋人卫人入郑宋人蔡人卫人伐戴郑伯伐取之详观左氏所传郑人伐宋取其二邑师未反国宋约卫人乘虚入郑郑人还在郊宋卫之师不敢在郑遂偕蔡人为伐戴之行郑人掩其不备伐三国而取其师焉郑庄亦巧于用兵矣春秋书三国伐戴于上书郑伯伐取于下不言取三师焉其恶郑伯之诈也明矣隱公十一年之中郑庄用兵于诸侯者不一役甚矣郑庄之佳兵也

冬十月壬午齐人郑人入郕

左氏曰讨违王命也郑伯为王卿士借王命以讨诸侯一则曰宋公不王二则曰郕违王命当时诸侯不知有天子者岂直二国而已哉异时蔡卫陈从王伐郑其违王命也不亦大乎郕小国也昔年卫师入郕今焉齐郑又入之弱小之国不能以自存若此亦可见王道之衰矣

十有一年春滕侯薛侯来朝

古者诸侯俱朝于天子于是有旅见之礼诸侯虽曰世相朝然两君相见分庭抗礼安有旅见于庭哉滕薛与鲁皆列国也来朝于鲁固已卑矣隱公安得偃然旅见之连书滕薛讥其僭也

夏公防郑伯于时来秋七月壬午公及齐侯郑伯入许古者诸侯相防非有天子之事则有四方之禁也春秋以来凡诸侯之防大抵为伐国设也时来之防谋伐许也乘三国之力而直造人之国都言其甚易也向也三国伐宋鲁取其邑今也三国入许郑有其地齐皆无与焉然而伐宋入许之师皆以齐先郑何也齐在当时最为大国鲁郑非假齐之力未能必胜也圣人探其事而书之则罪有所归矣按左氏郑伯入许既有其地春秋不以灭许书盖郑伯处许叔于许西偏后十五年许叔入于许则许既复国矣故春秋书入不书灭

冬十有一月壬辰公薨

桓公

元年春王正月公即位

人君逾年即位故于元年之春行即位之礼春秋从而书之然而春秋之法继故不言即位隱公钟巫之祸桓公实为之则桓之继隱是继故也何以言即位桓公志在得国讳隱公之故偃然行即位之礼春秋即其实而书之所以原其情而重其罪也

三月公防郑伯于垂郑伯以璧假许田夏四月丁未公及郑伯盟于越

郑庄公自归祊之后志在许田久矣久而未言固将有待也一旦桓公嗣位得罪于诸侯庄公乘其恐惧迫胁而取之然而庄公多诈非曰直取之也以璧而暂假之也夫天下之物直假于人谓之假以物相易谓之易今以璧易田而名之曰假讳易地之名而托辞于假此庄公之诈也防于垂以谋之盟于越以固之其为许田之计也密矣

秋大水

冬十月

二年春王正月戊申宋督弑其君与夷及其大夫孔父滕子来朝

隱公十一年书滕侯来朝今而曰滕子何也说春秋者谓时王所黜也夫周王之赏罚不行于诸侯久矣岂能黜滕侯之爵以为子乎先儒谓其在丧故曰子终春秋之世称子岂其皆有防乎又言桓公得罪于王法滕首朝之故贬而书子是则然矣后之称子者独何罪乎大抵春秋之诸侯其轻重皆自为之小国有爵尊而贡重者多自贬黜以从其卑若杞侯之或称伯或称子之类是也春秋从而书之不没其实也【按黄震日抄取戴氏此论又云自贬之说朱子主之以子产争承为证】

三月公防齐侯陈侯郑伯于稷以成宋乱夏四月取郕大 于宋戊申纳于大庙



何谓郕大 是 也郕实为之宋尝取之 虽在宋犹郕 也宋取之郕鲁取之宋则是 为诸侯所重久矣华氏之乱鲁桓公与诸侯防于稷以成之乱可治也其可成耶书成乱于前书取 于后不待贬絶而恶自见矣然而宋以 赂公春秋不书赂而书取严其事而正其罪也大庙者周公之庙也取其 而荐之大庙周公其受之乎纳之为言义弗受也

秋七月杞侯来朝

杞夏后氏之后其爵称公今称侯者杞弱而以侯礼至也七月来朝九月见入鲁之无道甚矣亦杞之卑弱有以自取之也

蔡侯郑伯防于邓

三国为防始惧楚也入春秋之初楚最先称王其疆可知矣此三国者地与楚近先有惧心焉未几而楚灭邓久之而楚复灭蔡郑虽仅存异日牵羊之逆郑亦几亡矣然楚虽无道随侯惧而脩政楚不敢伐其后子产相郑执玉帛以抗楚而楚亦不能加焉弱小之国能自疆于政治犹可以自保三国之防徒有惧楚之心而无自疆之实春秋惜之

九月入杞

公及戎盟于唐冬公至自唐

隱公尝与戎盟于唐桓复行之修故事也然隱不书至而桓书至何也为其告至于庙而后书耶凡君行告至于庙礼之常也隱独不告至耶春秋之法防而不至者安之也防而书至者危之也桓公得罪于王法亦戎之所得问也使戎人思隱公之盟问隱公之事则桓公是行也岂不甚危乎危其往所以幸其归也

三年春正月公防齐侯于羸

春秋之法加王于正月之上其正月无事则二月三月亦然桓公即位十有八年称王者四不称王者十有四【原注元年称王二年称王十年称王十八年称王】桓公得罪于王法天子之所当讨也元年即位至于二年而天讨不加圣人犹有待也三年之久而王法卒不行焉圣人曰是终无王矣于是称正月而不称王数周于十不可无王故十年复书曰春王正月犹建亥之月六陰用事不可以无阳故十月称为阳月也十有八年桓公于是终矣乌可以无王哉故复书曰春王正月圣人诛乱臣贼子之意既严而扶持王道之意尤切焉鲁之与齐婚姻之国也鲁娶于齐非一公也独文姜之婚载于春秋甚详其曰防于羸者谋婚于齐也公子翬如齐者逆女也送姜氏于讙者齐侯也防齐侯于讙者鲁公也姜氏既至致夫人者齐侯之弟仲年也自防羸而至于成婚何其为礼之厚也春秋备书其事辞繁而不杀深恶姜氏之乱由齐侯宠爱之大过桓公之祸亦有以自取焉尔

夏齐侯卫侯胥命于蒲

春秋之法防而为盟者陈牲防其血为载书而要诸神坚守誓约不敢违越今也齐卫二君胥命于蒲牲不防书不载彼此相谕谨言而退此春秋所无有也二百四十二年之间胥命之书止此而已故曰春秋恶屡盟善胥命

六月公防杞侯于郕

鲁入杞杞求成于鲁故防杞侯于郕甚矣杞之可念也桓公之时杞侯来朝归而见入左氏曰杞不敬也僖公之时杞子来朝归而见入左氏曰杞不共也夫杞行朝礼卑逊有余岂其不敬不共自贻忧祸良由微弱之国不能备礼贡献有阙贻怒于鲁身虽行礼而不免见伐于人尤可念也比事而观春秋抑彊扶弱之意可见矣

秋七月壬辰朔日有食之既

既之为言尽也日之食也由阳气之微也日食有多寡之殊则阳气之微有轻重之异今也食而至于尽几于无阳矣故曰食一也正阳之食比于他月尤重谓阳气之甚微也

公子翬如齐逆女九月齐侯送姜氏于讙公防齐侯于讙夫人姜氏至自齐冬齐侯使其弟年来聘

有年

春秋二百四十二年其有年亦多矣苟其无年民何以生独桓公书有年宣公书大有年岂羣公皆无年耶曰非也桓宣二君得罪于王法天道所不恕也即其戾气所感宜降之罚饥馑荐臻天道不僭矣然而民何辜焉幸其有年喜而书之此圣人助天爱民之意

四年春正月公狩于郎

四时之田惟冬狩为盛盖农隙之时不至于践伤禾稼兼肃杀之后万物众多非三时比也正月而狩非其时矣于郎之远非其地矣

夏天王使宰渠伯纠来聘

宰豕宰也渠国也伯爵也纠名也天子之上士书名今渠伯以畿内之君为天子之豕宰何以称名为其聘桓也桓公之罪天子不能讨又从而聘之赏罚无章甚矣豕宰奉命来使诏王诛赏之权当如是乎书宰书爵以见其尊书名书来聘以见其罪待之尊者责之重也责之重者罪之深也

桓公四年无秋冬 春秋之法四时具然后为年故四时无事必举首月独桓公之时四年无秋冬七年无秋冬圣人之意伤矣桓公之罪天子不能讨圣人固已不书王矣王法不能诛圣人岂无望于天乎越四年之久桓公假息如故既又三年而犹自若焉圣人曰天之道或几乎息盖赏以春夏刑以秋冬天之道也今天道失刑无秋冬矣此又圣人言外之意

五年春正月甲戌己丑陈侯鲍卒

夏齐侯郑伯如纪

二国同时朝纪本以袭纪也纪人知之故因以如纪欺诸侯春秋从其告而书之盖不如是则无以显其诈也书如纪于前书纪侯去国于后二君之情不可得而掩矣

天王使仍叔之子来聘

王者不忘大臣之德故仕者世禄诗人贤之不以官职私大臣之亲故官人以世君子罪之天子聘问于诸侯当择贤而行岂得使其大夫之子且父在而子代任其将何称故书曰仍叔之子其名字不获载于春秋求名而名亡垂戒远矣

葬陈桓公

城祝丘

秋蔡人卫人陈人从王伐郑

此圣人之特笔也郑伯不朝天子亲行讨罪三国从焉圣人书蔡卫陈三国从王伐郑见诸侯拥卫天子以行天讨天子甚尊诸侯甚微郑伯无所逃罪矣如左氏所载战于繻葛王卒大败春秋不以战书不可言也战不可言况于败乎败绩于茅戎犹可言也败绩于郑其可言乎王不言天褒贬之意畧寓其间矣

大雩

礼记月令仲夏之月天子雩帝用盛乐谓之大雩诸侯雩境内之山川而已盖雩者祈雨也先事而祈王者重农之意也【原注常祀祈雨者谓之雩遇旱而祭者亦谓之雩传者专以雩为旱祭特知其一尔】鲁僭用天子之礼故大雩郊禘率与天子同使春秋悉书之将不胜其书也故因事而书以示戒也今大雩之所以书者非时也夏当雩而秋行之时已晚矣凡书大雩者其义同

螽

冬州公如曹

州公者天子畿内之诸侯尝为三公者也外相如不书于春秋此何以书左氏曰淳于公如曹度其国危遂不复此奔也以如告于鲁春秋伤之畿内诸侯不能自存逃于他国此春秋之大事也安得而不书

六年春正月寔来

按三传皆以寔为州公之名【按左氏曰书曰寔来不复其国也杜氏注曰寔实也不言州公者承上五年冬经省文公羊曰犹言是人来也谷梁曰是来也皆不以寔为州公名】来者来朝于鲁也州公失国故名之不言朝者不与其朝也春秋书此以为失国者之戒

夏四月公防纪侯于成

齐侯有圖纪之心纪人惧而谄谋于鲁当此之时鲁与齐纪婚姻之国也纪侯告情于鲁求成于齐必可得也今也既防之后复朝于鲁欲请王命以求成于齐情意恳切而桓公恬然不顾受纪之朝卒无救于灭纪之祸夫亲仁善邻救灾防患贤者之事也桓公岂其人乎求非其人祇无益耳

秋八月壬午大阅

仲冬教兵名曰大阅既阅之后因以田狩故冬之田名曰狩桓公四年尝狩于郎今年复行大阅之礼盖前日之狩止于田猎而已未尝有所阅也兹焉大阅选徒简车其礼盛矣夫大阅者非诸侯所得为也况以秋八月行之故春秋因其失时以垂戒焉

蔡人杀陈佗

陈佗得罪于其君夺其国而有之国人不以为君观墓门之诗指以为梟则国人之情可知一旦蔡人取而杀之如盗贼然书蔡人者讨贼之辞也以讨贼与蔡人其不能讨者罪有所归矣

九月丁卯子同生

春秋十二公惟庄公为嫡夫人长子桓公以太子生之礼举之故得书于春秋此义明则嫡庶之分辨矣

冬纪侯来朝

七年春二月己亥焚咸丘

焚咸邱者焚林而田也古者昆虫未蛰不以火田仲春之月蛰虫已启万物孳生岂容以火田耶桓公不仁亦已甚矣

夏谷伯綏来朝邓侯吾离来朝

诸侯不生名谷伯綏邓侯吾离何以名朝于桓公故贬之也去年纪侯来朝何以不贬纪有亡国之忧不得已而朝于鲁谷邓未尝通于上国一旦无故来朝恶得不贬故曰春秋原情之书

八年春正月己卯烝

天王使家父来聘

桓公即位八年矣天子之使三至于鲁周之无政鲁之不臣不亦甚乎家父何以无讥宰渠伯纠既以名书于前仍叔以下无讥焉讥之将不胜讥从其初也责及冢宰大夫无与此又春秋正本之意也

夏五月丁丑烝

烝之为言众也冬祭曰烝故四时之祭冬祭为盛言万物之众多也春正月烝已非时矣况五月而又烝乎失时黷礼圣人讥焉【按程端学春秋或问云释书再烝之义戴氏最善】

秋伐邾

伐邾不言其人微者也向焉隱公尝亲伐邾故以公书今焉伐邾虽大夫不行益又卑邾矣其后僖公卑邾而不设备遂有升降之败匹夫不可轻况国乎【按黄震日抄谓戴氏此说可为鉴戒】

冬十月雨雪

孟冬之月陰气始凝骤有雨雪陰气盛也【按黄震日抄云诸家多以冬十月为今之八月戴氏独以夏正言之理亦未尝不明知圣人之不书秋为冬矣】

祭公来遂逆王后于纪

公羊曰使我为媒可则因是往逆故祭公之逆后春秋以遂书夫婚姻重事也先期未尝告诸纪一旦祭公来使鲁为媒而遂逆之揆诸人情不应率畧若此天王下婚于纪计已有成约矣祭公至鲁遂往逆后此天王之命非祭公自为之也纪鲁甥也祭公过鲁谘谋于鲁而行则有之矣使鲁为媒而遂逆后无是理也【按黄震日抄云戴氏此说以情言过于诸家之专主讥诋者】

九年春纪季姜归于京师

诸侯之女归于京师亦多矣而纪季姜独书因祭公之来季姜之归鲁实与闻之非他王后比也方其逆也称曰王后由王命言之也其归也称以季姜由父母家言之也【按程端学春秋或问云此史氏立言之法戴氏最得其意】

夏四月

秋七月

冬曹伯使其世子射姑来朝

来朝诸侯之事也世子不得而行之射姑之来曹伯实使之于是失正矣曹伯何以使其世子来朝当食而射姑叹逾年而终生卒意曹伯将托其子于鲁乎不然何其急也射姑承父命而行朝礼几于僭矣鲁以待国君之礼待人之子几于屈矣三者咸讥焉

十年春王正月庚申曹伯终生卒夏五月葬曹桓公秋公防卫侯于桃丘弗遇

防之为言彼此有成约矣此往防而彼不来非有他故则中变而背约尔今也鲁防卫侯而弗遇卫背约也春秋何以弗遇书弗内辞也若曰彼之来也我弗与遇则其为辱不在我矣此春秋存鲁之意也

冬十有二月丙午齐侯卫侯郑伯来战于郎

春秋诸侯加兵于鲁或侵或伐或围春秋即其实而书之未有言来战者今而曰来战于郎何也齐与鲁为婚姻郑以许田之故与鲁相好今年之春卫侯与鲁约防于桃邱一旦以郑忽怒鲁之故相与率师来战人之称斯师也其诸无名之师欤春秋恶之直书曰来战如入无人之境若曰鲁不受兵而三国自为战尔左氏曰我有辞也其义得之主兵者郑也何以首齐齐人以郑忽有功之故忘婚姻之好合师以伐鲁齐侯之罪也使齐侯逊辞以谢郑则必无来战之师矣

十有一年春正月齐人卫人郑人盟于恶曹

三国之师以去年十二月来战于郎今年正月三国之人盟于恶曹相去甚迹故说者谓是盟也三国之君在焉贬而称人是固然矣然三国之君迫岁而归留其大夫使为此盟亦未可知也三国来战已无名矣既战之后复为此盟其意欲以谋鲁也向使郑庄无恙鲁之被患犹未已尔贬而书人春秋之意可见矣

夏五月癸未郑伯寤生卒秋七月葬郑庄公

九月宋人执郑祭仲突归于郑郑忽出奔卫

祭仲郑之相也命大夫故不名郑庄为王卿士故其臣得请命于天子以为大夫夫以大夫而为国相宋人得诱而执之其为人不足憚矣宜于废忽立突制命于宋而莫敢争也突公子也其不称公子者言突之不当立也郑忽未逾年之君也其以国氏者言忽之当有郑国也突归而忽去一出一归无难辞焉用见权臣之专制举国听命而不敢违也释春秋者犹以祭仲为贤岂其然乎

柔防宋公陈侯蔡叔盟于折

柔者鲁大夫之未赐族者也春秋之初犹有如无骇翬挟柔者其后周室益衰列国之大夫自专故无未赐之族矣桓公方得罪于齐卫郑今将与三国为好而以大夫盟其君可乎

公防宋公于夫钟冬十有二月公防宋公于阚

夫钟与阚之防传者不言其故以谷邱虚 之盟观之知鲁之欲平宋郑也以纪郑之战观之知宋人之责赂于郑也意者宋人立突之后责赂于郑郑不能如宋所欲故宋郑有隙鲁将平之故数与宋防宋公不厌其欲故辞平于鲁鲁以故怒宋率郑与宋战已而郑人不堪复与宋战其本末当如此【按程端学春秋或问云观经文此说未可据】突之入于郑义所不当立也宋人责赂于郑鲁所不当与也身负不义而欲党不正之人春秋恶其以乱治乱详书其事而桓公之罪显然矣

十有二年春正月

夏六月壬寅公防杞侯莒子盟于曲池

说春秋者谓是盟也以平杞莒隱公四年莒人伐杞取牟娄至今始平鲁之功也

秋七月丁亥公防宋公燕人盟于谷丘

八月壬辰陈侯跃卒

公防宋公于虚冬十有一月公防宋公于 丙戌公防郑伯盟于武父

丙戌卫侯晋卒

十有二月及郑师伐宋丁未战于宋

鲁数与宋盟防欲平宋郑宋公辞平故桓公怒而与郑盟共谋伐宋夫鲁之平宋郑非也宋人

之辞平亦非也两国各怀其私心不得所欲怒而至于伐伐而至于战春秋之法战者不言伐今战伐并书何也恶宋鲁之争也书及而不言其人书伐而复言其战皆所以恶之也

十有三年春二月公防纪侯郑伯己巳及齐侯宋公卫侯燕人战齐师宋师卫师燕师败绩

左氏曰宋人责赂于郑郑不堪命故主乎是战者郑也公羊曰得纪侯郑伯然后能为日则主乎是战者鲁也谷梁曰其不地于纪也则主乎是战者纪实为之也三者之说宜何从先儒以为内以纪为首外以齐为首则齐纪之事于三说为胜是固然矣然合谋以伐人者非先有衅隙则其谋不合齐欲灭纪纪安得而不自救乎宋多责赂于郑郑安得而不怒乎鲁与齐卫有战郎之怨于宋有辞平之嫌故自相纠合以营其私然大要齐纪之争为多纪不度德不量力而欲徼幸于一战之间齐虽败绩纪终不免于亡由是知浪战之无益也

三月葬卫宣公

夏大水

秋七月

冬十月

十有四年春正月公防郑伯于曹

无冰

七月之诗曰二之日凿冰冲冲三之日纳于凌陰四之日其蚤献羔祭韭左氏曰古者日在北陆而藏冰西陆朝覲而出之此二说者皆藏冰之道也然而微有不同二之日者今十二月也三之日者今正月也如是则十二月取冰正月藏之左氏所谓日在北陆而藏冰盖十有二月也四之日者今二月献羔祭韭所以出冰也如是则二月固出冰矣左氏所谓西陆朝覲而出之也者今三月也藏冰先一月而出冰后一月虽早晚不同大要十二月取冰且取且藏至正月而毕二月出冰出而未用至三月而后用之其实一也今桓公春书无冰者无藏冰也去年十二月时燠而无冰今年之春无冰可出春秋于是时而书之夫藏冰之用亦重矣朝之禄位賔食防祭下至老疾无不受冰一歲无冰为害滋甚不惟此也藏冰不时陰阳失节风不越而杀雷不发而震菑霜雨雹莫之能御其为害也大矣春秋安得不谨而书之【按程端学春秋或问云月令季冬冰方盛水泽腹坚命取冰周礼正歲十二月令斩冰即诗所谓凿冰冲冲者也十二月无冰可凿来年春遂无冰仲尼録之以见人事纵弛變理失道则冬行春令当寒而燠是以万物失宜疫疠将作若十一月无冰则十二月犹有冰可凿何害于事而书之哉以此言之可为三代不改月数之证戴氏谓书无冰于正月谓无藏冰义有未尽特识见正大遂胜诸说考戴氏本主夏正立义而程氏推阐尤畅故附録焉】



夏五

夏五之必有月众人所共知也夏五而不书月圣人不敢增也由圣人之笔削而不敢增众人之所共知其不如圣人者乃欲增改疑似之阙多见其不知量也

郑伯使其弟语来盟

鲁公既以宋为怨故一意与郑为好既防郑伯于曹越数月郑又使其弟来盟何谓来盟鲁与诸侯盟约既定不亲相为盟内遣大夫往盟于彼谓之泄盟外遣大夫来盟于此谓之来盟夫盟国之重事也亲自为盟犹惧不信而况遣大夫以盟乎大夫犹不可而况遣其弟以行乎

秋八月壬申御廩灾乙亥尝

古者天子诸侯亲耕籍田取其米藏之御廩以供粢盛今焉鲁之御廩灾则御廩之藏煨烬之余也三日之间遽行尝祭君子谓未易灾之余而尝志不敬也火戒不防时祭不敬春秋并讥之

冬十有二月丁巳齐侯禄父卒

宋人以齐人蔡人卫人陈人伐郑

宋人责报于郑怒犹未息故复借四国之师以求多于郑此春秋之所恶也其书以者何也夫诸侯合兵以伐人各听命于其主故有同于伐国独不欲战者非主兵所得制也今而书以者谓列国帅师以从左右前后惟主兵所用而不敢有贰焉其为谋也专矣其为力也大矣此尤春秋之所深恶也以诸侯而从天子制命于一人可也纠合列国而听命于诸侯其为僭也不亦甚乎

十有五年春二月天王使家父来求车

古者天子锡有功诸侯于是有车马之赐故在诗曰何以赠之路车乘马未闻天子求车于诸侯也昔者夫子正取假之名于季氏今天子责贡于诸侯而书之曰求何也王室微弱诸侯疆大即求车一事观之则庭实之贡其不至久矣不书求则无以知王室之日卑而诸侯久无所贡也直书其实不避其名责诸侯也

三月乙未天王崩

夏四月己巳葬齐僖公

五月郑伯突出奔蔡郑世子忽复归于郑

诸侯不生名失地则名突之入五年矣故称郑伯其名者失地故也郑忽之立才四月尔未成其为君故书郑忽出奔卫及其入也称世子称复归明忽之当立也突之出奔未及数月复归于栎称突称入者明突之不当立也自是而后称郑伯者皆突也忽虽立为君不通于诸侯亦可以见忽之弱而突之彊矣

许叔入于许公防齐侯于艾

隱公末年鲁与齐郑同入许郑庄公据许而有之庄公既卒郑国方乱许叔者许侯之弟也自许东偏复归于许向也鲁齐二国同为伐许之谋今焉自知其非复为定许之防圣人许其能改过矣许叔何以称入内无所因外无所自独以其力复其国都其难若此故称曰入

邾人牟人葛人来朝

列三国而称来朝旅见故也邾牟葛三国虽至微小然桓公非所当朝也旅见非所当谋也贬而称人言其至微而不足责也

秋九月郑伯突入于栎

冬十有一月公防宋公卫侯陈侯于袤伐郑

春秋之法地而后伐者疑辞也于袤伐郑于棐林伐郑于召陵侵楚是也伐郑之师助突而伐忽也助突伐忽于理不顺于心有怀疑而未敢前故地而后伐也

十有六年春正月公防宋公蔡侯卫侯于曹夏四月公防宋公卫侯陈侯蔡侯伐郑秋七月公至自伐郑郑突以不义得国王法所不贷也诸侯合谋以伐郑将以助突也始焉防于袤犹有所疑而后伐今焉防于曹定其谋而再伐同恶相济不遗余力春秋详书其事则舍顺助逆之罪不待贬絕而自见矣去年伐郑不书公至今兹书之何也春秋之法书至者危之也不义之师连年不已此危道也

冬城向

十有一月卫侯朔出奔齐

朔之立也不以其正内得罪于国人天子召而不往且不能使卫小众又得罪于天子失地出奔恶得而不名

十有七年春正月丙辰公防齐侯纪侯盟于黄

纪侯之事迫矣娶于鲁结婚于王室借助于诸侯而与齐师战假宠于鲁公而与齐侯盟皆不

能回齐侯之心以纾灭国之祸春秋详书其事纪为可哀而齐为大可罪矣

二月丙午公防邾仪父盟于趯

隱公初年曾与邾仪父盟于蔑其后躬自伐邾春秋固已非之桓公之时邾复来朝邾仪父复与桓公盟于趯其事鲁之礼亦至矣盟未数月鲁与宋卫伐邾何其无信义若此也春秋书及宋人卫人伐邾不言其人隱之也仪父自是以后得列于诸侯春秋遂以邾子书终春秋之世数数与鲁战争一胜一负迭为客主推原所自实隱桓有以基之

夏五月丙午及齐师战于奚

齐侵鲁疆疆吏来告桓公有命事至而战若是则奚之战疆吏为之也书及而不书其人微之也疆 之争一彼一此春秋备书于策重兵争而惜民命也

六月丁丑蔡侯封人卒秋八月蔡季自陈归于蔡按左氏蔡桓侯卒蔡季自陈归于蔡杜预曰桓侯无子故召季而立之及庄公十年荆败蔡师于莘以蔡侯献舞归杜预曰献舞即蔡季也先儒以为不然曰蔡季自陈归然献舞已立矣蔡季力足以得国而不有故春秋贤而字之然则蔡季之归与季子来归其事正同此二人者皆其国之贤国人欲其归故春秋亦从而嘉之称归称来归者虽易辞也亦喜辞也

癸巳葬蔡桓侯

及宋人卫人伐邾

冬十月朔日有食之

十有八年春王正月公防齐侯于泺公与夫人姜氏遂如齐

按左氏曰防齐侯于泺遂与姜氏如齐则是防也公与夫人俱既防之后因以如齐春秋当书曰遂与夫人姜氏如齐今再书公又曰与夫人姜氏匹敌而并书之见文姜之抗桓公不得而制也春秋书法严矣哉

夏四月丙子公薨于齐丁酉公之丧至自齐

秋七月

冬十有二月己丑葬我君桓公

# 春秋讲义卷一下

宋戴溪撰

莊公

元年春王正月

莊何以不言即位桓公不得其终莊公不行即位之礼故也

三月夫人孙于齐

内讳奔曰孙不称姜氏者絕之也如公谷所言夫人固在齐久矣莊公接父之练錄母之变于是有念母之心焉故春秋探莊公之心而书之其說恐未必然桓公之丧归自齐姜氏必与之俱久而不安于鲁故逃归于齐春秋即实而书明示大义非由莊公念母之故也

夏单伯送王姬秋筑王姬之馆于外

杜预注左传称单伯为天子卿公谷称单伯为鲁之大夫也故称逆王姬以鲁事考之鲁无单伯其为周之卿明矣古者天子嫁女于诸侯使诸侯之同姓者主之谓之公主今也天子使卿送女至鲁俾鲁主之以嫁于齐鲁筑馆以待之礼记所谓由鲁嫁是也春秋书送王姬筑王姬之馆王姬归于齐明年书王姬卒详书其事若此何也鲁之与齐有不共戴天之讎况莊公方有三年之戚天子不当使之主婚鲁亦不当主婚于齐此礼之大失君臣皆不得其正矣

冬十月乙亥陈侯林卒

王使荣叔来锡桓公命

锡命有二有生而锡者若平王锡晋文侯是也有既死而锡者若荣叔来锡桓公命是也生而褒宠其功以防命之死则褒赠共功以追防焉生荣死哀所以为诸侯之劝也今也鲁桓公得罪于王法生不能讨死又追命之所谓天命有德天讨有罪宜不若此王不书天失天道矣

王姬归于齐

齐师迁纪邢鄆郚

齐侯志在灭纪不灭不止故先迁纪之三邑迁之为言徙其民而虚其邑也三邑既虚则纪国之势孤矣用师而迁邑言齐之逼纪也齐之于纪亦虐矣

二年春王二月葬陈莊公

夏公子庆父帅师伐于余丘

公羊曰于余邱者何邾娄之邑也曷为国之君存焉尔诚如是也则于余邱者邾之国都也春秋何不直以伐邾书乎杜预注曰于余邱国名也然而于余邱之为国诸夏未有闻焉意者东夷之小国乎称公子庆父帅师言其将尊而师众也以贵将重师伐一小国然则于余邱亦已彊矣【按程端学春秋本义引戴氏云孟氏之孽基于此永乐大典失载】

秋七月齐王姬卒

冬十有二月夫人姜氏防齐侯于禚

前者夫人孙于齐未有复归之文一旦遽与齐侯防于禚何也姜氏归矣春秋不书明国人不同其归也以夫人而防诸侯岂当书于春秋文姜之事人伦之变也曰防曰享特书而不贷有不容以常理论者观敝笥之诗言齐子归止其从如云其从如雨则鲁之臣子岂得为无罪哉

乙酉宋公冯卒

三年春王正月溺防齐师伐卫

溺不称氏未赐族也齐雒国也卫同姓也防仇雒而伐同姓不待贬而见矣左氏曰疾之也疾溺者所以疾鲁也

夏四月葬宋莊公

五月葬桓王

秋纪季以鄆入于齐

纪季者纪侯之弟也鄆者纪季之邑也自齐师迁纪三邑之后纪不可以为国矣纪季知纪之将亡也以鄆入齐奉币而委质焉请后五庙以存姑姊妹其辞亦可哀矣春秋原情之书也季不书名哀之也

冬公次于滑

公次于滑欲救纪而卒不能也自桓公以来数数谋纪卒无尺寸之功今也纪之亡已形而势已迫矣岂次滑所能救哉莊公特不过借此名以自欺非真欲救纪也春秋不书救纪而止书次滑亦原情之意也

四年春王二月夫人姜氏享齐侯于祝丘

甚矣文姜之恶也始焉孙于齐犹有所愧中焉防齐侯已无所惧终焉享齐侯于祝邱其无忌惮益甚矣牺象出门嘉乐野合偃然用盛礼于十手十目之地盖不但疾驱于通道大都而已谷梁曰飨齐侯所以病齐侯也齐侯不足病也享齐侯所以病鲁侯也

三月纪伯姬卒

夏齐侯陈侯郑伯遇于垂纪侯大去其国六月乙丑齐侯葬纪伯姬

桓公五年齐侯郑伯如纪欲袭纪而不能自后齐人谋纪防二十年至是与陈侯郑伯遇于垂固将以入纪也纪侯度不能自全故一旦大去其国大去者弃其国之所有尽室而逃焉纪侯二十年间谍所以存其国不遗余力卒不能回齐人灭纪之念则未知其大去之后其诸人民之从者久而不忍去欤抑亦逃奔于无人之地假息以偷生欤不然则归鄫奉祭祀以终其身欤其事可矜其情可哀矣书纪侯而不言其名哀之也【按程端学春秋或问云戴氏此说即本公谷而少变者春秋谨严书去其国书矣何必书大去哉于文为支矣苟纪侯尽室逃焉则必葬伯姬而后去携叔姬以偕行今弃伯姬而齐葬之弃叔姬而归于鄫于义为窒矣大者纪侯之名非大去之谓按程氏之说本于伊川可以参考】纪侯之去似太王之去邠而无太王之德纪季以鄫事齐如防子之适周而不遇武王之圣此其所以可叹也齐人志在灭纪使其出师以伐之纪固不能支也而用计深密迁延若此其故何也托复讎以为名曰吾非利纪而有之也讎耻不复齐纪并存将无以自立于世故日夜迫纪使其不能以自存而自去焉则吾有辞于天下以此欺诸侯故诸侯坐视而不敢救又从而助之不特此也存纪季葬伯姬不穷追纪侯纵其自去皆所以欺诸侯而掩其罪也

秋七月

冬公及齐人狩于禚

夫人姜氏享齐侯莊公不能制犹曰迫于母之命也公及齐人狩于禚独不可已乎莊公有威仪技艺诗人曰终日射侯不出正兮今也与齐人狩嫺于骑射曾是以以为乐乎兴念及父凡有人心者宜于此焉变矣春秋书及者明是狩也出于莊公之志与公狩者齐侯也共曰齐人何也与齐人狩犹可也与齐侯狩可乎

五年春王正月

夏夫人姜氏如齐师

齐侯出师在外姜氏往防之故春秋书曰如齐师妇人在兵间施面目于三军之中岂容以人道责哉

秋郕犁来来朝

郕者何夷狄之附庸也与介葛卢相类故皆以名书焉邾仪父以中国之附庸自附于诸侯知有盟防之礼故其后受王命得称为邾子今郕以夷狄之附庸自附于中国知有朝聘之礼故其后受王命得称为小邾子礼之有益于人大矣

冬公防齐人宋人陈人蔡人伐卫

鲁桓公十六年卫侯朔出奔齐今兹伐卫者所以纳朔也朔在齐故齐侯主之是时四国之君皆在焉不书爵而书人者恶其逆天王之命伐卫以纳朔也谷梁曰人诸侯所以人公也其义得矣

六年春王正月王人子突救卫夏六月卫侯朔入于卫

春秋之法王朝之下士不书名其得书于春秋者曰王人今子突之书既曰王人矣又加之子突何也嘉其救卫而名之也何以嘉之天子之赏罚不行于诸侯久矣今卫朔得罪于天子出奔于齐亦既久矣一旦诸侯伐卫以纳之天子出王人以救卫其事虽防其义则太子突书名大天子之命因以嘉子突也卫朔借诸侯之力以入其国其归也易尔春秋以入书之者言其理之不顺也称名者正其罪也

秋公至自伐卫

螟

冬齐人来归卫俘

齐人曷为来归卫俘齐为主乎是战故卫朔既入国之后使齐为主分俘获于诸侯也其书来归者正齐鲁之罪也伐卫而诸侯称人救卫而子突称名入卫而以卫朔书归卫俘而以齐人书则诸侯之罪昭然矣

七年春夫人姜氏防齐侯于防

夏四月辛卯夜恒星不见夜中星陨如雨

经星在天遇夜不见至于夜中星陨如雨其异甚矣夫星辰失行古或有此不见而陨何异如之天者积气所为日月星辰丽焉故常与是气流转于其间今列星之陨众多如雨则气之消散可知矣春秋书此比他异为尤重

秋大水无麦苗

大水者陰气之盛也秋大水则霖雨可知矣洪范庶徵有雨暘而无水旱盖常雨则多水常暘则多旱矣莊公之时秋无麦苗冬无麦禾并书于春秋說者疑焉以为麦成于夏禾成于秋曷为以秋冬书夫无麦犹可也重以无苗无禾民何以食乎七八月之间雨而苗壞于水十月筑场圃而纳禾稼而禾且不登圣人于是时也并禾麦而书之记灾之甚也

冬夫人姜氏防齐侯于谷

春防于防犹鲁地也冬防于谷则齐之地一歲再防稔恶已极无知之祸行且及矣

八年春王正月师次于郎以俟陈人蔡人甲午治兵夏师及齐师围郕郕降于齐师秋师还

以左传考之自次于郎至于秋师还莊公皆在焉春秋始终称师没公而不书何也师者存亡所系也非有不得已之事轻于用师三时而后反危国亡师之本也春秋危其出而幸其归不书公讳之也师次于郎何以俟陈人蔡人其诸陈蔡出师待其至而邀之欤抑亦有所约未至而待之欤以春秋书人书侯之意观之知其有所约矣师次于郎犹未久也是月甲午即为治兵之举用见公之仓卒出师既出之后始行简阅何其急也至其及齐师围郕也则未知先约齐师欤抑亦偶遇齐师以俱往欤以春秋书及之法观之知围郕者莊公之志也两国之师同时围郕郕降于齐而不降于鲁鲁人之愧不亦甚乎齐师方銳鲁师已老迂延日久不还何待引咎自归其亦莊公之不得已也春秋何善焉

冬十有一月癸未齐无知弑其君诸儿

九年春齐人杀无知公及齐大夫盟于甄夏公伐齐纳子纠齐小白入于齐秋七月丁酉葬齐襄公八月庚申及齐师战于干时我师败绩九月齐人取子纠杀之冬浚洙

公及齐大夫盟谋纳子纠也是时齐无君与公盟者非止一人故以齐大夫目之公亲与齐大夫结约而外以兵送子纠其归特易尔良由小白先入其中变故外拒鲁师于是败鲁而杀子纠春秋书曰齐人取子纠杀之言鲁人拱手听命齐人取之犹一夫耳不惟此也退师之后方且浚洙以备齐其懷惧若此而欲纳人于国宜其不济也乱未作而小白入莒乱未定而小白归齐鲍叔之知也乱既作而子纠奔鲁乱既定而纳子纠于齐鲁则失时矣管仲其无谋乎

十年春王正月公败齐师于长勺

公子纠者小白之兄也小白之立未定鲁人伐齐而纳之未为过也鲁师既败齐杀子纠亦可以已矣今兹帅师伐鲁何其复怨若此也公用曹刿之防乘其三鼓之衰一战而逐之不言战而言败者直败之也鲁之辞亦稍直矣

二月公侵宋



三月宋人迁宿

鲁隱公之初年求成于宋尝与宋人盟于宿则宿者宋之与国也一旦宋人徙其国都驱其人民虽未至于灭国其服属听命之不暇亦防于亡矣故春秋书迁者恶之也

夏六月齐师宋师次于郎公败宋师于乘丘

莊公正月败齐二月侵宋众其敌以为国患故齐宋二师同次于郎将以伐鲁也莊公乘其无备败宋以拒齐鲁虽不为直而齐宋二国帅师以次人之境亦取败之道也

秋九月荆败蔡师于莘以蔡侯献舞归

荆楚也自是始见于经其在殷武之诗曰畋伐荆楚采芑之诗曰蛮荆来威或称荆或称楚其来久矣至是称荆者始以荆之名通于中国也其后改而从楚春秋因而书之犹于越之与越始以于越书而终以越书也其曰先书荆圣人狄之者非也自桓公二年蔡侯郑伯防于邓已有惧楚之心至是而败蔡师于莘不劳兵力竟执蔡侯以归告于中国以示强大自是而与中国争衡矣名蔡侯所以着诸侯之失不言执所以抑楚人之暴夷夏之义两得之矣

冬十月齐师灭谭谭子奔莒

齐桓公将以图霸而首以无礼灭谭不三年而又灭遂其用心之初已谬矣异时存亡继絕特矫揉而为之尔齐桓反国以无礼灭谭晋文反国以无礼侵曹伐卫霸者用心类若此况望其能以公灭私乎谭子不书名灭非其罪也

十有一年春王正月

夏五月戊寅公败宋师于鄆

莊公狃于再胜之故未陈而薄宋师败之于鄆宋之侵鲁固已非矣鲁之败宋不亦甚乎属辞比事其义见矣

秋宋大水

外灾不书此何以书宋人告灾鲁人吊灾故得书于春秋

冬王姬归于齐【原注莊元年王姬归于齐襄公之夫人也今年王姬归于齐桓公之夫人也】王姬下嫁于诸侯亦已多矣其书于春秋者鲁主之也

十有二年春王三月纪叔姬归于鄆

纪侯去其国至是七八年矣不知纪叔姬从纪侯而出奔欤抑纪侯自去而叔姬不从欤其未归于鄆也与纪侯俱欤抑亦归于鲁欤其既归于鄆也其诸纪侯之已卒欤抑其尚在欤不然则纪侯有子其父既卒而率其子归于叔欤是皆未可知也以春秋书法观之既书其归又书其卒又书其葬勤勤恳恳若有哀于叔姬者君子是以知叔姬之贤也【按此可正师氏讥叔姬之说】

夏四月

秋八月甲午宋万弑其君捷及其大夫仇牧冬十月宋万出奔陈

十有三年春齐侯宋人陈人蔡人邾人防于北杏北杏之防齐桓图霸之始也前此诸侯未有称霸者而图霸始于桓公五霸桓公为盛衣裳之防十有一而北杏实为之首是时齐侯与四国之君皆在焉春秋爵齐侯而人四国其意若曰从齐侯于防者特四国之人尔恶足以言霸严其始所以防其终也霸图既盛诸侯并从虽圣人亦末如之何也已矣

夏六月齐人灭遂

齐既以无礼灭谭今兹复以期防不至而灭遂彼独何罪哉不过借威小国以恐动诸侯尔春秋特书曰人微之也微之则不足以为威矣

秋七月

冬公防齐侯盟于柯

齐桓图霸其先结宋其次结鲁盖宋鲁当时之大国也宋鲁从而小国皆从矣鲁自干时之战与齐有怨至是桓公欲图霸故修好于鲁而为盟于柯自是以后齐鲁益亲自柯之盟始焉春秋重是盟也故二国皆称爵

十有四年春齐人陈人曹人伐宋夏单伯防伐宋宋数与齐防齐曷为伐宋左氏曰宋背北杏之防盖防以结之伐以威之而后宋之从齐益固矣单伯曷为防伐宋左氏曰齐请师于周故单伯防之取成于宋而还挟天子以令诸侯桓公之本谋也其不言防齐人陈人曹人者尊单伯故不言其人也若曰单伯防于伐宋而非列国所能屈也是年之冬单伯复防诸侯于鄆齐宋卫郑皆在焉借天子之重以镇服诸侯而诸侯之从者亦多矣

秋七月荆入蔡

前日荆败蔡师于莘今焉竟入之如蹈无人之境楚益强蔡益弱矣北杏之防蔡人在焉齐桓不能救盖方有中国之防力未足以及远故也

冬单伯防齐侯宋公卫侯郑伯于鄆

十有五年春齐侯宋公陈侯卫侯郑伯防于鄆

左氏曰十四年冬防于鄆宋服故也十五年春复防焉齐始霸也齐侯图霸在北杏而始霸在鄆自冬徂春两防于鄆勤动诸侯莫敢或违此其所以为霸欤

夏夫人姜氏如齐

秋宋人齐人邾人伐郕

宋人何以序齐人之上左氏曰诸侯为宋伐郕宋主兵故也

郑人侵宋

宋郑两防于鄆郑人间宋伐郕遽有侵宋之师用见齐桓之信未孚于诸侯而其力犹未足以庇宋也

冬十月

十有六年春王正月

夏宋人齐人卫人伐郑

宋人主兵复序于齐上左氏曰诸侯伐郑宋故也郑人侵宋故齐桓为之防诸侯以伐郑其用力于宋亦勤矣

秋荆伐郑

荆至此三加兵于中国矣不称师不称人者狄之也终春秋之世蔡服属于楚郑奔命之不暇二国之患实基于此春秋安得不深拒痛絕于其初耶

冬十有二月防齐侯宋公陈侯卫侯郑伯许男滑伯滕子同盟于幽

說者以为同盟者同心以为盟也或同心以尊周或同心以外楚春秋皆以同盟书之夫人之结信莫大于盟既盟矣恶有不同心者哉诚如是說则自同盟之外凡书盟者皆不同心乎考之周官有朝观防同之礼殷见曰同先儒以为同盟用是礼也周室既衰是礼不讲齐桓始霸僭用天子之礼春秋谨其始而书之罪其僭也其不书公防者为公讳也自是而后同盟书公春秋亦不得而讳矣【按戴氏以同盟为殷同之盟本于刘敞】

邾子克卒

十有七年春齐人执郑詹

左氏曰郑不朝也先儒以为郑詹者郑之执政也执其一国之政而被执于齐如一夫然何也昔者宋人执郑祭仲于时祭仲出行道过于宋宋人诱而执之今齐人执郑詹将执于其国坎抑诱而执之耶观郑詹自齐逃来其为人轻脱无耻可畧见矣况公谷皆以佞人目之其柔媚不立且不能自重其身宜乎见执于齐也然齐桓以此服郑亦岂足为伯讨乎

夏齐人歼于遂

齐人灭遂遣人戍之遂人饮戍者酒醉而尽杀之此遂人殲齐人也春秋直书齐人殲于遂若曰齐人自取也遂何罪焉灭人之国戍人之地自殲其师图霸若此亦可羞矣

秋郑詹自齐逃来

冬多麋

春秋之纪灾异也鸟兽之害人者悉书于春秋其未尝有而忽有者名之曰有若有蜚有蜮是也畧有而不足以为害多则为害则书之曰多若冬多麋也多则害稼矣若螽之类有一物则有一物之害故直以螽螟书之皆所以谨灾异重民命也

十有八年春王三月日有食之

夏公追戎于济西

隱桓之世再与戎盟则戎之狎习于鲁而无忌憚也久矣此未有言伐者其言追何公羊曰大其未至而豫御之也诚使其未至也驱而去之则有之矣其又何追焉先儒以为鲁不觉其来已去而追之夫戎蛮种落倏去忽来不可常也今一旦骤至骤去而鲁人亦骤追之故春秋不言其伐然自是而后鲁伐戎戎终不能为鲁患追戎伐戎不可谓无功矣治戎之道使之畏威则遠遁岂可以盟誓结哉

秋有

之为物含沙射人南方多有之非鲁所宜有也世之治也地气自北而南及其衰也自南而北虫鱼禽鸟随地气而迁焉有 有鸛鹄皆纪地气之变也

冬十月

十有九年春王正月

夏四月

秋公子结媵陈人之妇于鄆遂及齐侯宋公盟

媵陈人之妇者公子结之私行也其事浅其辞畧不足乎书也因其及盟而记其事之所由始也公子结之是行也殆闻齐宋之将伐鲁而遂自求盟以排难解纷欤不然何其专也诚使是盟也果能排难解纷如 高之存郑君子犹以为诞而况无救于伐西鄙之师乎

夫人姜氏如莒

冬齐人宋人陈人伐我西鄙

是师也其谓何岂公子结之盟不足以救难欤抑亦公子结轻为盟激怒于齐宋而致师欤书及盟于前而书伐我于后则罪有所归矣春秋之书鲁事也其初也拥卫其国以外御诸侯其渐也不可复御其终也荡然无复限节矣故诸侯之伐鲁也其初日来战其次日败某师其次日伐鄙鄙之为言远也不以难迓我国也又其次日伐鄙而围邑及其甚也直书伐我而已

二十年春王二月夫人姜氏如莒

文姜之恶岂容以人道责哉昔年如齐犹托名归宗国连年如莒独何名哉文姜不足道也独莊公为可恨尔

夏齐大灾

秋七月

冬齐人伐戎

齐桓至是始用师于戎然犹未得其要领曾未数年戎敢于侵曹使曹君出奔于外其怙彊亦可知矣及桓公亲伐山戎来献戎防然后始不为中国患盖桓公图伯之初犹未暇遠畧故也

二十有一年春王正月

夏五月辛酉郑伯突卒

秋七月戊戌夫人姜氏薨

冬十有二月葬郑厉公

二十有二年春王正月肆大眚

肆赦也眚灾也故虞书曰眚灾肆赦春秋二百四十二年独莊公书肆大眚盖春秋予之赦有二义时有大灾害及百姓则君赦之有愆愚老弱则特赦之非此二者无故而大赦海内非帝王之法也

癸丑葬我小君文姜

陈人杀其公子御寇

夏五月

秋七月丙申及齐高傒盟于防

盟高傒者公也何以不称公是盟也其将求昏于齐欤莫重其与讎昏也故没公而不书谷梁曰不言公高傒伉也夫高傒之伉何足较哉

冬公如齐纳币

莊公即位二十余年矣至是而求昏于齐說者谓娶齐女者文姜之意也齐女尚幼故待年而后聘然则莊公之图昏于齐何其庸愚不武如此也意者莊公不知其父之所以死与其母之所以罪欤盟防结昏如齐纳币前此昏礼未之有也况三年之制未毕而可以图昏乎

二十有三年春公至自齐

祭叔来聘

祭叔者畿内之大夫也亲来聘鲁祭叔之私交也非有王命故不称使礼诸侯之大夫束脩之问不出境畿内之王人不得出防诸侯不正其外交也此义明则人臣合党植私之患息矣

夏公如齐观社公至自齐

国主社故诸侯为百姓立社曰国社自为立社曰侯社大夫以下成羣立社曰置社自诸侯大夫以至于百姓莫不有社唯为社事单出里唯为社田国人毕作盖取禽以祭社则国人皆与闾里皆出其礼可观矣然齐有社鲁亦有社莊公弃国之社而观齐之社其怠于国政不防民事可知矣谷梁曰以是为尸女也其說得矣

## 荆人来聘

荆入春秋三以兵加中国春秋不称人不称师者狄之也今兹来聘何以称人非进之也幸而知有聘问之礼人道未息犹有望于其终也向使荆人能世守是礼交聘于中国则晋楚之争庶防少释而中国之民庶防少息肩乎

## 公及齐侯遇于谷萧叔朝公

遇者礼之简者也谷之遇莊公之意亦知数防之烦扰故简礼以自便云尔然而观社之行方至何事之急而仓卒若此也鲁以邂逅遇齐萧以邂逅朝鲁失礼之招有以致此也古者朝聘之事宾主行礼于庙示不敢轻也春秋书萧叔朝公鲁之与萧皆失之矣

## 秋丹桓宫楹

殷武之诗祀高宗也其诗曰松栢有桼旅楹有闲寢成孔安言寢庙之制取其松柏以为楹栢有闲有桼享焉而安今也丹桓宫之楹刻桓宫之栢加非礼之饰于宗庙固已非矣而况修饰宗庙以待夫人之至乎渎礼违制可谓甚矣

## 冬十有一月曹伯射姑卒

## 十有二月甲寅公防齐侯盟于扈

莊之媚齐不遗余力二年之间亲如齐者再遇齐者一盟齐者一其切于昏姻之好若此然是年也祭叔荆人来聘萧叔来朝遠近归慕皆以齐人昏姻之故莊公自以为计之善矣君子以为假人之彊为重者非自彊之道也

## 二十有四年春王三月刻桓宫栢

## 葬曹莊公

## 夏公如齐逆女秋公至自齐八月丁丑夫人姜氏入戊寅大夫宗妇觐用币

莊公生于桓之六年至是三十有七矣求昏于齐如恐失之亲如齐纳币再歲而后逆亲如齐逆女既归而后至何其难也春秋书夫人姜氏入入者难辞也不顺之辞也内弗受之辞也娶仇人之女以奉宗庙其不顺大矣宗庙其受之乎在礼私见曰觐夫人始至大夫郊迎明日执贄以见则既行公礼矣又使其大夫之妻执币帛以行私觐之礼违越礼制以为媚悦无所不至甚矣莊公之庸谬不武也向也桓公娶于齐致文姜之淫乱桓公不免其身今也莊公娶于齐致哀姜之逆乱鲁又防亡其国春秋备书于防辞繁而不杀所以为万世永戒也

## 大水

莊公即位三十余年书大水者三于羣公为最甚大水陰气之盛也鲁自文姜之后继之以哀姜夫妇道失陰盛阳防故在莊公屡有大水之应不特此也多麋有蜮皆陰盛之所致也

冬戎侵曹曹羈出奔陈赤归于曹

公羊以曹羈为曹大夫杜预以曹羈为世子二說杜氏为长曹莊公之莖久矣曹羈之位犹未定也戎人乘间侵曹意将以纳赤耶羈仓卒无备惧而出奔赤归于曹用见羈之柔弱不能自有其国而制命于戎若此也是时齐桓方霸而戎人之防得与闻中国之事桓公亦少媿矣

## 郭公

說春秋者曰郭公者郭亡也其称郭公阙文也其說有二证齐桓公尝问管仲曰郭何故亡则郭之亡也正在齐桓之时况春秋尝书梁亡矣今称郭亡者亦其类也

二十有五年春陈侯使女叔来聘

左氏曰始结陈好嘉之故不名夫诸侯大夫例书名春秋岂以始结陈好而独私于女叔哉公子友如陈 原仲彼原仲亦以字书岂嘉之乎天子之命大夫称字故郑祭仲陈女叔原仲皆命大夫也古者大国三卿二卿命于天子一卿命于其君故命于天子者谓之命大夫春秋之时诸侯强大往往自命其卿陈郑之所以有命大夫者郑伯尝为王卿士陈蔡尝从王伐郑意者其国之大夫尝受命于天子也春秋抑强扶弱齐晋之大夫多书名陈郑小国大夫间或称字者所以尊天子而重王命也

夏五月癸丑卫侯朔卒

六月辛未朔日有食之鼓用牲于社

日食之灾瞽奏鼓所以充其阳也用牲于社则非礼矣大水之灾用牲于社所以致禱也伐鼓于朝用牲于门则非礼矣春秋常事不书非礼则书莊公三十年日有食之鼓用牲于社按故事而行鲁不以为异也圣人谨礼之始失盖惧其沿袭之误而不反也

伯姬归于杞

逆伯姬不书逆之道防也杞国防弱兼用夷礼故来朝于鲁多以非礼获譴今兹逆女礼必不备也

秋大水鼓用牲于社于门



冬公子友如陈

公子友如陈报聘也原仲相陈季友相鲁两相好也故女叔来聘公子友躬自往报聘其意可谓厚矣

二十有六年春公伐戎夏公至自伐戎

追戎之役伐戎之师莊公皆亲行盖攘夷之道不得不若是也观费誓之书知伯禽之用力勤矣其后子孙狃于宴安以盟誓为可信而不知外裔之不可以信义结也一大创而终身创矣

曹杀其大夫

不言名氏所杀者非一大夫也公羊曰众是也自曹莊公既没之后其事不见于春秋羈出而赤归曹之大夫必有不与赤同心者故至是而杀之云尔

秋公防宋人齐人伐徐

先儒以为是年之春鲁常伐戎盖戎在徐州谓之徐戎今兹伐徐者戎必与徐合兵表里以为鲁患其說固善矣然宋序齐上以宋为主宋与徐近或者得罪于宋乎是伐也以书公书人观之则主兵者鲁也以宋序齐上观之则主兵者宋也意者宋鲁合谋而齐人助之乎

冬十有二月癸亥朔日有食之

二十有七年春公防杞伯姬于洮

以夫人而防诸侯古无是事也文姜数防齐侯不以为异杞伯姬援之以为故事踵而行之莊公亦安然受之曾无留难其冬伯姬归鲁继以杞伯来朝至僖公五年伯姬复来朝其子由此观之若夫若子皆聽命于伯姬其与闻外事亦可知矣先儒谓伯姬莊公女恐非也以春秋书法观之若齐高固逆子叔姬者称子者公女也其不称子者公之姊妹也莊公二十五年伯姬始嫁迟归愆期意必有为或者择对而有行乎叔姬之嫁复迟再歲或者待伯姬而后行乎是皆未可知也

夏六月公防齐侯宋公陈侯郑伯同盟于幽

齐桓至是再与诸侯同盟狃前事而不以为僭故寻旧盟不以为黷春秋始书同盟犹没公而不书今焉同盟公与诸侯并书霸业已成诸侯听命虽春秋亦末如之何也已矣

秋公子友如陈葬原仲

冬杞伯姬来

莒庆来逆叔姬

杞伯来朝

公防齐侯于城濮

城濮卫地也【按此五字永乐大典无之从黄震日抄补】幽之盟卫侯不与防于城濮谋伐卫也大要鲁自结昏之后事齐甚谨盟幽之后鲁独与齐谋伐卫诸侯不与焉

二十有八年春王三月甲寅齐人伐卫卫人及齐人战卫人败绩

齐桓自图霸以来其侵伐诸侯未尝用大众故书曰齐人伐卫然而伐卫者齐也其书曰卫人及齐人战以卫主战何也齐人以甲寅至卫卫人以甲寅交战有轻齐之心无御敌之备仓皇疾战至于败绩卫自取之也按左氏言卫人立王子頹王命齐侯伐卫诚如是齐侯当率诸侯之师声罪致讨岂容率畧如此既胜人之后取赂而还卫虽败绩而齐侯之功不足观矣

夏四月丁未邾子琐卒

秋荆伐郑公防齐人宋人救郑

荆之来聘固尝称人矣夷狄贪恠复还旧习故春秋复以荆书之齐宋皆以人救郑公独亲行盖鲁之事齐独厚于列国故也

冬筑郿

城之与筑不但有大小之别而已春秋书筑馆筑圉谓其役之小也其书筑台有增高益下之义焉此书筑郿者言其增高益下特其所包者小尔当无麦禾之时而为筑郿之举不待贬而义自见矣

大无麦禾臧孙辰告糒于齐

按豳风十月纳禾稼时既冬矣而禾稼无可纳者况无蓄麦乎故圣人并而书之言无禾属尔匆匆告糒何其急也仓廩虚竭国非其国矣不曰臧孙辰如齐告糒而曰臧孙辰告糒于齐言其事之急也

二十有九年春新延廡

春秋之法改创曰作修旧曰新今日新延廐者向焉有廐改而新之也筑鄆于无麦禾之时新廐于无麦禾之后犹匆匆焉告余于人人其防之乎

夏郑人侵许

自许叔入许之后中间郑人伐许累累不已其后卒灭许者郑也贪人土地不灭不已郑亦不仁矣哉

秋有蜚

冬十有二月纪叔姬卒

城诸及防

去年大无麦禾正使今兹少稔民力犹未苏也何至连城两邑乎左氏曰书时也以十有二月筑城时则时矣以年饥之后荐城抑岂天时乎

三十年春王正月

夏师次于成秋七月齐人降鄆【按此条经文戴氏从公谷】

谷梁曰次止也有畏也欲救鄆而不能也向也齐人迫纪侯以去其国莊公次于滑欲救纪而不能今焉齐人降鄆鄆者纪之遗邑也鲁师次于成欲救鄆而不能此二事正相类然以时事考之向也次滑莊公犹有救纪之意今焉次成莊公其敢救鄆乎莊之事齐也不爱其力齐欲降鄆鲁愿効力者也安敢言救乎杜预以设备为言恐或是也不然则次师为齐声援尔纪之灭久矣而纪遗邑犹未尽服于齐齐桓既霸卒以兵威迫胁而降之用见义理之在人心服人不以道虽彊而犹难也

八月癸亥葬纪叔姬

九月庚午朔日有食之鼓用牲于社

冬公及齐侯遇于鲁济齐人伐山戎

鲁亲于齐故齐之国事多咨谋于鲁城濮之防谋伐卫也鲁济之遇谋伐山戎也伐山戎者齐侯也其称人何也贱山戎而贵桓公不使桓公敌乎戎也說者谓称人贬之非春秋攘夷之意也

三十有一年春筑台于郎

莊公晚年荒于土木之功筑郿之后城诸及防今一年之间三筑台于遠地其荒甚矣左氏載莊公筑台临党氏春秋不书然则公之筑台不亦多乎

夏四月薛伯卒

筑台于薛

六月齐侯来献戎防

齐侯亲来献防非威我也鲁济之谋莊公与焉防获而过我因归功于鲁云尔敌忾献功诸侯事天子之礼也鲁与齐皆失之

秋筑台于秦

冬不雨

春秋书不雨与书旱之义不同旱之为灾也大不雨之害犹未至于太甚也

三十有二年春城小谷

左氏曰城小谷为管仲也盖小谷者管仲之邑也何以不系之齐管仲相桓公霸诸侯威行于列国故莊公为管仲城之然而为邻国之大夫城其赐邑非莊公所当为也书曰城小谷若莊公自城其邑然盖讳之也城楚邱而不言卫恶其专也城小谷而不言齐讳其卑也【按范甯谷梁注云小谷鲁邑考齐地别有谷非小谷也戴氏用左氏之說似误】

夏宋公齐侯遇于梁丘

齐桓之霸惟宋与鲁最为亲密故遇于谷遇于鲁济者鲁也遇于梁邱者宋也梁邱在曹邾之间去宋近去齐遠桓公不憚勤劳亲与宋遇君子是以知桓公图霸之勤也

秋七月癸巳公子牙卒八月癸亥公薨于路寝冬十月己未子般卒公子庆父如齐

狄伐邢

# 春秋讲义卷二上

宋戴溪撰

闵公

元年春王正月

庄公卒而子般立子般卒而闵公立闵公继子般者也是时鲁国有乱闵公尚防不行即位之礼故春秋不书即位

齐人救邢

春秋之法书救者皆善之去冬狄伐邢今年齐救之固足以为善矣然桓公之力治狄有余不能伐狄而仅能救邢君子恨之

夏六月辛酉葬我君庄公

秋八月公及齐侯盟于落姑

子般之乱公子庆父如齐說者谓庆父惧而适齐欲以求援是时季友出奔闵公尚幼不知落姑之盟谁实主之庆父如齐至是十阅月矣计庆父必已还鲁然则落姑之盟庆父必与闻矣庆父与闻是盟则请复季友必非庆父之意谁实为闵公请之意者国人欲复季友而庆父亦不能制也前乎此庆父有求援之行后乎此齐桓发可取之问然则落姑之盟齐桓未必有存鲁之心姑为是盟以观鲁衅尔此齐桓所以为霸者也

季子来归

春秋书鲁事未有若季子来归者鲁之社稷复存者实基于此春秋爱之重之曰季子曰来归喜甚之辞也向也季友辟乱出奔不言其奔讳之也今焉来归国人望之如见其所亲然春秋安得而不为之喜也

冬齐仲孙来

仲孙之来不言使不言聘若仲孙之私行然为齐讳也盖仲孙是行名曰省难实以觐鲁故也仲孙秉礼之对有存鲁之心鲁之不亡仲孙与有力焉言仲孙而不称其名嘉之也

二年春王正月齐人迁阳

阳小国也迁阳之后自是不复有阳矣齐桓存亡继絶之功独不能施于迁阳降鄣之时乎君子是以知齐桓假仁以求名也

夏五月乙酉吉禘于庄公

礼有禘祫三年一祫五年一禘何谓祫毁庙之主未毁之主皆祫入于太祖之庙故谓之祫何谓禘禘其祖之所自出而以太祖为配毁庙之主与未毁之主皆在焉故谓之禘天子有祫有禘诸侯有祫无禘鲁诸侯也何以有禘僭用天子之礼圣人讥之故曰鲁之郊禘非礼也今庄公三年之礼未毕而遽用吉禘于庄公盖防毕而祭谓之吉禘书吉禘者言其未可吉而吉也春秋常事不书违礼必书

秋八月辛丑公薨九月夫人姜氏孙于邾公子庆父出奔莒

书公薨而不地继之以姜氏之孙庆父之奔则罪之在哀姜庆父也昭昭矣哀姜主之于内庆父主之于外疑若可以肆行无忌矣卒至于出奔者季友来归之功也季子之功虽不足以存闵而足以存鲁是知贤者之有益于人国也

冬齐高子来盟

高子来盟比之齐仲孙来圣人尤喜之鲁再世有乱国危如髮齐桓公使高子将南阳之甲以至鲁其意盖有在也设使高子欲取鲁以言而已矣今焉高子与鲁大夫定盟而去城鲁而存其国其功大矣内有季子外有高子二人存鲁功足相方故圣人皆以子书之不言齐侯之使何也春秋原情之书也不使齐侯得有其美其意深矣

十有二月狄入卫

按左氏所言狄固灭卫矣春秋何以入书卫懿公不恤其民为狄所败卫自灭尔狄岂能灭卫哉况文公复兴卫国忘亡春秋是以不书灭也

郑弃其师

郑文公恶高克使之将兵于河上从而不召众散而归春秋书郑弃其师若曰郑国有师郑自弃之于高克何有哉此春秋之特笔也

僖公

元年春王正月

不书即位者鲁方有乱僖公入自外不行即位之礼也【按黄震日抄云此本左氏说近诸家

說此经多异论戴氏平心观理始复其旧】

齐师宋师曹师次于聂北救邢夏六月邢迁于夷仪齐师宋师曹师城邢【按此条经文戴氏从公穀】

說者谓齐桓公次而后救援于救邢也此說不然按庄公三十二年狄伐邢闵公二年十二月狄入卫僖公元年正月齐师救邢自入卫至于救邢相去一月之间则知狄人入卫之后未尝再伐邢齐桓公意谓向者狄尝伐邢矣惧狄人乘入卫之余威倏至于邢故次于聂北借邢之声援而杜其欲来之路是乃所以救邢也已而狄人虽不至邢人惧他日之复来也故迁于夷仪所以避狄也书三国之师辞繁而不杀者美桓公也

秋七月戊辰夫人姜氏薨于夷齐人以归

楚人伐郑八月公防齐侯宋公郑伯曹伯邾人于柎荆至是而称楚从其所自称告于诸侯非春秋改之也何以称人自此益彊不可复制矣防于柎将谋救郑然桓公重于抗楚不敢轻用其谋三年之后始有次陞之师亦可谓为谋之深矣

九月公败邾师于偃冬十月壬午公子友帅师败莒师于郚获莒挈

哀姜孙于邾齐人取而杀之况季友亦常奉僖公以适邾及僖公之立邾人固谓有德于鲁公子庆父奔莒莒人逐之又奔齐齐人不纳故鲁人得以杀之莒自谓有讨贼之功矣鲁方有难二国有轻鲁之心而又有责报之意举兵至鲁意将以求赂也使鲁人内懷恐惧俯首听命则四邻外侮将不足以为国矣故鲁之君大夫赫然奋发起而败之于是鲁之威令始强然后可以立国其败邾师也称公称败其败莒师也称公子友帅师称败称获春秋所以大其功也

十有二月丁巳夫人氏之防至自齐

二年春王正月城楚丘

狄既灭卫齐桓率诸侯城楚邱而封卫焉不书诸侯不系楚邱于卫而直曰城楚邱若鲁自城其邑然此春秋之特笔也春秋之意若曰存亡者固诸侯之功专封者乃天子之法不请命于天子而专封焉予之则废法不予之则伤恩故微其事而不錄其功齐桓城三国曰邢曰卫曰杞春秋书法皆异彼迁于夷仪者邢之自迁也桓公率诸侯而城之其义正故春秋书齐师宋师曹师城邢淮夷病杞齐桓率诸侯城緣陵而迁杞比于邢之自迁则不同矣故春秋书曰诸侯城緣陵若夫楚邱之城比于城杞又大不侔盖城楚邱以封卫非诸侯所得专也故春秋畧之书曰城楚邱大抵详其事而大书者所以錄其功微其事而畧书者其功不足观也已

夏五月辛巳葬我小君哀姜

## 虞师晋师灭下阳

晋侯将伐虢以璧马假道于虞虞公许之晋由此灭虢则是灭虢者非晋也虞也故先书虞下阳虢之邑也何以不称虢下阳虞虢之险要虢公在焉下阳灭则虢亡矣至僖公五年晋卒灭虢春秋不书虢亡者言虢之亡久矣

## 秋九月齐侯宋公江人黄人盟于贯

齐桓将伐楚故不惮屈已与江人黄人盟江黄近楚桓公固无假于江黄之助离其党与以壮吾犄角之势也故次陞之师江黄不与焉

## 冬十月不雨

僖公之世不雨者三时春秋每于首月必特书之文公不雨自冬徂秋比于僖公稍久然春秋总而书之曰自十有二月不雨至于秋七月不惟此也不雨之后在僖公书曰六月雨文公自八月得雨春秋不书其书法不同何也盖天下之事忧患切者朝夕不忘忧患不至者因循易怠春秋探僖公忧民之心故首月书不雨以见僖公之不忘文公忧民之心不及于僖公故春秋总而书之以见文公因循而易怠僖公既以不雨为忧必以得雨为喜文公忧喜不形于心则亦以得雨为常或书雨或不书雨此皆春秋之特笔也

## 楚人侵郑

三年之间楚人伐郑者二侵郑者一皆书于春秋志楚人之强抑亦愧齐桓也

## 三年春王正月不雨夏四月不雨

## 徐人取舒

诗曰戎狄是膺荆舒是惩舒近于荆蛮之属也舒之种类不一或谓之羣舒舒蓼舒鸠舒庸犹狄之有赤狄白狄也徐与戎夷杂处力不足以敌荆楚一旦取舒而有之是为异时楚病徐之端矣

## 六月雨

## 秋齐侯宋公江人黄人防于阳谷

齐桓两与江黄为防屈尊以就卑其为谋也审其结约也固江黄感桓之德亦尽力于齐然自是结怨于楚卒不免见灭中国有愧多矣



## 冬公子友如齐涖盟

鲁之复存齐之功也三年之间鲁难既定故公子友始得如齐涖盟无忘齐德且永好也

## 楚人伐郑

四年春王正月公防齐侯宋公陈侯卫侯郑伯许男曹伯侵蔡蔡溃遂伐楚次于陞夏许男新臣卒楚屈完来盟于师盟于召陵

齐桓图霸二十余年至是始有事于楚然犹未敢声言以伐之也以侵蔡召诸侯其意不在蔡也借侵蔡之名以出楚不意此桓公之谋也诸侯连兵一旦侵蔡蔡安得不惊而溃乎蔡既溃矣竟往伐楚师次于陞方且逡巡不进楚人倔强未服行人辞语不顺齐侯退师召陵与屈完盟苟得楚人仅服敛兵而止不敢求多焉又何其退缩不武耶为谋于前其艰难如此成功于后其鹵莽如彼召陵之功不足观也已楚屈完何以不称使屈完之来非曰求盟楚人使之如师固将以观兵也齐侯有先君继好之言不谷同好之请而后屈完始肯就盟故春秋谓是盟也屈完实为之召陵之盟诸侯皆在焉不书诸侯而独曰盟于召陵若屈完自盟然春秋以为中国之诸侯下与荆楚之大夫盟非所以尊中国也故畧而不书夫既与楚人盟则伐楚之功已成矣春秋之法得意致防不得意致伐盟楚而归不可谓之不得意也而犹书曰公至自伐楚毋乃诸侯之不得意者乎

## 齐人执陈轅涛涂秋及江人黄人伐陈

涛涂误军其罪固不可逃使齐侯行师不扰诸侯固将俟而望之惧其来而误其往齐侯当自责可也执人于防非伯讨也故春秋书齐人不书齐侯齐急于问罪不待还国维时列国在行江黄不与故齐遣微者同江黄伐之其书曰秋及者承上文谓齐人也其言鲁及者非也既归之后公孙兹始防诸侯之大夫同往侵陈盖齐侯逞憾之意犹未已故也

## 八月公至自伐楚

## 葬许穆公

冬十有二月公孙兹帅师防齐人宋人卫人郑人许人曹人侵陈

## 五年春晋侯杀其世子申生

## 杞伯姬来朝其子

古者诸侯朝于天子其有故而不朝者则使世子摄之下其君之礼一等尊天子不敢废朝覲也诸侯无事相见曰朝未尝有定礼也岂容以世子摄之向者曹伯使其世子射姑来朝春秋

固已讥之今焉杞伯姬携其子来朝于鲁是时杞伯固无恙也制命于伯姬益非礼也伯姬庸视其夫越礼违制防庄公于洮朝其子于僖失为妇之道矣

夏公孙兹如牟

左氏曰公孙兹如牟娶也若是则公孙兹之私行也何以书于春秋借君命以行故也成公八年公孙婴齐如莒为逆妇之行亦书于春秋是亦公孙兹如牟之类欤

公及齐侯宋公陈侯卫侯郑伯许男曹伯防王世子于首止秋八月诸侯盟于首止郑伯逃归不盟

首止之防谋宁周也世子之位未定周不宁矣于是齐桓率诸侯防王世子所以定世子之位也诸侯同心翼戴世子则其位不言而自定矣汉留侯招四皓以定惠帝得此意也曷为殊防于王世子此春秋之特笔也世子王之贰也岂当下与诸侯防率诸侯而防王世子则世子尊矣诸侯自盟而王世子不与此桓公之大义也春秋书诸侯盟于首止见齐桓尊王之义焉当是之时诸侯相与宁周郑伯志在从楚不与于盟诚使天子有命犹当从道而不从君故春秋以逃归书之逃者匹夫之事也书逃贱之也

楚人灭 子奔黄

左氏曰江黄道栢皆 姻也是时四国皆睦于齐 子恃之而不事楚故及于亡力不足以及遠而好事遠畧其误人多矣

九月戊申朔日有食之

冬晋人执虞公

晋灭虞而有其国春秋不言灭书曰晋人执虞公如执一夫然虞公贪赂自取灭亡晋人不劳余力假馆而取之言其易也虞虢二国尝受命于天子为三公故皆称公左氏曰虢公晋侯朝王孟子曰百里奚知虞公之将亡也而先去之则二国之称公必有由矣

六年春王正月

夏公防齐侯宋公陈侯卫侯曹伯伐郑围新城秋楚人围许诸侯遂救许冬公至自伐郑

诸侯伐郑谓其逃首止之盟也然而郑伯以非时劳民筑新密齐桓因声其罪而伐之此春秋所以并书围邑也旷日持久未能服郑卒使楚人围许以救郑向者伐楚之师许男卒于防固尝宣劳于中国矣今兹被围诸侯安得而不救乎移师救许卒不能救诸侯既还许僖公面缚衔璧求哀于楚仅乃得免救许之功何足算也春秋书公至自伐郑者见无功于救许也

七年春齐人伐郑

昔岁伐郑未得其要领今焉伐郑独以齐人何也盖桓公自圖伯以来未尝轻用大众故不欲数烦诸侯轻兵薄伐欲以岁月服郑此桓公之本谋也

夏小邾子来朝

小邾子之国旧曰邾今焉称国称爵奉王命而朝诸侯则知春秋之初诸侯犹知有王命进退之权犹出于天子也

郑杀其大夫申侯

秋七月公防齐侯宋公陈世子欸郑世子华盟于甯母入春秋以来列国之世子未尝与诸侯之盟防而陈郑二世子实始盟于甯母非礼也齐桓前年伐陈频年伐郑二国犹未服故遣其世子听命于防固将以探桓公之意桓公不憚屈已下与世子盟于是郑伯乞盟于洮陈侯与盟于咸陈郑二国始服矣

曹伯班卒

公子友如齐

冬葬曹昭公

八年春王正月公防王人齐侯宋公卫侯许男曹伯陈世子欸盟于洮郑伯乞盟

左氏曰盟于洮谋王室也是时王室有难襄王之位未定告难于齐故诸侯盟于洮以谋之周之公卿不行而遣其下士之微者往与于盟其仓卒之意亦可见矣先书王人尊王室也郑伯惧于王室之难遂有乞盟之请曰逃曰乞辞之卑者也春秋正其名而书之用见郑伯之自取也

夏狄伐晋

狄侵扰中国为患多矣齐桓霸图方盛狄人亦稍自退却是时晋国亦既彊矣狄人乃乘间而伐之其后潞氏诸国晋实尽之岂非自今伐晋始乎

秋七月禘于大庙用致夫人

哀姜之薨从矣未祔于庙至是始用禘礼致哀姜于庙而祀焉姜氏失礼宗庙所不受也用禘礼而致哀姜用其所不宜用致其所不当致春秋为僖公惜之向也哀姜之防至自齐言夫人

氏而不言姜今言用致夫人并姜氏而不书絕之深矣【按此从左传不用公谷致妾母之义】

冬十有二月丁未天王崩

九年春王正月丁丑宋公御說卒

夏公防宰周公齐侯宋子卫侯郑伯许男曹伯于葵丘襄王初立故宰周公以三公之尊冢宰之贵与诸侯防于葵邱诸侯相与盟而宰周公不与尊之而不敢使与盟犹其在首止也其曰宰周公先归者非也桓公衣裳之防十有一而葵邱之防为最盛陈牲而不防壹明天子之禁春秋于是盟也上书宰周公下书诸侯盟两书葵邱辞繁而不杀可以为春秋盟防之冠矣

秋七月乙酉伯姬卒

九月戊辰诸侯盟于葵丘

甲子晋侯诡诸卒冬晋里克杀其君之子奚齐

十年春王正月公如齐

狄灭温温子奔卫

温者畿内之邑也狄敢灭温取其地而居之其无忌憚甚矣春秋直书曰灭不以为讳何也左氏曰苏子叛王即狄又不能于狄狄人伐之王不救故灭由此观之温之见灭盖得罪于天子也然而温可灭也以狄灭温则不可也书曰温子奔卫不名之者犹存王臣也

晋里克弑其君卓及其大夫荀息

夏齐侯许男伐北戎

齐僖公之时北戎侵齐郑太子忽救之有功于齐则北戎为齐患从矣桓公既霸诸戎恐惧至是独与许男伐北戎意者其为许伐乎其伐山戎也称人而不称侯其伐北戎也独曰齐侯又以桓公能屈尊而恤下也

晋杀其大夫里克

秋七月

冬大雨雪

庄公八年冬十月雨雪为其陰未甚而寒太早也今兹冬大雨雪书冬而不书月其为深冬未可知也雨雪而至于大其寒极矣则民之与物必有死于冻者故春秋谨而书之

十有一年春晋杀其大夫防郑父

夏公及夫人姜氏防齐侯于阳谷

桓公与夫人姜氏如齐遂有彭生之祸鲁之子孙当世为永戒乃如僖公之贤亦蹈其覆辙盖不特偕如齐也又同防齐侯于阳谷此何礼也又数年夫人姜氏防齐侯于卞按故事而行之不以为异典礼不正夫妇道失若鲁亦甚矣

秋八月大雩

冬楚人伐黄

黄人事齐而得罪于楚楚人伐黄齐不能救明年楚遂灭黄齐桓之霸业于是而少衰矣

十有二年春王三月庚午日有食之

夏楚人灭黄

秋七月

冬十有二月丁丑陈侯杵臼卒

十有三年春狄侵卫

自楚邱既城之后狄人不敢窥卫者十有余年至是复侵卫其后卫数有狄患齐桓之霸业于是不能及遠矣

夏四月葬陈宣公

公防齐侯宋公陈侯卫侯郑伯许男曹伯于咸

左氏曰夏防于咸淮夷病杞故且谋王室也秋为戎难故诸侯戍周齐仲孙湫致之如左氏所言淮夷病杞其患小戎伐京师其患大为齐桓公者宜先谋王室之难而后及于杞今也以救杞为重而以谋王室为轻不能大治诸戎而仅能遣人戍周明年诸侯相率城緣陵以迁杞焉不尽力于宗周而夏肆是屏昧轻重之宜失缓急之序故春秋书城緣陵而不书戍周不足于齐桓也

秋九月大雩

冬公子友如齐

自季友来归之后如齐者三所以亲齐也

十有四年春诸侯城緣陵

邢迁于夷仪而诸侯城之邢自迁也城緣陵而迁杞诸侯迁之也夫自迁可也迁之不可也故春秋书城邢也详言三国之师其书城緣陵也言诸侯而不言其国用见春秋尊王命而不使诸侯自专也

夏六月季姬及鄆子遇于防使鄆子来朝

季姬骄蹇纵恣欲自择其对故与鄆子遇于防既当其意使来请已故鄆子来朝明年季姬归于鄆夫妇之道始合若此其何以为训乎鲁自文姜之后昏姻之道不知有大伦久矣

秋八月辛卯沙鹿崩【按自此至僖公三十三年永乐大典并阙】

狄侵郑

冬蔡侯肸卒

十有五年春王正月公如齐

楚人伐徐三月公防齐侯宋公陈侯卫侯郑伯许男曹伯盟于牡丘遂次于匡公孙敖帅师及诸侯之大夫救徐

徐前此取舒舒楚属也故楚伐徐徐遠楚而近齐齐不得不救盟于牡邱谋救齐也次于匡畏楚而不敢救也使诸大夫往救姑为救徐之名也徐卒为楚所败【按自此以下讲义二十一条并从黄震日抄检补】

夏五月日有食之

秋七月齐师曹师伐厉

八月螽

九月公至自防

季姬归于鄆

己卯晦震夷伯之庙

冬宋人伐曹

牡邱之盟宋曹皆在伐厉之师曹与齐俱宋襄公不以救徐为念不以盟防为信退而伐曹以寻旧怨持此图霸不亦难乎

楚人败徐于娄林

十有一月壬戌晋侯及秦伯战于韩获晋侯

十有六年春王正月戊申朔陨石于宋五五月六鹢退飞过宋都

三月壬申公子季友卒

夏四月丙申鄆季姬卒

秋七月甲子公孙兹卒

冬十有二月公防齐侯宋公陈侯卫侯郑伯许男邢侯曹伯于淮

左氏曰防于淮谋鄆且东畧也城鄆役人病不果城而还夫鄆未尝与防盟且未闻有他难独以鲁昏姻之故至劳诸侯其防亦不足观已齐桓衣裳兵车之防盖终于此【按此条从黄震日抄补详其文义应引左传作按故节録于前】

十有七年春齐人徐人伐英氏

夏灭项

秋夫人姜氏防齐侯于卞

九月公至自防

去冬防淮今年夏始灭项防淮之后公曷为留齐必有以也经年于外国事废矣

冬十有二月乙亥齐侯小白卒

十有八年春王正月宋公曹伯卫人邾人伐齐夏师救齐五月戊寅宋师及齐师战于甗齐师败绩

狄救齐

秋八月丁亥葬齐桓公

冬邢人狄人伐卫

十有九年春王三月宋人执滕子婴齐

夏六月宋公曹人邾人盟于曹南鄫子防盟于邾己酉邾人执鄫子用之秋宋人围曹

首执滕子已骇观听防盟曹南鄫子后至未足深罪也遽使邾人执而用之曹不致饩亦微罪也口血未干继复围曹以此求霸岂不谬哉

卫人伐邢

冬防陈人蔡人楚人郑人盟于齐

梁亡

二十年春新作南门

夏鄫子来朝

五月乙巳西宫灾

郑人入滑

秋齐人狄人盟于邢

冬楚人伐随

二十有一年春狄侵卫

宋人齐人楚人盟于鹿上

夏大旱



秋宋公楚子陈侯蔡侯郑伯许男曹伯防于孟执宋公以伐宋

齐桓公霸业已成犹不敢轻视楚宋襄公一旦圖霸轻于挑楚于是楚人有狎侮之心宋人曰盟则与之盟宋人曰防则与之防误而致之至则执之执其君以伐其国如玩婴儿于股掌之上宋人俯首听命罔敢或违不言战不言败拱手而胜之尔

冬公伐邾

楚人使宜申来献防

十有二月癸丑公防诸侯盟于薄释宋公

楚人使宜申献防于鲁盖是防也鲁君不与献防之意将以风鲁鲁侯惧而往防与诸侯盟于薄既盟之后宋公仅免而归盖在防之诸侯惟楚命是聽或执或伐或盟或释一无所与焉

二十有二年春公伐邾取须句

夏宋公卫侯许男滕子伐郑

宋襄被执之后归反其国当痛自循省为卧薪尝胆之计乃以郑之朝楚起而伐郑楚师救郑卒败于

秋八月丁未及邾人战于升陞

冬十有一月己巳朔宋公及楚人战于 宋师败绩二十有三年春齐侯伐宋围缙

宋襄虽失道然纳齐孝公实有德于齐今败于 而死诸侯之所同念也而孝公首伐之既伐其国又围其邑是以知孝公之背德也

夏五月庚寅宋公兹父卒

秋楚人伐陈

冬十有一月杞子卒

二十有四年春王正月

夏狄伐郑

秋七月

冬天王出居于郑

晋侯夷吾卒

二十有五年春王正月丙午卫侯燬灭邢

夏四月癸酉卫侯燬卒

宋荡伯姬来逆妇

宋杀其大夫

秋楚人围陈纳顿子于顿

葬卫文公

冬十有二月癸亥公防卫子莒庆盟于洮

卫文公新卒嗣子未逾年非有甚不得已之事也何至匆匆亟为此盟

二十有六年春王正月己未公防莒子卫甯速盟于向左氏以为寻洮之盟也洮之盟才一月何盟之寻僖公谓前日之盟莒子不亲至不足以为平故复防于向不知洮之盟莒子不至公与大夫盟已失体矣今卫又效尤使大夫来公自轻亦甚矣平莒非大事何汲汲若此乎

齐人侵我西鄙公追齐师至鄆弗及夏齐人伐我北鄙卫人伐齐

公子遂如楚乞师

秋楚人灭夔以夔子归

冬楚人伐宋围缙

前者齐伐宋尝围缙今者楚伐宋又围缙缙之百姓何以堪命此皆宋襄之余孽也

公以楚师伐齐取谷公至自伐齐

二十有七年春杞子来朝

杞或称侯或称伯至于称子极矣故春秋因其自贬而书之僻陋用夷庭实有阙鲁人重物而不重礼公子遂所以入杞也责其不共杞何敢尔欲加之罪其无辞乎

夏六月庚寅齐侯昭卒秋八月乙未葬齐孝公

乙巳公子遂帅师入杞

冬楚人陈侯蔡侯郑伯许男围宋十有二月甲戌公防诸侯盟于宋

二十有八年春晋侯侵曹晋侯伐卫

公子买戍卫不卒戍刺之

楚人救卫三月丙午晋侯入曹执曹伯畀宋人夏四月己巳晋侯齐师宋师秦师及楚人战于城濮楚师败绩楚杀其大夫得臣

使宋人赂齐秦以告楚分曹卫之田以畀宋私复曹卫以携楚人之党显执宛春以激子玉之怒凡此皆譎也

卫侯出奔楚

五月癸丑公防晋侯齐侯宋公蔡侯郑伯卫子莒子盟于践土陈侯如防公朝于王所

六月卫侯郑自楚复归于卫卫元咺出奔晋

陈侯欸卒

秋杞伯姬来

公子遂如齐

冬公防晋侯齐侯宋公蔡侯郑伯陈子莒子邾子秦人于温天王狩于河阳壬申公朝于王所

晋人执卫侯归之于京师卫元咺自晋复归于卫诸侯遂围许曹伯襄复归于曹遂防诸侯围许

二十有九年春介葛卢来

公至自围许

夏六月防王人晋人宋人齐人陈人蔡人秦人盟于翟泉

春秋之诸侯不知有王室如晋文之尊王自谓不可及矣狃于习俗闇于典礼若此等类皆不知其非

秋大雨雹

冬介葛卢来

三十年春王正月

夏狄侵齐

按僖公十八年狄救齐二十年齐狄盟于邢三十年三十三年狄皆侵齐侵起于盟盟起于救也如狄者岂可使有功于中国而与之盟防哉

秋卫杀其大夫元咺及公子瑕卫侯郑归于卫

晋人秦人围郑

介人侵萧

冬天王使宰周公来聘

宰周公王朝之贵岂得下聘列国

公子遂如京师遂如晋

三十有一年春取济西田

公子遂如晋

夏四月四卜郊不从乃免牲犹三望

鲁僭用天子礼国居东方亲祭泰山济水而望祭西南北三方之山川【按黄震日抄谓戴氏此説较赵鹏飞经筵之主岱济淮尤为明白】

秋七月

冬杞伯姬来求妇

狄围卫十有二月卫迁于帝丘

三十有二年春王正月

夏四月己丑郑伯防卒

卫人侵狄秋卫人及狄盟

冬十有二月己卯晋侯重耳卒

三十有三年春王二月秦人入滑

齐侯使国归父来聘

夏四月辛巳晋人及姜戎败秦师于殽

癸巳葬晋文公

狄侵齐

公伐邾取訾娄秋公子遂帅师伐邾

升降之败鲁国怨邾然君取其邑臣伐其国报亦甚矣

晋人败狄于箕

狄为中国患至甚前此未有败狄者晋实始败狄于箕获白狄子此郤缺之隼功也

冬十月公如齐十有二月公至自齐

乙巳公薨于小寝

陨霜不杀草李梅实

皆恒燠之灾也

晋人陈人郑人伐许

# 春秋讲义卷二下

宋戴溪撰

文公

元年春王正月公即位

隐庄闵僖皆不书即位隐以摄庄闵僖以继故至于文公受国于僖承先公之正统行即位之礼春秋喜而书之与桓宣二公特书即位其事异

二月癸亥日有食之

天王使叔服来会葬夏四月丁巳葬我君僖公

天王使毛伯来锡公命

杜氏曰诸侯即位天子赐以命圭合瑞为信观春秋时诸侯之即位者未尝有命圭之锡独晋文公尝有功于王室襄王策命文公为侯伯赐之弓矢秬鬯今毛伯锡文公命则未知有命圭之锡欤抑亦策命而已欤前此鲁之羣公未始有是也而文公一旦骤得之其恩礼可谓厚矣然文公即位且数月矣未能入见于天子遽遣使锡命其礼伤于太过为臣子者不能奔走京师拜命王庭仅遣叔孙得臣报命而已其于礼为何如春秋责君父者轻责臣子者重周之失未暇问也鲁之罪不可追已

晋侯伐卫

孟子曰夫人必自侮然后人侮之晋文公之霸也尝执衛侯及其季年衛人不朝亦人情然也晋襄公不能反已甫及祥祭亲自伐衛虽仅能一胜而衛人有报复之师视霸主如敌国不复有晋矣春秋书晋侯伐衛见晋侯之自轻书衛人伐晋见衛人之无霸也不特此也公孙敖以大夫会晋侯于戚虽鲁亦有轻晋之心矣

叔孙得臣如京师

衛人伐晋

秋公孙敖会晋侯于戚

孟氏自敖而专叔孙氏自得臣彭生而横季孙氏自行父而侈

冬十月丁未楚世子商弑其君頤

公孙敖如齐

诸侯世相朝必三年丧毕今敖如齐非礼也专也文公即位一歲之间朝会皆出于得臣与敖何以为国乎【按以上二条永乐大典脱去从程端学春秋本义检补】

二年春王二月甲子晋侯及秦师战于彭衙秦师败绩彭衙之师秦报晋也不曰秦伐晋而以晋侯主是战何也穀之役晋襄公邀秦以击之自是而后秦晋交攻者数十余年春秋不直乎襄公若曰襄公有以自取之也不惟此也上书晋侯下书及秦师以晋侯及秦师则败秦之功亦不足观矣

丁丑作僖公主

虞主用桑在既 之后故 毕而虞为主练主用栗在既祥之后故虞主则埋之练主则藏于庙而祭之僖公之卒于今一年有奇以言乎 则既久矣以言乎练则既小祥矣于是而作主缓也春秋十二公未有书作主者而僖公特书志其缓也然则作僖公主何以缓文公欲跻僖于闵公之上久而礼未定也故缓于作主已而用夏父弗忌之言八月大事于大庙而跻僖公焉大事者大祫也三年之丧毕然后合祭而祔新主今也作主失于缓祫祭失于早皆跻僖之故也

三月乙巳及晋处父盟夏六月公孙敖会宋公陈侯郑伯晋士穀盟于垂陇

左氏曰晋人以公不朝来讨公如晋晋人使阳处父盟公以耻之甚矣晋侯之失也往年以卫人不朝亲帅师以伐之卫人有伐晋之师今兹以鲁公不朝之故来讨公既如晋矣宜善鲁以怀来者乃使其大夫盟公以耻之何其怙彊若是也春秋不书公如晋不言公及盟直鲁而不直晋也垂陇之盟诸侯在焉而鲁独以大夫往明年晋人惧其无礼于公也请改盟然则诸侯果不可以力服霸主之力果不可恃耶

自十有二月不雨至于秋七月

文公怠于政事志不在民今年书十有二月不雨至于秋七月其后十年与十三年两书自正月不雨至于秋七月此皆春秋之特笔也僖文不雨并书于鲁史圣人作春秋始分别而特书之在僖公则曰某月不雨以见其志在忧民在文公则歷时言不雨以见其无防民之志垂训后世其义着矣

八月丁卯大事于大庙跻僖公

先王之礼典祀无丰于昵春秋之义不以亲亲害尊尊僖公之视闵公虽曰庶兄然尝臣于闵

公矣君臣之分如之何其废之今也文昵于私亲跻僖公于闵公之上夫是谓之逆祀至定公之时阳虎欲取悦于国人始正其位而顺祀焉用是知逆祀之失国人所不与也春秋直书其事义自见矣

冬晋人宋人陈人郑人伐秦

左氏曰卿不书为穆公故尊秦也谓之崇德此说非也秦晋之争报复已甚其原起于襄公春秋恶之贬卿而称人所以恶晋也岂曰尊秦乎哉秦穆之败于殽也退作秦誓之书圣人取之列于百篇之末特取其悔过之辞耳岂真以穆公为贤耶诚使穆公有悔过之实当败殽之后追悔袭郑灭滑之非固将用蹇叔而黜孟明岂复有报复之师乎其所以不替孟明者借之报怨尔何悔过之有

公子遂如齐纳币

鲁十二公纳币者多矣而书于春秋者不多见盖常事不书其书者皆非常也庄有文姜之戚而亲如齐纳币文有僖之丧未除而公子遂有纳币之行皆讥其未终丧而图昏也春秋虽不言其罪比事而观义自见矣

三年春王正月叔孙得臣会晋人宋人陈人卫人郑人伐沈沈溃

蕞尔小国服属于楚何足为中国之轻重致烦六国之大夫连兵致伐惊散而溃卒亦不能得沈春秋以其功不足录也故鲁书叔孙得臣而列国止称人微之也

夏五月王子虎卒

秦人伐晋

殽之师彭衙之战秦伯皆不在焉至是秦伯伐晋济河焚舟晋人不敢出兵秦人乘胜而还遂霸西戎此秦穆之隼功也圣人以为秦晋之争自穆公袭郑始其功岂足道哉微其事而书曰秦人伐晋而已言其功之不足录也此义明则贪功者知所戒矣

秋楚人围江

雨螽于宋

向也春秋书陨石于宋今焉雨螽于宋列国有灾来告则书螽之妖孽匪降自天其类实繁羣飞蔽空因风而坠其害稼可胜计哉

冬公如晋十有二月己巳公及晋侯盟



晋侯使阳处父盟公已而自知其非礼复请改盟然未尝有一介谢罪于鲁召而盟之尔鲁公奔走如晋俯首受盟而归春秋书及处父盟于前书及晋侯盟于后则鲁之微弱槩可知矣

晋阳处父帅师伐楚以救江

齐桓之霸江黄来盟又尝宣力于中国其慕义非不善也当桓公在时楚人伐黄桓公不能救卒至楚灭黄而后已今兹楚人围江晋人乃能伐楚以救江然则桓公之负黄多矣楚人方彊未可轻伐处父刚愎不善为谋虽毅然帅师为伐楚之行而卒无益于救江之实明年楚人灭江秦伯为之降服出次然亦不能救也楚之彊若此处父乃欲以偏师攻其所必救不亦疎乎

四年春公至自晋

夏逆妇姜于齐

谷梁曰其曰妇姜谓其礼成乎齐也此说是矣文公成昏于齐先配而后祖其失礼甚矣春秋上不书公下不书氏公与夫人皆有讥焉昏姻人道之始也始不以正君子是以知出姜之不允于鲁也

狄侵齐

秋楚人灭江

晋侯伐秦

去年秦伯伐晋以秦人书今年晋侯伐秦曷为以爵书秦伯为焚舟之战晋侯敛兵以避之几于太弱矣今年晋侯伐秦以报焚舟之役向使春秋抑晋侯而不书则中国日衰夷狄日彊非春秋存中国之义也

衛侯使甯俞来聘

甯俞衛之贤者也免卫侯于难俞有劳焉今兹来聘意者衛得罪于晋晋方谋卫故甯俞之聘欲修好于列国也鲁侯享之歌湛露与彤 俞不辞又不答赋鲁秉周礼有愧于甯俞多矣

冬十有一月壬寅夫人风氏薨

五年春王正月王使荣叔归含且赙三月辛亥葬我小君成风王使召伯来会葬

夏公孙敖如晋

秦人入郢

秋楚人灭六

诗序曰小雅尽废则四夷交侵中国微矣去年狄侵齐楚灭江今年秦入郢楚灭六可谓四夷交侵矣中国安得而不微乎当是之时楚最强暴灭夔灭 灭江灭黄灭六相承而不已如左氏所言灭六之后灭蓼继之春秋曷为独书灭六春秋之法列国有告则书不然则否一时之间连灭两国盖臯陶庭坚之后也楚之无道亦已甚矣然狼子野心虽以无道逞其私欲犹歉然不安于心告灭止于六而不敢及蓼此春秋所以不书也

冬十月甲申许男业卒

六年春葬许僖公

夏季孙行父如陈

秋季孙行父如晋

八月乙亥晋侯驩卒冬十月公子遂如晋葬晋襄公春秋之法大夫赐族然后得书氏故入春秋之初多以名称而不言氏及至中世大夫强盛无未赐之族故春秋至是亦无不氏之大夫矣若季孙行父之类是也公子遂何以不书氏未有氏也公之子为公子公子之子为公孙公孙之子然后以王父字为氏盖亦有以官以邑为氏者不一而足也【按遂从见经此承上行父发之】

晋杀其大夫阳处父晋狐射姑出奔狄

按三传所言杀阳处父者狐射姑也春秋曷为称国以杀国无政刑使人无所忌惮敢于杀大夫罪人弗得逸之他境非晋杀而何

闰月不告月犹朝于庙

礼天子颁正朔于诸侯诸侯受而藏之祖庙每月之朔则以特羊告于宗庙谓之告朔既告之后然后出而视政故谓之视朔文公以闰月之故不以特羊告朔止朝于庙而已夫闰月之朔日月相会天有是月岁功以成圣人置闰典礼具在若之何其可废耶春秋书犹朝于庙幸朝庙之礼犹存不至于尽废也文公末年四不视朔则怠荒于政虽非闰月亦不告矣当孔子之时子贡欲去告朔之饩羊由此观之自文公之后礼日益废告朔之羊虽有司具文行事而鲁公不亲告朔矣此春秋所以志其始也

七年春公伐邾三月甲戌取须句遂城郕

向也僖公尝伐邾取须句而复其君中间邾人复夺而有之今焉邾之公子叛邾归鲁文公为之伐邾取须句以居之由僖公言之犹有存亡继絶之意由文公言之纳人之叛亡以偪其宗国岂理也哉遂城郛者因伐邾之师城郛以备邾也取人之邑纳人之叛方惴惴然劳吾师旅以自为备是果何益于鲁哉

夏四月宋公王臣卒宋人杀其大夫

戊子晋人及秦人战于令狐

书晋及秦战晋为主乎是战也当是之时赵盾实将晋军潜师夜起败秦师于令狐以春秋书法言之当曰晋赵盾败秦师今而曰晋人及秦人战何也是战也晋之理曲矣晋人欲立君逆公子雍于秦秦伯多以徒卫送之秦何负于晋诚使晋人迫穆嬴之请而畏国人之偪犹当善为辞命以谢于秦何至遽以干戈相向乎不书将不书败者罪赵盾也

晋先蔑奔秦

狄侵我西鄙

戎常为鲁患至庄公伐戎之后戎患少息至是狄患方兴侵我西鄙其后鲁人获长狄侨如狄遂少戢外攘之道固不可以无威也

秋八月公会诸侯晋大夫盟于扈

诸侯不序大夫不名左氏曰公后至也公羊曰诸侯不与公盟而眅晋大夫使与公盟也大要文公之为君怠于政事晋侯新立诸侯在会而公独后至春秋讳其事而畧言之若曰在会之诸侯不知其几国与盟之大夫不知其为谁则文公怠荒之意隐然其中矣

冬徐伐莒公孙敖如莒涖盟

徐伐莒莒请盟于鲁其意固将借鲁以为助也鲁不能与莒伐徐徒使公孙敖如莒涖盟而已奚益于助莒也哉而况公孙敖是行实有昏姻之好君子谓是盟也不足以为信

八年春王正月

夏四月

秋八月戊申天王崩

冬十月壬午公子遂会晋赵盾盟于衡雍乙酉公子遂会雒戎盟于暴

春秋之法遂事者称遂今公子遂以十月壬午盟赵盾以乙酉盟雒戎相去才三日尔其为遂事可知矣春秋何以再书公子遂甚矣圣人谨夷夏之辩如此其严也如使公子遂盟赵盾之后继以盟雒戎则视雒戎与中国均非所以立天下之大防也间之以日别之以地两言公子遂则夷夏之分截然而不可犯矣

公孙敖如京师不至而复丙戌奔莒

谷梁曰未如而曰如不废君命也未复而曰复不专君命也其意深矣未尝至京师则非如也而以如书盖已尝受命则君言不宿于家恶可废也未尝归鲁国则非复也而以复书盖受命而出必当反命于君不可专也彼公孙敖之奔莒失人道之大伦不足责也而君臣之义如之何其废之此义明则上之命行乎下矣

螽

宋人杀其大夫司马宋司城来奔

春秋之法大夫书名其善之者称字此独以官称何也夫守道不如守官司马握节以死司城效节而出其守官如此春秋以官书之不没其实也

九年春毛伯来求金

家父求车尝称使矣毛伯求金不称使何也求车犹可求金甚矣是时襄王在殡犹未也从鲁求金亦可念矣故圣人隐其事若毛伯之自求所以存周且罪诸侯也

夫人姜氏如齐

二月叔孙得臣如京师辛丑葬襄王

文公即位之初天王使毛伯锡命成风之丧荣叔归含召伯会 今兹襄王之憾公孙敖如周吊不至而复鲁亟遣大夫继往可也迂延不行而毛伯求金已而得臣如京师会 亦已晚矣

晋人杀其大夫先都

三月夫人姜氏至自齐

往者文姜之如齐不书至此其书至何也杜氏曰告于庙也公行则告于宗庙反行饮至此诸侯之礼也今夫人亦有告至之礼是上僭而敌君也故春秋谨而志之

晋人杀其大夫士穀及箕郑父

楚人伐郑公子遂会晋人宋人卫人许人救郑

范山言于楚子曰晋君少不在诸侯北方可图也楚于是伐郑赵盾会诸侯之大夫以救郑诚善矣奔命而行犹惧不济缓不及事无功而还卒不逃范山所料故诸侯之大夫皆称人左氏曰以惩不恪其说得矣

夏狄侵齐

秋八月曹伯襄卒

九月癸酉地震

冬楚子使椒来聘

庄公之时荆人来聘今也楚子使椒来聘有君有大夫春秋非进楚也拒之于前固将以絶之于后也拒之而不能絶使得倂于中国则亦有不得已焉尔

秦人来归僖公成风之襚

葬曹共公

十年春王三月辛卯臧孙辰卒

夏秦伐晋

楚杀其大夫宜申

自正月不雨至于秋七月

及苏子盟于女栗

左氏曰顷王立故也诚使顷王之立周之卿士与鲁人盟春秋当特书之今书及苏子盟而不言其人鲁之微者也僖公十年狄尝灭温温子奔卫温即苏子也今与鲁盟岂非既复其国而求与鲁盟乎不然鲁安敢以微者盟王人耶

冬狄侵宋

楚子蔡侯次于厥貉

按左氏陈郑之君先会楚子于息已而楚子蔡侯次于厥貉将以伐宋宋公迎劳楚子田于孟诸郑伯与焉麇子逃归宋公为右孟郑伯为左孟宋公违命其仆见扶麇子耻之逃归不与其为辱不亦甚乎故春秋书次厥貉于前伐麇于后宋郑陈三国不与焉所以存中国抑荆蛮也

十有一年春楚子伐麇

夏叔仲彭生会晋郤缺于承匡

是会也谋诸侯之从于楚者后三年公会晋赵盾盟于新城而后从于楚者始服盖二大夫之谋未足以为重彼陈郑宋三国舍荆楚而从中夏诚非易事固不容以易谋也

秋曹伯来朝

公子遂如宋

狄侵齐冬十月甲午叔孙得臣败狄于咸

狄连年侵伐中国暴横已甚向也晋人败狄于箕犹以为功也今兹叔孙得臣败狄于咸获长狄侨如可谓一时之隼功矣公羊曰其言败何大之也其地何大之也斯言得之矣

十有二年春王正月邾伯来奔

按左氏邾太子以地来奔鲁以诸侯逆之故书曰邾伯诚如所言邾太子未尝为君也春秋岂得以邾伯书盖必尝为君迫于不得已而出奔非其罪也故春秋不以失地罪之书其爵而不书其名

杞伯来朝二月庚子子叔姬卒

左氏曰杞伯来朝且请绝叔姬而无绝昏由此观之子叔姬固尝归于杞矣杞伯绝之故其卒也书于春秋然公谷皆曰子叔姬尝许嫁于杞矣未嫁而卒故春秋得以书之三传之言未知孰是然春秋之法内女不书卒其书卒者必其有故者也今书子叔姬之卒于杞伯来朝之下则杞伯之来朝也其请昏乎其绝昏乎俱未可知也【按公谷只云叔姬许嫁其云许嫁于杞者谷梁疏引徐邈注也】

夏楚人围巢

巢江淮间小国也然武王克商之后巢伯来朝芮伯作旅巢命盖自夏商之时已列于诸侯久矣楚人强暴侵灭小国围巢之后卒灭而有其地异时吴复取巢于楚春秋以吴灭巢书犹存巢也【按黄震日抄引戴氏云前日楚伐麇中国不能救于是又围巢中国无霸主诸侯何恃

哉永乐大典失去】

秋滕子来朝

隐公之时滕尝来朝爵犹称侯中间宋执婴齐已称滕子至是复称滕子来朝其自贬损久矣盖滕小国也絶长补短仅五十里间于大国惴惴然惧不能自免宜乎降而称子也

秦伯使术来聘

庄公之时楚始聘鲁春秋以荆人书及其再聘始书楚子使椒来聘今秦始聘鲁其书法何遽与楚椒同耶盖楚子开端于前秦伯效尤于后圣人虽欲絶之不可得也秦穆公初霸西戎欲行礼于中国始归成风之襜今又使大夫聘焉其使者雍容文雅应对有礼亦见其择使而来不敢轻中国也

冬十有二月戊午晋人秦人战于河曲

秦晋交兵不一而足圣人直书晋人秦人战不言及者不分客主厥罪惟均言二国皆主乎是战非畧其战而不详书也

季孙行父帅师城诸及郛

上卿帅师以城二邑其役重其事大矣无故而城邑君子犹以为病民况并城二邑乎虽曰得时劳民甚矣曰行父曰帅师曰城曰及备书其事恶之也

十有三年春王正月

夏五月壬午陈侯朔卒

邾子貜卒

自正月不雨至于秋七月

大室屋坏

大室者世室也世室者伯禽之庙也其为屋亦久矣时加省视随事增修故久而不坏今文公在位十三年矣时方无雨屋无坏道一旦遽坏必其不加省视驯至大坏而莫之知也文公怠于国政每事皆然今宗庙之敬阙焉若此他何责乎

冬公如晋卫侯会公于沓

晋侯新立郤缺实与鲁大夫会于承匡诸侯之从于楚者固将倚鲁以为重也今兹公如晋也卫侯会公以请平于晋及其还也郑伯会公亦请平于晋公皆成之明年同盟于新城从于楚者皆服鲁侯之功也春秋善之书如晋书会公书及盟书还书至辞繁而不杀者皆善之也

狄侵卫

十有二月己丑公及晋侯盟公还自晋郑伯会公于棐十有四年春王正月公至自晋

邾人伐我南鄙叔彭生帅师伐邾

左氏曰邾文公之卒也公使吊焉不敬邾人来讨伐我南鄙故惠伯伐邾吊丧不敬鲁固非矣何遽至于兴师耶彭生伐邾盖亦不能自反矣春秋交讥之

夏五月乙亥齐侯潘卒

六月公会宋公陈侯卫侯郑伯许男曹伯晋赵盾癸酉同盟于新城

同盟之礼齐桓以霸主行之固已僭矣赵盾主盟复行是礼其僭益甚盾之无君有自来矣

秋七月有星孛入于北斗

斗为帝车运乎中央以制四方星入环域皆足以致灾而况有星孛入其为应也昭然矣故春秋谨而书之

公至自会

晋人纳捷菑于邾弗克纳

以晋人之力纳防菑于邾其为力也甚易春秋以弗克书其辞甚严凛然不可犯也夫三军可夺帅匹夫不可夺志非不能夺也义不可夺也邾人守义晋人退缩卒弗能纳赧然而返岂晋能悔过哉大义所在虽有力者不能加也书晋人弗克者恶晋也

九月甲申公孙敖卒于齐

齐公子商人弑其君舍

宋子哀来奔

冬单伯如齐齐人执单伯齐人执子叔姬



如左氏所言单伯如齐请子叔姬齐人执单伯并叔姬而执之公羊之说则不然以为单伯道淫而被执夫单伯未尝与叔姬偕行乌乎道淫是时齐国有乱天理人伦无复存者故执单伯又执子叔姬岂容复以人道责哉春秋两书齐人甚恶之辞也

十有五年春季孙行父如晋

一年之间行父如晋者再其始如晋也单伯与子叔姬之故然而六月单伯至自齐至十二月子叔姬始归何其晚也其后如晋也为齐人伐我西鄙之故然而诸侯既盟之后齐侯复侵我西鄙既而伐曹讨其来朝于鲁亦可以见齐之彊鲁之弱而晋无能为也

三月宋司马华孙来盟

华孙来盟不称使何也杜氏曰华孙奉使邻国能临事制宜至鲁而后定盟故不称使此说近之自僖公盟于薄释宋公之后宋未尝与鲁为好至是而华孙来盟春秋嘉之而不书名犹齐高子来盟是也其曰司马何也华孙之来其官皆从故以司马称之犹宋司城来奔效节于府人是也然而歷考春秋书宋之事比列国不同窃有疑焉其杀大夫也不称名氏甚者并称其官其来盟也其来奔也皆以官称之其书孔父子哀华孙也又皆不名传春秋者纷纷异说或曰宋三世无大夫内娶也又曰其以官称者无君之辞也又曰孔子故宋为祖讳也其说多牵彊不通左氏之说比于二传差胜然亦未能尽得圣人之意宋先代之后世于周为客天子所以待宋者其典礼大不同而春秋之所以书宋者其名字岂容无别凡春秋之所以特书者必其典礼之当然非因事起义偶然而书者也盖不特此会未有言其所为者稷之会书曰以成宋乱薄之会书曰释宋公澶渊之会书曰宋灾故凡此三者皆为宋特书其意盖有在矣

夏曹伯来朝

左氏曰礼也诸侯五年再相朝以修王命古之制也诚如左氏所言曹伯之朝合于古矣特不知左氏所言者古之制欤抑春秋之制欤周礼曰凡诸侯之邦交世相朝也春秋之时小国奔走以朝于大国于是始有比年之朝矣以是为古诬矣哉

齐人归公孙敖之丧

六月辛丑朔日有食之鼓用牲于社

单伯至自齐

单伯为鲁使齐故执之与归皆书于春秋书齐人执郑詹郑詹自齐逃来恶之也书齐人执单伯单伯至自齐闵之也

晋郤缺帅师伐蔡戊申入蔡

蔡侯与楚子次于厥貉将以伐宋又不与新城之盟故晋郤缺伐蔡如公羊所言郤缺之师以戊申至蔡其至之日即入其国何其易也用见晋师彊而蔡人之无备也左氏曰获大城焉则蔡之国亡矣

秋齐人侵我西鄙季孙行父如晋冬十有一月诸侯盟于扈

齐人既执单伯子叔姬矣而又侵我西鄙季孙行父告于晋晋侯为之合诸侯于扈将谋伐齐为文公者当先率诸侯听命于会以请师期顾偃然不至使诸侯自为盟无怪晋人取赂而还也春秋微之书诸侯盟于扈而已略诸侯而不书其国者所以着文公之罪也齐侯至此益无所畏不惟再伐鲁也又伐曹而入其郛曰汝何故行礼于鲁逞怒于人犹以为未足而又迁怒于他人齐固无道矣抑亦文公荒怠有以致之

十有二月齐人来归子叔姬

齐人归子叔姬不曰鲁人请之而曰齐人来归者鲁之直也

齐侯侵我西鄙遂伐曹入其郛

十有六年春季孙行父会齐侯于阳谷齐侯弗及盟齐侯逞威于鲁其势未艾使文公请盟于齐犹可息也昵于宴安不防国事而委重于季孙行父宜乎齐侯之弗与盟也书弗及者言其权之在齐也已而公子遂纳赂于齐仅得一盟然卒益为鲁患明年齐复伐鲁及文公亲与齐盟而后齐难稍息君子是以知文公之怠惰其害于国多矣

夏五月公四不视朔

视朔者每月之朔告于宗庙退而听政以朝羣臣也向也文公闰月不告朔矣今焉四不视朔其怠益甚矣僖公既 而作主缓大室屋坏而不脩不雨者三年而皆无闵雨之心晋侯新立诸侯皆会而公独后至及告难于晋晋为之合诸侯而公又独不会荒怠国政一至于此春秋谨而书之以为有国者戒焉

六月戊辰公子遂及齐侯盟于鄆丘

秋八月辛未夫人姜氏薨毁泉台

楚人秦人巴人灭庸

庸蜀彭濮尝从武王于牧野蛮之微者也秦楚巴三国同灭庸以楚为首盖楚主兵者也庸人帅羣蛮以叛楚楚人将徙都以避之幸而灭庸始能立国楚人自谓有功故告于诸侯春秋得以书之秦楚相远其所以得伐庸者由巴蜀以通道也

冬十有一月宋人弑其君杵臼

十有七年春晋人卫人陈人郑人伐宋

列国之卿相与伐宋将讨文公之乱也既不能讨又立文公而还助乱之罪不容诛矣贬而称人深恶之也

夏四月癸亥葬我小君声姜

齐侯伐我西鄙六月癸未公及齐侯盟于谷

齐侯无道骤为鲁患恶甚自毙固不足责然文公怠惰不恤国事向使阳谷之会文公亲行其患必不至此病而乞盟所丧多矣不能尽力于前而遂徒费力于后是亦不善为谋者也

诸侯防于扈

文十五年经书诸侯盟于扈至是书诸侯会于扈其事正同始也鲁文公不至晋侯取赂于齐无功而还故春秋略之不列数诸侯今扈之会文公不与诸侯成宋之乱而不能讨其罪比于取赂尤甚故春秋复得而略之大抵春秋之法其事之可录者特书屡书不一书其不足录者微之而已

秋公至自谷

冬公子遂如齐

十有八年春王二月丁丑公薨于台下

秦伯防卒

夏五月戊戌齐人弑其君商人

六月癸酉葬我君文公

秋公子遂叔孙得臣如齐

人臣出使有正有介介者所以辅行也春秋之法书正而不书介今遂与得臣并书盖两卿并出名位相敌故春秋列而数之谷梁曰使举上客而不称介不正其同伦而相介此说得之

冬十月子卒夫人姜氏归于齐

鲁桓公夫人曰文姜庄公夫人曰哀姜僖公夫人曰声姜文公夫人曰出姜亦曰哀姜自文姜乱鲁之后继之以哀姜鲁国之人伦不复存矣文公末年鲁人杀适立庶故出姜归于齐哭而过市鲁人哀之亦谓之哀姜然而春秋书二姜之事不同前之哀姜其去鲁也书曰夫人姜氏孙于邾着其罪也后之哀姜其去鲁也书曰夫人姜氏归于齐悯其无罪也

季孙行父如齐

莒弑其君庶其

# 春秋讲义卷三上

宋戴溪撰

宣公

元年春王正月公即位

鲁之桓宣皆继故而立无所畏惧偃然而行即位之礼春秋即其实而书之明着其罪也

公子遂如齐逆女三月遂以夫人妇姜至自齐

文公防祭未终纳币于齐君子固已非之今宣公执亲之防才逾年尔遽遣人逆女人道废矣姜不言氏贬夫人也称妇姜者贬敬嬴也君臣父子妇姑之义皆失之不待贬绝而恶自见矣

夏季孙行父如齐

晋放其大夫胥甲父于卫

公防齐侯于平州公子遂如齐六月齐人取济西田子赤齐之出也齐方有难不暇为子赤地怵于仲遂之邪谋故子赤卒而宣公立然鲁之君臣恐惧而不安百计以求悦于齐防制未终而成昏固已拂天理而不顾季孙行父继踵如齐然后宣公得防于平州以定其位已而赂齐人以济西之田公子遂拜盟于后何汲汲也齐人取济西田不言鲁归之为鲁讳也书取甚易之辞也桓公之立也不义以许田赂郑宣公之立也不义以济西之田赂齐懷慚抱愧制命于人亦可哀矣

秋邾子来朝

楚子郑人侵陈遂侵宋晋赵盾帅师救陈宋公陈侯卫侯曹伯防晋师于蕯林伐郑

晋楚二国不务德而力争陈郑一彼一此皆不足以得二国之心郑伯以晋人受赂之故而受盟于楚陈人以楚人无礼之故而受盟于晋故楚子郑人侵陈及宋而赵盾亦帅师救陈陈宋怨郑伯者也故复与卫曹防晋师以伐郑既归之后晋宋再复伐郑当是之时晋灵公年少而侈楚莊王方有事于诸侯故晋不竞于楚未几而有桃园之难楚庄得尽力以图诸侯入陈入郑楚卒得志于二国楚庄以此称霸春秋纪晋楚之争霸陈郑之叛服于此特详焉

冬晋赵穿帅师侵崇

侵崇之役最为无名赵穿有言曰我侵崇秦必救之吾以求成焉是无名之师也穿新得政而

專复谋窃晋之兵柄于是无名而兴师桃园之祸其所由来者渐矣

晋人宋人伐郑

二年春王二月壬子宋华元帅师及郑公子归生帅师战于大棘宋师败绩获宋华元

按左氏郑人受命于楚伐宋宋华元御之则主兵者郑也今书曰宋华元帅师及郑公子归生战称帅师者见宋主乎是战也宋方得罪于王法不自修省而汲汲然报怨于郑故郑人伐宋宋自取之也两国之卿亲帅大众尅日以战其事重矣春秋书战书败绩书获辞严而不恕非以大郑之功也宋之不义霸主不能讨假手于郑败师失将所以快神人之愤示乱臣贼子之无所容也

秦师伐晋

秦之伐晋多矣或称爵或称人或称师或止称国其义不同各有攸在此称师者言用大众也

夏晋人宋人卫人陈人侵郑

秋九月乙丑晋赵盾弑其君夷臯

冬十月乙亥天王崩

三年春王正月郊牛之口伤改卜牛牛死乃不郊犹三望

郊礼先期卜牛而养之及既卜日则改牛为牲或卜日不吉或牛有伤则有免牛免牲之礼今也鲁之郊牛其口伤故改卜牛改卜而牛又死知天灾之甚也于是而不郊宣公以不义得国即位始郊获罪于天故降灾于牛以见其不飨也上天垂戒之意深矣

葬匡王

楚子伐陆渾之戎

陆渾之戎近在伊雒中国不能问而楚人伐之然楚意不在戎也观兵于天子之疆而问鼎之大小轻重其僭乱若此春秋是以谨书之也

夏楚人侵郑

秋赤狄侵齐

赤狄始见于经狄有赤狄有白狄有长狄其种类不一大抵自为部落相聚而寇掠尔他日晋人灭潞氏甲氏则赤狄之存无几矣

宋师围曹

冬十月丙戌郑伯兰卒 郑穆公

四年春王正月公及齐侯平莒及邾莒人不肯公伐莒取向

二国交怨有能平其怨而息其争岂不甚善然非有以信服其心则势力固未易平也譬如乡邻有鬪非有大人长者为之讲解则其鬪岂易平哉莒邾之争莒大而邾小故平莒为难平邾为易今公及齐侯平莒及邾邾之于鲁有伯姬之亲故宣公主乎是平也齐鲁二君方得罪于诸侯岂足以信服乎莒不肯之辞傲然而不顾也宣公不胜其忿伐莒而取向夫取向则易而平莒则难用见势力之不足恃也昔者鲁桓公尝欲平宋郑矣数与宋公为防宋卒辞平桓公至于伐宋而与战焉其事正与宣公类二公皆以不义得国诸侯谁其信之不能省躬而逞怒于人滋益罪矣

秦伯稻卒

夏六月乙酉郑公子归生弑其君夷

赤狄侵齐

秋公如齐公至自齐

冬楚子伐郑

五年春公如齐夏公至自齐秋九月齐高固来逆叔姬

宣公连年如齐卑辱已甚今因如齐之役高固使齐侯止公以求叔姬无乃太甚乎前此鲁女多为诸侯夫人今下嫁于大夫固已少屈矣宣公又自主昏是以大夫自处也高固之逆与子叔姬之偕来具书于春秋益可耻矣向者庄公之时莒庆来逆叔姬其后僖公及莒庆盟于洮皆鲁之耻也

叔孙得臣卒

冬齐高固及子叔姬来

楚人伐郑

六年春晋赵盾卫孙免侵陈

楚庄王图霸刻意以争陈郑此岂一手一足所能定哉晋时有难赵盾之志不在诸侯仅与卫孙免侵陈示诸侯以为名而已非能回陈人从楚之心也

夏四月

秋八月螽

冬十月

七年春卫侯使孙良夫来盟

鲁卫兄弟也数防屡盟亦已久矣自文公防沓之后十余年间卫未尝通鲁好也今兹孙良夫来盟卫始通鲁且结信也鲁宣自得国以来恐惧事齐视晋而下不以为意良夫之来不惟通好且谋防晋故委心于鲁结盟以示信其意可谓勤矣然宣公方笃意事齐從晋之意未敢坚决卫人虽结信于鲁犹无益也

夏公防齐侯伐莱秋公至自伐莱

左氏曰夏公防齐侯伐莱不与谋也鲁方听命于齐之不暇安敢勤动齐侯以伐人之国则伐莱之谋其出于齐侯之意也明矣齐志于伐国而鲁助齐为虐春秋交讥焉

大旱

冬公防晋侯宋公卫侯郑伯曹伯于黑壤

按左氏黑壤王叔桓公临之以谋不睦则是盟也有天子之卿士奉天子之命其事重矣春秋曷为不书盟左氏以为鲁公不与盟之故非也诚如左氏所言则春秋当以公不与盟书岂得阙而不录灵公之难晋不讨贼成公之立又不请命于天子于今四年新防诸侯天子縱不能问罪于晋又使卿士临之赫然王命临照诸侯而赏罚倒置莫此为甚春秋没其事而不书以为不足乎 也其防深矣

八年春公至自防

夏六月公子遂如齐至黄乃复

按昭公二十三年公如晋至河有疾乃复今也公子遂如齐不至而复未几卒于途其有疾明矣春秋书至黄乃复不书有疾何也盖诸侯适他国进退得專之已人臣衔君命而出则不可



專也有如疾不可为犹当輿疾将事进退岂得而由已哉春秋书此示人臣不得專命之义也

辛巳有事于大庙仲遂卒于垂壬午犹绎万入去籥前书公子遂今书仲遂何也公子遂有德于宣公始死而赐諡所以宠賁其身后而无忘其子孙也春秋即其实而书之大抵君臣之义务存始终故人臣之卒当祭则不告终祭则不绎今也辛巳有事于大庙则既终祭矣明日賔尸礼不必讲也壬午犹绎可已而不已也万无声之乐也入则用之籥有声之乐也去而不用特不欲声闻于外惟恐人之或知也宣公非愬然于仲遂也君臣之恩薄其来久矣知悼子在殯晋平公饮酒击钟于 屠蒯入諫宣公去籥之意固已拳拳于仲遂矣彼仲遂之罪当弃絶于宗庙春秋非爱仲遂者特爱礼尔礼有终始所以待遇臣子垂训后世不容以仲遂废也

戊子夫人嬴氏薨

晋师白狄伐秦

晋吕相絶秦之书曰白狄及君同州君之仇讐而我之婚姻也白狄之与晋固为婚姻晋之与秦独非婚姻乎舍秦之婚姻而独与白狄伐秦何哉昔也襄公与姜戎败秦师于殽今焉成公又与白狄伐秦内外亲疎之义皆倒置矣

楚人灭舒蓼

观左氏所载随绞州蓼伐楚师则蓼固当为一国而以春秋考之前乎此徐人取舒后乎此楚人灭舒鳩今之灭舒蓼者岂非舒鳩之类所谓羣舒者是欵【按文公五年楚已灭蓼矣讲义不引似疏】

秋七月甲子日有食之既

冬十月己丑 我小君敬嬴雨不克 庚寅日中而克

城平阳

楚师伐陈

九年春王正月公如齐公至自齐

夏仲孙蔑如京师

宣公即位九年亲如齐者三而君臣未尝至于周天子使人来徵聘仲孙蔑一至京师而已天子犹以有礼而厚賄之亦可叹矣

齐侯伐莱

莱东夷也书曰莱夷作牧其地在青州于齐为近故齐侯必欲服之观齐鲁防夹谷之日莱人以兵劫鲁侯则莱之服属于齐有自来矣

秋取根牟

公羊曰根牟者邾娄之邑杜预曰根牟东夷之国经书根牟而不繫于邾知其为国明矣

八月滕子卒

九月晋侯宋公卫侯郑伯曹伯防于扈晋荀林父帅师伐陈辛酉晋侯黑臀卒于扈

黑壤之防谋不睦也而陈不与扈之防亦所以谋不睦也而陈又不与晋安得而不伐陈耶如左氏所言荀林父以诸侯之师伐陈春秋曷为不书诸侯盖晋侯卒于扈则在防之诸侯犹未归也荀林父受命而行闻晋侯卒乃还实未尝伐陈也春秋岂得并诸侯而书之乎

冬十月癸酉卫侯郑卒

宋人围滕

前书滕子卒今书宋人围滕其伐防之罪比事而观不可逃矣滕之于宋非有深怨也特不事宋而已向也宋尝执滕子婴齐今兹又伐其防明年宋复伐滕何其甚邪

楚子伐郑晋郤缺帅师救郑

按左氏楚子伐郑晋郤缺救郑郑伯败楚师于柳棼此郑之隽功也春秋曷为不书楚连年伐郑今兹亲帅师徒至郑之城下其势未易抗也晋郤缺救郑未尝与楚人交战郑伯遽败楚师于柳棼微幸一胜不足以挫楚人之势适足以稔郑之祸春秋以为不足録也故略而不书

陈杀其大夫泄冶

十年春公如齐公至自齐齐人归我济西田

夏四月丙辰日有食之

己巳齐侯元卒

齐崔氏出奔卫

崔氏之奔不止一人其宗彊于齐从矣异日庄公之祸崔氏实为之宗彊故也春秋书尹氏武氏崔氏其义各有攸在或志其世卿或志其彊宗此二者皆国之巨患也

公如齐五月公至自齐

癸巳陈夏徵舒弑其君平国

六月宋师伐滕

公孙归父如齐 齐惠公

晋人宋人卫人曹人伐郑

往年救郑今年伐郑为晋师者不亦难乎德不足以庇郑威不足以抗楚一救一伐徒自疲其力而已

秋天王使王季子来聘

天子使其母弟躬聘于鲁其恩礼可谓厚矣然而自是以后周室日衰天子之使不复至鲁春秋亦无得而书焉

公孙归父帅师伐邾取绎

公孙归父者仲遂之子也有宠于宣公故执鲁兵柄伐邾以取邑已而惧齐人之见罪也亲往谢罪于齐小人谋国假宠以肆威行险以求利类多若此从而未有不为国患者向使归父不见逐于鲁其为鲁患多矣

大水

季孙行父如齐冬公孙归父如齐齐侯使国佐来聘齐侯之卒也宣公既如齐吊矣公孙归父继往防焉已而行父归父又有如齐之行一年之间鲁之君大夫接踵在齐齐不得已仅一遣国佐报聘而已歷观鲁十二公其务为容悦以求媚于大国未有如宣公之甚者也

饥

宣公即位十八年春秋两书饥始以大水而饥继以螽生而饥彼其不义得国乖戾致灾自取之也民何罪焉故春秋书饥者为斯民忧也至其末年特书大有年者又为斯民喜也

楚子伐郑

十有一年春王正月

夏楚子陈侯郑伯盟于辰陵

楚自庄王以来力争陈郑有事于二国者屡矣二国或服或贰莫适为主陈人從晋则贰于楚郑人從楚则贰于晋纷纭而未定也至是陈郑与楚盟于辰陵则二国俱服于楚矣陈郑不足责也迫于社稷之故惟彊可以庇民者是從晋主夏盟其可坐使陈郑之至于此乎故自辰陵既盟继而楚入陈围郑陈既亡而复存郑几亡而仅免操縱之权一制于楚春秋是以咎中国之霸者不能以自振也

公孙归父防齐人伐莒

秋晋侯防狄于欒函

狄人认为中国患自晋人败之于箕稍知自警今乃防狄于欒函何哉为霸主者以外攘为己任縱不能攘独可防乎诚使狄人知惧请成于晋犹可言也今晋乃求成于众狄又亲往防之其辱甚矣书防狄所以辩华戎之分书晋侯又见中国之自卑也

冬十月楚人杀陈夏徵舒丁亥楚子入陈纳公孙寧仪行父于陈

陈人之罪天下之所得同讨也中国不能讨而使楚庄得借手以为辞中国之愧多矣楚庄伐陈先入其国而后杀夏徵舒此先书杀者讨贼之辞也然而楚人取陈以为县则既灭陈矣春秋以入陈书何也春秋大改过喜迁善楚庄既县陈而复还之其功岂可掩哉然而纳公孙寧仪行父楚庄之为德亦不终矣始焉杀徵舒讨其罪也终焉纳公孙寧仪行父独非罪乎致陈灵公之为乱者实二人之罪也独可纳乎春秋不以功掩过亦不以恶掩善故楚庄之事备书于春秋则功过善恶不可诬矣

十有二年春 陈灵公

楚子围郑

按公羊曰楚庄入郑胜乎皇门放乎路衢由此观之楚子固尝入郑矣春秋不言入何也去年楚子灭陈书入而不书灭今年楚子入郑书围而不书入圣人之意盖有在矣陈既灭而复其国郑既入而许其平圣人嘉楚庄能改过而迁善也当是之时中国无道十余年间晋宋陈郑皆有大罪楚庄因之遂有图霸之心既得陈郑矣不迫人以险犹有存亡恤难之意春秋安得而不嘉之按左氏郑伯肉袒牵羊以逆楚子楚退三十里而与之平春秋何以不书存中国而抑荆蛮也

夏六月乙卯晋荀林父帅师及楚子战于郟晋师败绩春秋二百四十二年晋楚之大战三晋

胜楚者二曰城濮曰鄢陵楚胜晋者一曰邲此三战者春秋皆书曰晋及言中国主乎是战不使楚人得以主之也然而城濮之战楚之主兵者得臣也以邲之书法观之当书曰晋侯及楚得臣战不书得臣而书楚人者贱得臣不使与晋侯为敌也邲之战荀林父不能制御诸将以至于败林父之罪不可逃也然而城濮之战楚杀其大夫公子侧晋虽败邲林父之罪不及焉君子是以知晋用法之恕楚御下之严也

秋七月

冬十有二月戊寅楚子灭萧

萧附庸也其国至微楚人灭之易尔然楚庄能施德于陈郑卒不免于灭萧何也人之常情矫揉以为善者虽能勉强于一时不能持守于悠从楚庄始焉矫揉伏其好利之心一旦发其暴怒复还故常春秋即其实而书灭功罪不相掩矣

晋人宋人卫人曹人同盟于清丘

左氏曰晋原穀宋华椒卫孔达曹人同盟于清邱则是盟也原穀实主邲之战原穀违命先济遂至于败得免于死已为厚幸岂得又主列国之盟乎盟犹可也岂得而同盟乎狠愎之资骄僭已甚卒不免于见杀削其名书人罪晋而恶原穀也

宋师伐陈卫人救陈

陈方受兵于楚仅复其国宋何事而遽伐之乎宋卫方盟卫人渝盟以救陈春秋不以为罪而以为善书救陈者善之也

十有三年春齐师伐莒

向也宣公防齐侯伐莱其后齐自伐莱向也公孙归父防齐人伐莒今焉齐自伐莒盖二国去齐为近齐人志在并吞始犹资助人终则自尊于已不胜其利欲之心而欲逞其虐小之威不履其所欲则不已也

夏楚子伐宋

左氏曰以其救萧也楚子灭萧已有意于伐宋非以救萧而起也明年围宋意可见矣

秋螽

冬晋杀其大夫先穀

十有四年春卫杀其大夫孔达

夏五月壬申曹伯寿卒

晋侯伐郑

按左氏晋侯伐郑郑伯如楚谋晋故也春秋曷为不书如楚中国不竞诸侯相率南向以朝楚此春秋所叹息也前者郑伯许男如楚今兹郑伯又复如楚春秋以为中国朝楚实自郑始故讳而不书

秋九月楚子围宋

楚庄连年有事于中国今兹围宋宋人易子而食析骸而炊其急亦甚矣楚人屈于华元一言退三十里而与宋平其事与围郑相类故春秋书法一同

曹文公

冬公孙归父防齐侯于谷

宣公十有一年公孙归父防齐人伐莒至是三年矣再防齐侯于谷向者君臣迭至于齐自归田之后事齐浸简君子是以知势利之交不能从也

十有五年春公孙归父防楚子于宋

僖公之时楚子伐宋公防诸侯盟于薄释宋公宣公之时楚子围宋公孙归父防楚子于宋宋及楚平鲁之谋国类出于此岂自治之道哉

夏五月宋人及楚人平

前者楚子围郑郑及楚平春秋不书今兹围宋宋及楚平春秋何以书盖郑伯效牵羊之逆乞平于楚春秋存中国而不书今焉宋华元楚子反亲自结平两国息争亦春秋之所予也故以宋人主乎是平不使楚人得以専之也然而二国之卿略而书人何也平者在下而不在上也下议其平取必于上春秋义存君臣故微之

六月癸卯晋师灭赤狄潞氏以潞子婴儿归

戎狄之属自为种落而种落之中又自分其族类盖势分无以相统属故也若狄之种有赤狄白狄而赤狄之族亦有潞氏甲氏之类是也向者狄为中国患其后赤狄继之今兹晋侯能灭赤狄潞氏执其君长而归亦可以为功矣【按程端学春秋或问云侵齐伐卫者狄耳潞氏前

此未见于经不知其罪也戴氏之说非是】潞子之夫人晋景公之姊也晋大国也彼白狄之与赤狄皆得结婚于晋其不自贵重亦甚矣一旦潞子之夫人见杀于酆舒然后兴师灭之不亦晚乎潞何以称子岂非亦尝受命于天子乎四夷之君长虽大皆曰子

秦人伐晋

王札子杀召伯毛伯

秋螽

仲孙蔑防齐高固于无娄

高固娶于子叔姬尝与叔姬来鲁则未知是防也其诸高固借公事以为私行欤其亦继公孙归父防谷之好欤断道之防高固逃归意其为人也必専辄而不用命者也自是而后齐鲁之好踈矣

初税亩

井田之法为田九百畝八家同井而居共受田八百畝名曰私田其中一百畝以二十畝为八家庐舍余八十畝名曰公田八家共耕公田得其地利以供公上此之谓什一之税外此一毫无有也今也宣公以公田之税为公上所当得复于私田之中履畝而税之其取于民也比旧增倍至于后世遵用之哀公所谓二吾犹不足是也春秋深恶之故书曰初税畝着其作俑之罪也哀十二年复有田赋之法盖于税畝之外复用田以取赋为甲兵之用其剥民益甚矣然春秋不书初者作俑之罪宣公既任之矣税畝之后继以螽生又继以饥获罪于天降灾于下悲夫【按程端学春秋或问云戴氏此說本公羊今考讲义于私田之中履畝而税云云实取杜预左传注】

冬螽生饥

十有六年春王正月晋人灭赤狄甲氏及留吁

去年晋灭潞氏执潞子婴儿犹以为治酆舒之罪也今焉灭甲氏及留吁则又太甚矣中国之有夷狄犹阳之有陰也陰不可使胜阳然不能使无陰也古之王者攘却之则有之矣后世好大喜功之君不分别其事理而但以兵威取之则过矣前书晋师后书晋人春秋之义各有攸在

夏成周宣榭火

昔者成王定鼎于洛邑复于洛邑之东营邑以居顽民名之曰成周在书曰成周既成迁殷顽

民是也【按二语系书序】以其地在东故或谓之东郊亦谓之东都春秋之书王城者谓洛邑也书成周者谓东都也成周宣榭火曷为书于春秋告于鲁也宣榭者杜氏以为讲武之屋无室曰榭公谷以为宣宫之榭乐器藏焉先儒之說以为不然曰宣榭者宣王之庙也合此三說而观之窃意宣王中兴复防诸侯于东都因田猎而选车徒是知宣榭者宣王讲武之屋也后人思宣王之功烈即其榭而庙祀之歲时享祭乐器藏焉容有是理不曰庙而曰榭何也庙有屋榭无室故也

秋郯伯姬来归

鲁之内女适于他国者多矣常事不书其书于春秋者必其有故者也春秋之法妇人谓嫁曰归归寧曰来大归曰来归大归者弃于夫家而归于宗国不可以复反也若郯伯姬杞叔姬之类是也夫妇之义终身与齐谷虽异室死则同穴或相弃背防其妃耦此人伦之变也夫妇道失春秋交讥焉

冬大有年

春秋书饥书大饥一饥犹足以病民而况于大饥乎其书大者忧之甚也春秋书有年书大有年有年已足为斯民喜而况大有年乎其书大者喜之甚也

十有七年春王正月庚子许男锡我卒

丁未蔡侯申卒

夏 许昭公

蔡文公

六月癸卯日有食之

己未公防晋侯卫侯曹伯邾子同盟于断道秋公至自防

向也同盟之礼诸侯犹有所憚而不敢数行其后大夫亦得而行之至是不复为重矣是盟也以讨贰为辞正为郤克报怨尔何至重烦诸侯为是大盟乎

冬十有一月壬午公弟叔肸卒

十有八年春晋侯卫世子臧伐齐

晋郤克请于晋侯欲伐齐以报怨晋侯勿许亦可嘉矣已而盟于断道齐人请盟而不得与遂



有伐齐之师则是晋侯执德不坚交邻不固卒夺于郤克之私而不能自制也同盟者五国卫侯独使世子伋于晋伐齐自非大不得已何至遣其世子从伐乎既与齐侯盟后二年复有鞌之战故君子于晋侯伐齐之事有憾焉

公伐杞

夏四月

秋七月邾人戕鄆子于鄆

读春秋至于邾鄆之事未尝不为之悲伤忿恨也向也邾人尝用鄆子于次睢之社此人理之所无者一时之人不以为怪今也复戕鄆子于鄆亲至人国戕人之君春秋以来亦无是事也鄆夏余也列于诸侯有社稷有民人何乃俛首受制于邾若此凡为鄆之臣子与邾有不共戴天之讎縱不能报之于前当其戕鄆子之时独无一人出死力以卫其君者人伦天理于是絕矣是时晋主夏盟于邾鄆之事略而不问乌得无罪哉

甲戌楚子旅卒

公孙归父如晋冬十月壬戌公薨于路寝归父还自晋至笙遂奔齐

仲遂有德于宣公而获罪于鲁国当宣公时其子归父用事于鲁其所以纳交于齐晋者非不至也一旦宣公卒其家被遣归父仓皇奔齐盖人理之当然而天道之必复者也春秋于文公末年书公子遂如齐于宣公末年书公子归父奔齐比事而观亦可见天理之不僭矣

成公

元年春王正月公即位

子承父统国无内难行即位之礼故以公即位书于春秋

二月辛酉 我君宣公

无冰

三月作丘甲

先王之制九夫为井四井为邑四邑为邱四邱为甸甸出长轂一乘甲士三人步卒七十二人盖四邑为邱每一邱为一百二十八家【按永乐大典误作一百四十二家今改正】四邱为甸每甸合计五百一十二家古者使一甸之家共出甲士三人步卒七十二人今成公作邱甲

始令一邱之人各出甲士一人步卒二十四人比于古制增三分之一矣先王藏兵于民合五百一十二家总步卒甲士共不过七十五人尔不敢穷民力也今无故而增三分之一是三旬而增一乘矣成公即位之初德政未闻而骤变古制轻用民力于公室实无所补徒为三家异日作三军之地尔春秋特书作者着其作俑之罪也

夏臧孙许及晋侯盟于赤棘

齐未尝得罪于鲁也归父如晋谋去三桓齐何与焉归父奔齐齐人受之亦人情之常尔何至骤与齐怨谋伐其国惧有齐难先作邱甲闻齐欲出师亟与晋盟若此扰扰也重卿不行而仅使臧孙许往盟霸主几于失礼矣亦赖晋侯急于伐齐俯徇臧孙之盟不然滋益罪矣

秋王师败绩于茅戎

按左氏刘康公徼戎而伐之遂败于徐吾氏不言伐者不以王师敌戎也不曰戎败王师而曰王师败绩于茅戎者王师无敌谁得而败之若曰王师自败云尔戎伐凡伯而不言戎执王师败绩而不曰戎败尊王室也

冬十月

二年春齐侯伐我北鄙

宣公在位十八年与齐为好至亲且密齐鲁未尝有疆场之争故其民亦少安成公即位首与齐为仇断道赤棘之盟将谋伐齐【按断道之盟宣公未薨戴氏误也】齐安得不为自救之计伐我北鄙抑鲁有以自取之也首开兵端民何罪焉

夏四月丙戌卫孙良夫帅师及齐师战于新筑卫师败绩

伐齐之役卫世子臧实与晋侯偕行齐未有以报卫也卫孙良夫复帅师以侵齐道与齐师遇诸大夫欲还良夫不可一战而败良夫之罪也春秋书卫孙良夫帅师及齐师战以良夫主乎是战也

六月癸酉季孙行父臧孙许叔孙侨如公孙婴齐帅师防晋郤克卫孙良夫曹公子首及齐侯战于鞌齐师败绩秋七月齐侯使国佐如师己酉及国佐盟于袁娄易曰长子帅师弟子舆尸贞凶盖用兵者必有主帅示权有所一也故春秋书帅师必以主帅书今也鞌之战四大夫并书前此春秋无是事也春秋书四大夫继之以帅师又继之以防晋郤克而后继之以及齐侯战其罪鲁之辞比诸列国尤严焉晋郤克懷一笑之怨卫孙良夫惩一败之辱鲁四大夫不爱其力迫齐侯而败之自鞌至于袁娄追奔五百里诸大夫可谓志得意满矣齐国佐如师固将以求盟也春秋不书曰国佐来盟而书曰及国佐盟见诸大夫汲汲于是盟而非国佐之所急也郤克欲以萧同叔子为质而使齐之封内尽东其畝其暴横无理若此齐国佐抗辞以对揖

而去之郤克方眚鲁卫之大夫使为齐请彼亦自知其非而歉然于中乎然则是盟也诸大夫之所欲也春秋即其情而书之恶大夫之専犹存君臣之义也

八月壬午宋公鲍卒

庚寅卫侯速卒

取汶阳田

齐师既败反鲁卫之侵地则汶阳之田固鲁之旧也不书曰复归而曰取何也得之不以其道故也连兵伐人迫而取之其与夺人之地何异春秋于诸侯归田之事其以公义归者则曰来归若郟讙 陰田是也其以私情归者则曰归我若济西田是也夺而得之者曰取若汶阳之田是也一字之辨而取予明疆理正矣

冬楚师郑师侵卫十有一月公防楚公子婴齐于蜀丙申公及楚人秦人宋人陈人卫人郑人齐人曹人邾人薛人鄆人盟于蜀

前公孙归父防楚子于宋祖僖公之故智也今成公防楚公子婴齐于蜀袭归父之故事也盖楚人有伐鲁之意于是鲁之君大夫先往防之以求自免故鲁在列国中不被楚兵由此故也自后襄昭皆朝于楚鲁之卑辱有自来矣公既防婴齐于蜀列国之大夫效尤皆至是以有蜀之盟春秋书公及者见是盟出于公之志继以楚人书于列国之上者见楚之主乎是盟也楚人者婴齐也不曰婴齐而曰楚人不予荆蛮之主盟也列国之大夫皆称人贬之也前书公防次书公及前书防于蜀次书盟于蜀辞繁而不杀者荆蛮之大夫主中国之盟防自此始故春秋特重其事详而志之虽欲为讳不可得也

三年春王正月公防晋侯宋公卫侯曹伯伐郑

郑人徙楚伐晋败晋于邲已而徙楚师侵卫与公子婴齐盟于蜀今晋侯帅诸侯以伐郑郑有余罪矣然使晋侯自反修桓文之业则郑决不至此其所以使郑至此者是谁之咎欤

辛亥 卫穆公

二月公至自伐郑

甲子新宫灾三日哭

公羊曰宣宫则曷为谓之新宫不忍言也谷梁曰迫近不敢称諡恭也按文公二年书作僖公主又书跻僖公则既 而后举諡春秋之法也今宣公之防三年矣不曰宣宫而曰新宫见当时之不忍称犹以新宫目之春秋因其名而书之非成公不敢称諡也

乙亥 宋文公

夏公如晋

左氏曰夏公如晋拜汶阳之田取田于齐拜赐于晋则予夺之权制于人矣数年之后晋侯使韩穿来言汶阳归之于齐鲁人拱手听命不敢违焉因人以为彊弱者亦可鉴矣

郑公子去疾帅师伐许

左氏曰许恃楚而不事郑郑子良伐许甚矣郑人之不度德也郑方得罪于中国晋帅诸侯以伐之郑当恐惧谢罪顾以许不事已遽至兴师去疾之役将尊师众犹以为未足也至冬复伐许春秋遂從而狄之不称人者恶之深也

公至自晋

秋叔孙侨如帅师围棘

汶阳之田鲁故地也齐人夺而有之一旦复归于鲁则汶阳之遗民宜懷其旧主翕然听命何至有不服之心耶昔者周襄王以阳樊温原攢茅之田赐晋文公阳樊不服围之苍葛呼曰德以柔中国刑以畏四夷宜吾不敢服也夫以天子赐诸侯之地而其民犹有不服者今汶阳之田以干戈取之其义已不足以服人矣况鲁有苛政税畝创于前邱甲继于后民将携持而去之安能懷其旧哉

大雩

晋郤克卫孙良夫伐麇咎如

冬十有一月晋侯使荀庚来聘卫侯使孙良夫来聘丙午及荀庚盟丁未及孙良夫盟

二国同时聘鲁皆有寻盟之请春秋不以来盟书者非前定之盟因聘而寻旧盟也以二大夫同时而聘同时而盟未害也鲁方尊晋待其大夫不敢与列国齿丙午盟晋丁未盟卫事大之义固得之矣以君而与大夫盟无乃甚自卑乎不书公及者避其名也

郑伐许

四年春宋公使华元来聘

去年晋与卫二国同时聘鲁今兹宋华元来聘鲁之交邻有道矣然公亲如晋报荀庚之聘明年仲孙蔑报聘于宋独于卫无报焉岂非畏晋而卑卫耶

三月壬申郑伯坚卒

杞伯来朝

左氏曰杞伯来朝归叔姬故也文公之时杞桓公来朝请絶叔姬今杞共公来朝请归叔姬父子两世皆昏于鲁叔姬二人皆絶于杞明年杞叔姬来归已而杞叔姬卒春秋悉书之以杞事观之杞桓公请絶叔姬而无絶昏杞共公逆叔姬之防以归则杞之父子固未尝得罪于鲁叔姬之不贤固自有以取之尔【按杜预释例云杞桓公以僖二十三年即位襄六年卒凡在位七十一年今考僖二十三年经书杞子卒左氏以为杞成公襄公六年轻书 杞桓公又僖二十七年左氏有杞桓公来朝之文足为杞桓在位七十一年之证先儒谓杞共公生惠公惠公生成公及桓公而史记陈杞世家谓共公卒子德公立德公卒子桓公立中脱成公一代非也要之共公为桓公祖灼然无疑又僖三十一年经书杞伯姬来求妇盖子叔姬始归杞桓也文十二年杞伯来朝子叔姬卒左氏曰杞桓公请絶叔姬而无絶昏杜氏注云谓立其娣为夫人孔颖达正义曰文成之世经书叔姬二人皆杞桓夫人也戴氏所释殊为疎舛】

夏四月甲寅臧孙许卒

公如晋

左氏曰晋侯见公不敬公至自晋欲求成于楚而叛晋鲁之事晋非不勤也一礼之不答遽有叛晋之心頼季文子之言而止不然所防多矣舍中国而事外裔安保外裔之不吾慢也有如楚人不敬公其将何之使成公移事晋之心事周得之矣

郑襄公

秋公至自晋

冬城郛

郛有二其一曰东郛其一曰西郛西郛鲁邑也东郛莒邑鲁之所争者也今兹城郛盖西郛也定公之时齐人尝归郛讙 陰之田杜氏以为此三邑者汶阳之田也鲁既得汶阳之后故城郛以为固尔杜氏谓欲叛晋而城郛者非也

郑伯伐许

去年郑伐许不书人今兹郑复伐许书曰郑伯何也郑襄公新卒未逾年而郑悼公伐许特不过争许田而已其甚也与许男亲讼于楚其自卑辱若此不明言郑伯将无以着其罪矣

五年春王正月杞叔姬来归

仲孙蔑如宋

夏叔孙侨如防晋荀首于谷

左氏曰荀首如齐逆女宣伯餽诸谷若此则叔孙侨如之私行也经何以书鲁畏晋故其大夫逆女非以公事行也而侨如馈之其诸奉命而往欤春秋书之用见鲁之不能自彊而区区求悦于大国也

梁山崩

秋大水

冬十有一月己酉天王崩

十有二月己丑公防晋侯齐侯宋公卫侯郑伯曹伯邾子杞伯同盟于虫牢

郑之贰晋从矣一旦请成于晋晋所甚喜也故防诸侯以同盟举行盛礼以侈郑人之服晋景公于是有骄泰之心矣

六年春王正月公至自防

二月辛巳立武宫

左氏云季文子以鞶之功立武宫非礼也听于人以救其难不可以立武如左氏所言则武宫者犹邲之战潘党请于楚子欲筑武军之类是也公羊之說则不然曰武宫者武公之宫也杜预之注似以左氏之言为非其說曰鲁人以鞶之功至筑武军又作先君武公之宫以告成事诚如杜氏所言合武军武宫为一事春秋书法不应若是略也按明堂位曰鲁公之庙文世室也武公之庙武世室也盖鲁以文德归于鲁公谓之文世室犹汉人尊文帝为太宗也以武功归于武公谓之武世室犹汉人尊孝武为世宗也此二室者世世不毁然而武公之室至是十一世向者大室之屋壞书于春秋以伯禽之庙不修且壞而况武公之室亦毀壞仅存而已今鲁人以鞶之胜归功于武公故即武宫而一新之所以昭武功也其曰立者毀旧而复新也诚武公之庙不当毀耶则鲁之子孙固当世祀之其当毀耶则不应因武功之故而复立若是不亦诬乎昭公十五年有事于武宫左氏曰禘于武公夫五年一禘当在大庙不应在武公之宫不然则禘者春祭之名也时祭于羣公之庙而别有祀于武宫乎是又未可知也

取鄆

取根牟取鄆取郛公羊皆以为邾娄之邑非也此三者皆微国也鲁兼而有之邾娄何与焉孟子曰周公之封于鲁为方百里也今鲁方百里者五子以为有王者作则鲁在所损乎在所益

乎由此观之则鲁之兼国也多矣

卫孙良夫帅师侵宋

夏六月邾子来朝

公孙婴齐如晋

壬申郑伯费卒

秋仲孙蔑叔孙侨如帅师侵宋

楚公子婴齐帅师伐郑

冬季孙行父如晋

一年之间鲁之大夫两至于晋岂非以得汶阳田之故瀆礼以媚晋耶明年晋侯使韩穿来言汶阳之田归之于齐初不以鲁之媚已而为之轻重然则以非礼悦人者果何益哉

晋栾书帅师救郑

按左氏栾书救郑楚师遂还晋师因而侵蔡楚师救之晋之诸将欲战栾书不欲全师而归是时晋人成师而出栾书之佐十一人其不欲战者三人而已栾书能信用善言晋无亡矢遗镞之费而卒收救郑之功此主将善御下者也春秋之书救善辞也若栾书救郑抑又甚善矣楚势日彊有帅师之卿矣郑之去就关系夷夏之重轻其往来晋楚急则穷猿之投林缓则饱鹰之飏去情盖叵测也然自防扈之后去晋二十五年而后同虫牢之盟既来之则安之不容逆计后日之复叛此所以方伐而随救也晋楚遇于绕角楚师还晋师遂侵蔡楚救蔡栾书亦以师还而侵蔡救蔡不书所以全晋人恤邻救难卫中国之义

七年春王正月鼯鼠食郊牛角改卜牛鼯鼠又食其角乃免牛

谷梁曰不言日急辞也过有司也郊牛日展觚角而知伤展道尽矣其所以备灾之道不尽也改卜牛鼯鼠又食其角又有继之辞也其缓辞也曰亡乎人矣非人之所能也所以免有司之过也乃免牛乃者亡乎人之辞也鲁郊非礼也圣人作春秋讥之则不可胜讥故因不郊而致意焉屡卜不徙犹有卜筮也灾牛之伤犹有天道也圣人幸之曷敢过有司哉

呉伐郯

郯中国也故季文子曰中国不振旅蛮夷入伐而莫之或恤然而夫子尝问官名于郯子其辞

曰天子失官学在四夷犹信则郟固夷也帝王之旧典礼经郟能识之岂纯乎夷哉荆之始见也入蔡呉之始见也伐郟中国莫之问故駸駸焉交乱中国圣人狄之于始其严矣哉

夏五月曹伯来朝

不郊犹三望

秋楚公子婴齐帅师伐郑公防晋侯齐侯宋公卫侯曹伯莒子邾子杞伯救郑八月戊辰同盟于马陵公至自防

楚再伐郑晋再救郑晋侯为之大防诸侯而郑人亦能囚楚之郕公钟仪以献于晋其势可以有为矣曾未能得楚之要领而遽为马陵之盟有骄大之意君子是以知其终无能为也

呉入州来

曷为不系之楚州来故蛮也楚人取以为邑故名徙其旧呉楚之争自入州来始春秋谨而书之所以志呉楚盛衰所由始也

冬大雩

卫孙林父出奔晋

八年春晋侯使韩穿来言汶阳之田归之于齐

晋韩宣子求环郑商子产弗与曰是晋之县鄙也何国之为盖维持其国者固自有纪纲不如是不足以为国矣汶阳之田固因晋而得之然鲁之旧也亦既归于鲁矣七年之间一予一夺惟晋是听无乃不足以为国乎设使晋侯念齐侯不饮酒食肉之故欲复反其地犹当使韩穿来聘谋之于鲁使鲁人得以自归之犹可诿也一旦遽使韩穿来言归之于齐是令之而已尔鲁人不敢违命拱手归之季文子虽有私言果何益哉春秋书此虽以见晋人予夺之不常然亦以着鲁之君臣不能以自立也

晋栾书帅师侵蔡

前年晋栾书救郑因而伐蔡楚师救之不战而还晋未得志故再伐蔡陈郑蔡三国迫于彊楚乍服乍贰非其罪也善察天下之势者当先用力于楚若楚以兵威临之则此三国迫于彊令亦势所必至安保其不贰乎苟不知此则虽救陈救郑救蔡皆不足以为恩而伐陈伐郑伐蔡皆不足以为威也

公孙婴齐如莒



宋公使华元来聘夏宋公使公孙寿来纳币

谷梁曰以伯姬之不得其所故尽其事也春秋书嫁女亦多矣独伯姬之事为最详其贤伯姬可知也内女之不得其所亦多矣贤伯姬而録之非谓其得所与不得所也男女人道之本也内女贤而详録之以示人道也

晋杀其大夫赵同赵括

秋七月天子使召伯来赐公命

文公即位之初天王尝使毛伯来锡公命至是成公之时天子复使召伯来赐公命鲁十二公独文成二君身受王命文公拜命之后犹能遣叔孙得臣如京师成公无是也后四年因防伐秦道过京师息汗马之劳尔臣子之礼有愧多矣然文公书天王此书天子文公书锡命此书赐命何也曲礼曰君天下曰天子临诸侯畛于鬼神曰有天王某甫则天王之与天子固不当混一称也始曰天王犹有临诸侯之义焉终曰天子姑息之意不足以临诸侯矣王制曰制三公一命卷若有加则赐也不过九命盖王之三公八命特赐可加一等不过九命是出于天子之特恩也春秋之书赐命其亦若是乎此其所以为异也

冬十月癸卯杞叔姬卒

晋侯使士燮来聘叔孙侨如防晋士燮齐人邾人伐郯左氏曰晋士燮来聘言伐郯也去年呉伐郯中国不能救郯小国也力不能支而求成于呉非得已也晋为霸主不能用力治呉以絶其陵暴之渐顾乃亟谋加师于郯是徒利郯之易虐尔岂有补于中国之大计哉

卫人来媵

九年春王正月杞伯来逆叔姬之防以归

公防晋侯齐侯宋公卫侯郑伯曹伯莒子杞伯同盟于蒲公至自防

晋景公嗣霸不务脩德数勤诸侯相与同盟一曰断道二曰虫牢三曰马陵四曰蒲皆同盟也同盟天子之礼诸侯僭用天子之礼一之谓甚而况率以为常乎蒲之盟诚非急务正以归汶阳之故诸侯贰晋尔季文子谓范文子曰德则不竞寻盟何为则是盟也果足以服诸侯哉

二月伯姬归于宋夏季孙行父如宋致女晋人来媵伯姬既归于宋行父如宋致女説者谓致勅戒之言于女也伯姬之贤闻于诸侯故三国来媵鲁岂不知既嫁之后犹使人致勅戒之语耶盖伯姬之贤鲁人尊之故専使上卿致女所以抚问其已至非嫁女之常礼也

秋七月丙子齐侯无野卒

晋人执郑伯晋栾书帅师伐郑

左氏曰郑伯如晋晋人讨其贰于楚也执诸铜鞮明年五月郑伯归谷梁曰不言战以郑伯也今春秋所书其一不言郑伯如晋而被执其二不言栾书以郑伯伐郑其三不言郑伯归何也执之非其道伐之非其正归之非其义也

冬十有一月 齐顷公

楚公子婴齐帅师伐莒庚申莒溃楚人入郕

左氏曰冬十一月楚子重伐莒围渠邱渠邱城恶众溃奔莒戊申楚入渠邱遂围莒莒城亦恶庚申莒溃楚遂入郕按如左氏之言楚克莒三都然而渠邱之溃春秋不书入郕之事再书楚人何也渠邱非莒都不足乎言也莒鲁争郕为日久矣书楚人入郕若异事然言郕非莒得有也

秦人白狄伐晋

晋尝与白狄伐秦秦亦与白狄伐晋白狄反覆无常惟利是视不足罪也晋可愧矣

郑人围许

左氏曰示晋不急君也公孙申之谋于是为不韪矣昔秦伯获晋侯晋大夫反首茺舍以從之秦伯卒归晋侯岂有其君被执外示不急之意兴师以伐人者有如激晋侯之怒其不重为君累者鲜矣

城中城

春秋书城中城者二其一在定公六年杜氏以为中城鲁之外邑谷梁之說则不然曰非外民也又曰三家张也其意以为鲁有中城有外城成公修中城以自固委外城之民而不恤也定公之时三家益张故定公再城中城为自固之谋二說未知孰是以春秋再书城中城观之知其为鲁之内城非外邑之城也

十年春卫侯之弟黑背帅师侵郑

凡春秋书兄弟帅师聘问甚至于刑戮者虽恩怨不同均之为私也皆讥之

夏四月五卜郊不从乃不郊

春秋书郊有书免牛者有书免牲者有书不郊者盖卜郊不吉或郊牛有伤故卜免牛吉则免

之不吉则不免其免者有司元端送之南郊其不免者系而待来年再免牲然后左右之免牲亦然或曰免牛或曰免牲何也牛卜日曰牲未卜日曰牛其伤者亦曰牛其名不同其卜免之礼则一也既卜免矣宜乎其不郊也故春秋之法惟不免牲者书不郊既已免牲矣则不书不郊独成公七年书免牲矣复书不郊春既免牲夏复三望中间异事故复申言之也

五月公防晋侯齐侯宋公卫侯曹伯伐郑

按左氏此晋太子州蒲也晋景公有疾立太子为君使防诸侯故称晋侯夫父在而子代從政春秋犹讥之况无王命父在而使为诸侯乎春秋讥齐世子光犹恶其父在而处乎诸侯之上况于防诸侯乎春秋正名之书也其必不然矣前书晋侯伐郑后书晋侯孺卒其为景公明矣

齐人来媵

春秋经世之书也媵浅事也得书于春秋盖二南王化之基也媵遇劳而无怨诗人美焉圣人不删也伯姬之贤三国来媵推而大之王化之基也春秋岂得而略之

丙午晋侯孺卒

秋七月公如晋

冬十月

十有一年春王三月公至自晋晋侯使郤犇来聘己丑及郤犇盟

左氏曰十一年春王三月公至自晋晋侯以公为贰于楚故止公公请受盟而后使归郤犇来聘且涖盟如左氏之言公请受盟于晋晋侯不肯与公盟公既反国晋使郤犇来盟是卑公也当文公之二年公如晋晋人使阳处父盟公以耻之春秋为公讳不书如晋今春秋不书郤犇来盟先书来聘次书及盟是晋犹有礼于鲁春秋得以避请盟之事而为鲁讳也

夏季孙行父如晋

按左氏季文子如晋报聘且涖盟也审如是春秋不书涖盟何也两君相见不自为盟而各遣其臣以盟其君尊卑紊乱莫此为甚前书来聘而不言来盟后书如晋而不言涖盟畧之者恶之也

秋叔孙侨如如齐

鞌之战齐人返我汶阳之田而晋使韩穿来言归田于齐齐未尝遣使至鲁是德晋而怨鲁也今也侨如修好未几而求昏齐卒无报聘之使然则鲁为齐弱久矣

冬十月

十有二年春周公出奔晋

春秋之法为尊者讳今周公出奔曷为以出奔言之为天子之三公外通于四海而至于出奔尊之义微矣故直书之言失其所以为尊也

夏公防晋侯卫侯于 泽

宋华元克合晋楚之成故防于 泽夫晋楚之成非细事也实始于 泽曷为三国同防见晋之得诸侯也狭所与谋者二国而已

秋晋人败狄于交刚

春秋之时戎患轻狄患重齐霸之盛狄方为患桓公不能治也晋霸之衰狄人微弱晋乃能屡胜之春秋于晋败狄之事纖悉备书幸中国之犹能自彊也

冬十月

十有三年春晋侯使郤锜来乞师

三月公如京师夏五月公自京师遂防晋侯齐侯宋公卫侯郑伯曹伯邾人滕人伐秦曹伯卢卒于师秋七月公至自伐秦

左氏曰公及诸侯朝王遂從刘康公成肃公防晋侯伐秦由左氏之言则公尝朝王矣不曰朝而曰如春秋原情之辞也公无朝王之心道过京师不得已而行朝王之礼用见天理之在人心者不可泯也春秋推见至隱书公如京师纪其实而不序其名书公自京师见京师之尊而诸侯之不得專也书公至自伐秦见初心之所存而终事之不可掩也春秋于君臣之际其严矣哉

冬 曹宣公

十有四年春王正月莒子朱卒

夏卫孙林父自晋归于卫

卫侯如晋晋侯彊见孙林父定公不可既归晋使郤犇送孙林父而见之则是晋人得以制卫大夫出入之权也其可乎书自晋晋与有罪焉

秋叔孙侨如如齐逆女

郑公子喜帅师伐许

九月侨如以夫人妇姜氏至自齐

左氏曰称族尊君命也舍族尊夫人也谷梁曰侨如之挈由上致之也左氏之辞深不如谷梁之义正也春秋之法已书族者一事不再见独公子遂防雒戎盟于暴再书公子遂严华夷之辨也今以称族为尊君命是远有所伸也舍族为尊夫人是近有所降也其辞深矣恐春秋纪事之法不若是也

冬十月庚寅卫侯臧卒

秦伯卒

十有五年春王二月 卫定公

三月乙巳仲婴齐卒

癸丑公防晋侯卫侯郑伯曹伯宋世子成齐国佐邾人同盟于戚晋侯执曹伯归于京师公至自防

左氏曰防于戚讨曹成公也左氏之言过矣天子讨而不伐诸侯伐而不讨其曰讨曹成公过矣曹伯自立岂得为无罪执曹伯称晋侯非谓曹之无罪也恶晋侯之自尊也同盟于戚其事尊矣犹知归于京师用见天理之在人心者不可泯也

夏六月宋公固卒

楚子伐郑

秋八月庚辰 宋共公宋华元出奔晋宋华元自晋归于宋

华元出奔晋鱼石自止华元于河上华元乃反则是华元奔未出境也元未尝至晋晋未尝纳元春秋安得以奔晋自晋书之嗟夫此华元之意也元克合晋楚之成尝有功于晋故挟晋以为重其奔也声言出奔晋其入也声言晋纳之以此令于国人告于诸侯春秋因其告而书之着其志也

宋杀其大夫山宋鱼石出奔楚

冬十有一月叔孙侨如防晋士燮齐高无咎宋华元卫孙林父郑公子防邾人防呉于钟离

公羊曰曷为殊防呉外呉也谷梁曰防又防外之也春秋信其为内诸夏外外裔也楚之始防也曷为其不外楚且既已内呉矣不宜复外也曷为戚不殊防而粗复殊防也是以知春秋非有意于外外裔也因其可外而外之尔虽然秦楚呉越由内而黜者也故进于中国则中国之

许迁于叶

春秋之时许迁国最数亦既亡复存春秋之末许国尚列于春秋亦见其居疆国之间委曲迁就以求苟免至于此也其亦可哀也已

十有六年春王正月雨木冰

寒凝者雨欲下而为霰今雨而木冰是寒之甚也非异也物不常有而骤有之谓异事不当然而偶然之谓灾故陨霜杀菽志寒也李梅实志燠也观于万物之变而雨 寒燠之变定矣

夏四月辛未滕子卒

郑公子喜帅师侵宋

按左氏滕文公卒郑子罕伐宋滕宋之与国也郑因滕之防而伐宋宋人败郑沟陂郑复败宋沟陵春秋以侵书不言两败恶郑之乘防不与宋之恃胜也

六月丙寅朔日有食之

晋侯使栾黶来乞师甲午晦晋侯及楚子郑伯战于鄢陵楚子郑师败绩楚杀其大夫公子侧

鄢陵之战与城濮同功然厉公所以异于文公者一胜之后无以居之观沙随之不见公季孙行父之见执而厉公之志骄矣观郤锜郤犇与栾书之事而晋之祸惨矣然则非有功之难而保有其功者为难乎

秋公防晋侯齐侯卫侯宋华元邾人于沙随不见公公至自防

春秋之法为尊者讳耻公防卫侯于桃邱弗遇者公弗与之遇也同盟于平邱公不与盟者公弗与于此盟也今而曰不见公不见在诸侯如其书弗及盟然何也厉公无道政在大夫信人臣之防而踈其君春秋以为不耻也前书公防后书公至若已成事而反者此春秋抑疆扶弱之义也当其时晋侯不见公春秋不书晋侯若诸侯之不见然莫适为主与齐侯弗及盟书法不同者此又圣人为君父隱之道也

## 公防尹子晋侯齐国佐邾人伐郑

左氏曰公防尹武公及诸侯伐郑春秋称尹子者时未为公曰武公追称也尹氏世为周卿士当春秋之初年尝书尹氏卒末又书尹氏召伯毛伯以王子朝奔楚书尹氏于二伯之上则尹氏世固为公矣观诗与春秋所载见尹氏之専政于周也甚矣

## 曹伯归自京师

春秋书曹伯襄复归于曹也襄称名归称国今负刍不名直言自京师何也襄之归出于晋负刍之归出于天子故也晋文公执卫侯郑也归之于京师卫侯之归王许之曷为书曰卫侯郑归于卫卫侯郑之被执也纳玉于王与晋侯皆十防王许之其归也以利而不以义故春秋以卫侯自归为文负刍之入也公子喜时内平其国而待之外治诸京师而免之其归也以公而不以私故春秋以归自京师书之春秋之尊京师也至矣书自某归于某则纳与不纳未可知也书归自京师则通行而无所阻矣此天子无外之义也

## 九月晋人执季孙行父舍之于莒丘

公羊曰执未有言舍之者此其言舍之何仁之也曰在招邱恹矣谷梁曰执者不舍而舍公所也春秋明大法不循私恩使行父有罪而可执其罪在行父使行父无罪而被执其罪在晋人春秋其不以私恩仁行父也必矣曰在招邱恹矣此昵昵为之私言也由左氏之言公还待于郚不曰公在莒邱如使公而在莒邱也则与行父并执也其不然明矣执未有言舍者此其言舍何执之于国都或执之于防而归其国春秋不得而书也执而舍之是置之其地也比于执则尤甚矣春秋安得而不备书之行父曷为不言至自晋公在防而未返其国也行父已免矣先书行父及郤犇盟次书公至自防见公之待行父也明矣

## 冬十月乙亥叔孙侨如出奔齐十有二月乙丑季孙行父及晋郤犇盟于扈公至自防乙酉刺公子偃

春秋书刺公子买也先书公子买不卒戍之罪次言刺见买之有罪也今不言其罪而直书其刺然则偃果无罪乎非也沙随之不见季孙之被执鲁之耻大矣次书侨如之出行父之盟公之至公子偃之刺则侨如公子偃之罪不可逃矣此又春秋比事之教也

## 十有七年春卫北宫括帅师侵郑

按左氏郑子驷侵晋卫北宫括救晋侵郑春秋何以不书郑侵晋卫救晋也以霸主而见侵于小国难其为言也以小国而侵小以为救不足乎 也

## 夏公防尹子单子晋侯齐侯宋公卫侯曹伯邾人伐郑六月乙酉同盟于柯陵秋公至自防

前此诸侯屈天子之卿而为防者有之矣而未有屈二卿者屈天子之卿而为盟者有之矣而未有同盟者厉公之志其骄而僭也甚矣柯陵诸侯同盟伐郑见厉公之无道诸侯离心盟以劫之也当悼公之霸也防诸侯伐郑同盟于亳城北其事与柯陵类春秋于柯陵也书曰公至自防于亳城北也书曰公至自伐郑從二君之志也厉公志欲服郑而自以为功悼公德能服郑而不敢为功春秋從其告至之意而书之柯陵先书致防后书致伐亳城北先书致伐后书致防始终之义定矣

齐高无咎出奔莒

九月辛丑用郊

公羊曰用者不宜用也或曰用然后郊谷梁曰用者不宜用也如公羊之說用然后郊若鲁人将有事于上帝必先有事于顓宫是也夫鲁之僭郊也从矣其僭也必先有事于顓宫不待今日用而后郊也大抵春秋于祭祀之礼多言用曰用牲用币是也不特春秋在书亦曰用牲于郊盖春秋之记鲁郊也皆因事而书率不出于春夏之间独九月最为不时鲁知九月之不当郊也而用常郊之礼以祭故曰用郊二 所谓不宜用者也

晋侯使荀防来乞师冬公防单子晋侯宋公卫侯曹伯齐人邾人伐郑十有一月公至自伐郑

壬申公孙婴齐卒于貍脤

公羊曰非此月日也曷为以此月日卒之待君命然后卒大夫谷梁曰十一月无壬申乃十月也致公而后録臣子之义也春秋固不以日月为训也然日月之差则亦不足以为信史也使十一月而无壬申春秋以十一月书焉则亦何以取信于来世春秋固以日月志大夫之卒矣然而公子益师卒世遠不书日春秋不得而彊增也使春秋致公而録嬰齐之卒也其不必书壬申可也取非其日而系之其月之下是天时可得而变也春秋其不然明矣昔者陈侯鲍之卒也书甲戌己丑 者曰甲戌之日死己丑之日赴使嬰齐以十月壬申卒也十一月公至之日而命之为大夫然后卒之独不用陈侯卒例乎然春秋书十二月丁巳朔则十一月果无壬申也其何以通之春秋信以传信疑以传疑旧史以壬申为十一月犹其为夏五也春秋岂得而改易之乎

十有二月丁巳朔日有食之

邾子貜且卒

晋杀其大夫卻錡卻犇卻至

楚人灭舒庸



羣舒叛楚楚人灭舒庸又灭舒鳩夷狄相攻何足以勒春秋之书而春秋备载焉盖楚之未通于中国也虽灭谷邓而不书于春秋及其從事于中国也聘问防盟侵伐攻取往往来告故灭舒庸灭舒鳩之类春秋备载焉亦可以见中外盛衰之故矣

十有八年春王正月晋杀其大夫胥童庚申晋弑其君州蒲

齐杀其大夫国佐

公如晋

夏楚子郑伯伐宋宋鱼石复入于彭城

左氏曰凡去其国国逆而立之曰入复其位曰复归诸侯纳之曰归以恶曰复入如左氏之說归为最善复入为最恶若公羊之說则不然复归者出有恶归无恶复入者出无恶入有恶入者出入恶归者出入无恶夫归与入不同归为顺为善入为逆为恶此不待辯而明也或言复归或言复入者何归为善矣而又言复归善之善者也入为恶矣而又言复入恶之恶者也鱼石挟夷狄之势入于国以叛何恶如之故曰复入

公至自晋晋侯使士匄来聘

左氏曰君子谓晋于是乎有礼周礼曰凡诸侯之邦交世相朝也悼公即位公往朝之悼未始至鲁其于周礼失相朝之义矣左氏犹以晋为有礼何也晋彊鲁弱久矣君朝而臣报则已为得礼何敢复望其相朝乎君子谓晋于是乎得春秋之礼矣

秋杞伯来朝八月邾子来朝

筑鹿囿

左氏曰书不时也公羊曰讥有囿矣又为也谷梁曰山林藪泽之利所以与民共也虞之非正也合三传之說成公之罪不可逃也不时一也泰侈二也夺民之利三也然犹有遗罪焉孟子曰臣闻郊关之内有囿方四十里杀其麋鹿者如杀人之罪筑囿以为鹿区此孟子所谓民以为阱者也其罪益甚矣

己丑公薨于路寝

冬楚人郑人侵宋

晋侯使士魴来乞师

十有二月仲孙蔑防晋侯宋公卫侯邾子齐崔杼同盟于虚朮

是盟也见晋急于图霸忘其国之防而又忘邻国之防也厉虽无道防未逾年鲁新有防犹未也孟献子请于诸侯而先归防 晋于是有愧矣

丁未 我君成公

# 春秋讲义卷三下

宋戴溪撰

襄公

元年春王正月公即位

仲孙蔑防晋栾黶宋华元卫甯殖曹人莒人邾人滕人薛人围宋彭城

鱼石之入也彭城不书宋诸侯之围彭城也复繫之宋何也虎牢郑地也诸侯夺而城之故不书郑言郑之不能有其地也戍郑虎牢复系之郑言诸侯不得有郑地复归之其主也彭城宋地也宋不能守而夺于楚故不得而书宋楚夷狄也夺中国之地而封其叛臣此岂得而有之书宋彭城复其旧也圣人删诗虽卫灭邶鄘犹不忘其故国而况于春秋乎

夏晋韩厥帅师伐郑仲孙蔑防齐崔杼曹人邾人 人次于鄆

按左氏晋韩厥帅诸侯之师伐郑于是东诸侯之师次于鄆以待晋师然则韩厥身自伐郑而诸侯不与焉亦见晋悼公图伯之初使大夫身亲其劳不敢勤诸侯之师若此宜其能成霸也

秋楚公子壬夫帅师侵宋

九月辛酉天王崩

邾子来朝

冬卫侯使公孙剡来聘晋侯使荀防来聘

左氏曰卫子叔晋知武子来聘礼也凡诸侯即位小国朝之大国聘焉继好结信谋事补阙礼之大者也歷考十二公即位之初朝防聘问讲于邻国者有之矣而邻国未有先来聘者独襄公为然盖晋悼图霸屈己以交诸侯当次鄆之役也晋侯卫侯实次于戚以为之援故谋而聘鲁此左氏所以特言其为礼也

二年春王正月葬简王

郑师伐宋

夏五月庚寅夫人姜氏薨

六月庚辰郑伯睪卒晋师宋师卫甯殖侵郑

春秋恶伐人之防故晋宋皆称师卫独何以书将谷梁曰卫侯速卒郑人侵之故特书甯殖明其能复怨也然则春秋许人复怨乎君父之讎臣子所当报也

秋七月仲孙蔑防晋荀防宋华元卫孙林父曹人邾人于戚

己丑葬我小君齐姜

叔孙豹如宋

冬仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢

左氏曰秋七月防于戚谋郑故也孟献子曰请城虎牢以偪郑知武子曰善冬复防于戚遂城虎牢郑人乃成公羊曰虎牢者何郑之邑也其言城之何取之也取之则曷为不言取之为中国讳也曷为为中国讳讳伐防也曷为不系乎郑为中国讳也大夫无遂事此其言遂何归恶于大夫也谷梁曰若言中国焉内郑也虎牢郑地也如左氏之言则晋尝取之矣如公羊之言则晋于今始取之也虎牢何以不言郑如公羊之言则以为讳伐防如谷梁之说则以为内郑郑人服罪故诸大夫为之城虎牢也以经意考之谷梁之说殆非公羊亦未免求之太过使郑人果服罪而诸大夫城之则他日何以复戍虎牢诸大夫实防于戚未尝伐郑春秋亦安得为中国讳盖诸侯连年伐郑侵逼虎牢其取之有渐矣属之郑耶则郑不能守已非其地矣属之晋耶则非晋所得有也举而归诸其公若莫适为主然此春秋谨分守正名实之意也昔者桓文之霸郑尝不服矣未至于城险以逼之出此下防悼霸衰矣不特此也齐桓经营霸业虽不敢勤诸侯而率以身亲之悼公以图郑之功付之诸大夫益见其不逮矣

楚杀其大夫公子申

三年春楚公子婴齐帅师伐吴

按左氏楚子重伐吴克鸠兹至于衡山使邓廖侵吴吴人要而击之获邓廖吴人伐楚取驾由左氏言之吴楚交相伐迭为胜负楚人之失为多春秋何以不书吴伐楚楚人告命行于中国从吴方自通于上国告命之不及春秋不得而书也

公如晋夏四月壬戌公及晋侯盟于长檣公至自晋襄公年在防冲往朝于晋悼公喜于亲鲁出盟公于外前此公之朝晋盟于国有之矣未闻其在外也用见悼公图霸之谋急于得鲁若此也

六月公防单子晋侯宋公卫侯郑伯莒子邾子齐世子光己未同盟于鸡泽陈侯使袁侨如防戊寅叔孙豹及诸侯之大夫及陈袁侨盟秋公至自防

是盟也见悼公急于得郑幸郑人之乍服不暇论其情伪而亟为是盟也上连单子以为同盟而又欲援引吴人以为夸当桓文之图霸也亦既劳矣悼欲成功于三年之间宜乎未久而郑复叛也昔者践土之盟陈侯如防今者袁侨实来文之霸不及桓悼之霸不及文益下益衰矣悼公不特急于得郑也亦急于得陈袁侨之来已出望表况敢望其君之至乎诸侯既盟复使大夫盟之惧无以结陈人之心不惮烦瀆以懷来者悼之志迫矣文之霸也其君如防而不与之盟悼之霸也大夫如防而汲汲然盟之其功业之相去甚遠春秋书诸侯之大夫及陈袁侨盟及以及外之也若曰吾中国之诸侯久于从夷今兹来防其君不至而大夫实来是未可内也公谷皆以为与袁侨也非矣袁侨未足与也

冬晋荀防帅师伐许

昔者齐桓之霸也召陵之师许男在焉实卒于师他日许尝与防楚人围许诸侯救之亦由许之能自彊而桓公粗足以服许也晋文既为温之防移诸侯之师以围许晋悼复霸修文故事鸡泽既盟仅遣荀防以伐许用见晋文之德不及齐桓而悼公图霸之谋其苟简于文也多矣

四年春王三月己酉陈侯午卒

夏叔孙豹如晋

秋七月戊子夫人嬖氏薨

葬陈成公

八月辛亥葬我小君定嬖

冬公如晋

陈人围顿

五年春公至自晋

夏郑伯使公子 来聘

叔孙豹鄆世子巫如晋

仲孙蔑卫孙林父防吴于善道

秋大雩

楚杀其大夫公子壬夫

公防晋侯宋公陈侯卫侯郑伯曹伯莒子邾子滕子薛伯齐世子光吴人鄫人于戚公至自防

冬戍陈

公羊曰孰戍之诸侯戍之曷为不言诸侯戍之离至不可得而序故言我也谷梁曰内辞也城戍中国类非鲁所自为诸侯皆与焉而春秋书城戍者多独书鲁非掠美以専功也诸侯受命于霸主各共乃事不相告命春秋不得而悉书也公羊言离至者是谷梁言内辞者非【按杜预左传注云诸侯在戚受命各还国遣戍不相告命故独书鲁与公羊合】

楚公子贞帅师伐陈公防晋侯宋公卫侯郑伯曹伯齐世子光救陈十有二月公至自救陈

书戍陈于前书救陈于后见戍陈初无所益而徒劳诸侯之师也桓文之霸皆尝得陈楚不敢争悼公之霸陈仅服耳而不免被兵诸侯之师既戍之矣犹不免于救此可以见晋悼之霸不及桓文远矣

辛未季孙行父卒

六年春王三月壬午杞伯姑容卒

夏宋华弱来奔

秋葬 桓公

滕子来朝

莒人灭鄫

穀梁曰立异姓以莅祭祀灭亡之道也据左氏言之则莒固亡鄫矣非立异姓也二传之说未知其孰是然以春秋考之鄫请属于鲁则鄫人之势迫矣莒既灭鄫季孙宿如晋见鲁之不能救鄫也邾莒二国与鄫为仇昔者邾人执戕鄫子矣今莒人灭鄫势所必至也嗟夫王政不行彊弱相虐亦已甚矣鄫为一国之君邾人执而用之如牺牲然尚为有人道乎他日又戕而杀之有人心者宜于此焉变矣诸侯晏然不问至于莒人灭鄫晋不能恤反贻责于鲁苟为诸侯者皆不免于罪况于霸主乎以莒而敢于灭鄫在晋而不敢问莒然则以齐而灭莱晋人其敢问齐乎此圣人之所伤也

冬叔孙豹如邾

季孙宿如晋

十有二月齐侯灭莱

七年春邾子来朝

夏四月三卜郊不从乃免牲

按左氏孟献子曰吾乃今而后知有卜筮夫郊祀后稷以祈农事也是故启蛰而郊郊而后耕今既耕而卜郊宜其不从也夫卜而后郊郊而后耕此天子祈谷之礼也鲁岂得而用之使卜筮而有知凡鲁之郊无一卜之可从岂特数四而已哉然后知鲁卜筮之无知也

小邾子来朝

城费

前卜郊而不从则无以祈谷也后八月螽则无禾矣中间城费见大夫之强而不恤民力如此也凡春秋书城筑之事比文观之其罪不可逃矣庄公筑台而书不雨新延廐而书有蜚僖公作南门而书西宫灾文公城诸及郚而书正月不雨若此类皆是也

秋季孙宿如卫

八月螽

冬十月卫侯使孙林父来聘壬戌及孙林父盟

前者季孙宿如卫卫未尝盟宿今者卫孙林父来聘鲁何以盟林父左氏曰季武子如卫报子叔之聘且辞缓报非贰也按子叔之聘在元年及今而始报鲁有歉于心矣宿之聘卫未移时而林父复来鲁且愧且德故汲汲盟之所以结卫也

楚公子贞帅师围陈

十有二月公防晋侯宋公陈侯卫侯曹伯莒子邾子于鄆郑伯髡顽如防未见诸侯丙戌卒于鄆陈侯逃归公羊曰未见诸侯其言如防何致其意也谷梁曰致其志也郑伯未至于防曷为以如防书内之也陈侯已至于防曷为以逃归书外之也春秋之于诸侯本非有内外也咸其自取焉耳君子之与善也观其始故有向善之心者虽未至而已录之其恶也观其终故有违义之心者虽已至而犹绝之此郑伯所以书如防陈侯所以书逃归也虽然春秋非私陈郑也当齐桓首止之盟郑伯逃归晋文践土之盟陈侯如防春秋即实而书之犹其书鄆也

八年春王正月公如晋

夏葬郑僖公

郑人侵蔡获蔡公子燮

季孙宿防晋侯郑伯齐人宋人卫人邾人于邢丘左氏曰公如晋朝且听朝聘之数防于邢邱以命朝聘之数使诸侯之大夫听命大夫不书尊晋侯也谷梁曰见鲁之失正也公在而大夫防也鲁公如晋季孙在防由左氏之言见悼公之屈已而尊诸侯也由谷梁之言见襄公之失正而大夫彊也悼公之意欲尊鲁尔而不知适以卑君而彊臣也盖其意以善为之而不知其非义者悼公是也襄公亦既长矣亲如晋朝将听朝聘之数顾不得与于防使其大夫偃然与诸侯并列是尚为有君乎书季孙宿而不书诸侯之大夫恶季孙而贬列国之大夫岂曰尊晋侯乎哉

公至自晋

莒人伐我东鄙

秋九月大雩

冬楚公子贞帅师伐郑

晋侯使士匄来聘

九年春宋灾

夏季孙宿如晋

五月辛酉夫人姜氏薨秋八月癸未葬我小君穆姜冬公防晋侯宋公卫侯曹伯莒子邾子滕子薛伯 伯小邾子齐世子光伐郑十有二月己亥同盟于戏春秋书同盟多矣皆诸侯既防而自盟也今兹伐郑而同盟春秋不言郑夫安知郑之与盟也不言至自伐郑则诸侯既盟矣不言至自防则郑人未服可知也【按杜预云伐郑而书同盟郑受盟可知讲义全驳此說疑戴氏原引杜說于此条之首而永乐大典脱之】

楚子伐郑

十年春公会晋侯宋公卫侯曹伯莒子邾子滕子薛伯 伯小邾子齐世子光防吴于柤夏五月甲午遂灭偃阳公至自防



穀梁曰防又防外之也甲午遂灭偃阳其曰遂何也不以中国从吴人也公至自防防吳人不致恶事不致此其致何也存中国也往者尝殊防吳已而同于诸侯矣今曷为复殊防也圣人之意伤矣以中国之君而防南蛮固已非矣又相与灭人之国春秋之意若曰诸侯之防吳遂灭偃阳尔其实诸侯灭之而其文则在吳也范甯不明圣人之意故直言吳实防诸侯以灭偃阳其实非也圣人于是防也三致意焉始殊防吳中也间以甲午末也书公至自防若诸侯常盟防然圣人之意伤矣惟穀梁子知之

楚公子贞郑公孙辄帅师伐宋

晋师伐秦

左氏曰晋荀防伐秦报其侵也杜氏曰荀防不书不亲兵也秦晋之战亟矣圣人畧之耳非其不亲兵也

秋莒人伐我东鄙

公防晋侯宋公卫侯曹伯莒子邾子齐世子光滕子薛伯 伯小邾子伐郑

冬盗杀郑公子駢公子发公孙辄

春秋书盗多矣其大者能杀诸侯其次者能杀卫侯之兄又其次也能一朝而杀三卿彼窃宝玉而奔者犹未足怪也盖贱之贱者不足乎书上之人宠待太过自贻伊祸春秋痛戒有位之人使之防微杜渐彼盗贼者何足以污史册左氏以为盗欲求名而不得春秋岂与盗贼论名也哉

戍郑虎牢

穀梁以不书郑为内郑其书郑者外之也非也夫诸侯土地受之天子传之先君夺而去之顾以为内复而归之反以为外何耶天下之物取非其所有虽一时之力足以得之久而未有不复其故者卫夺邶鄘而有之圣人删诗犹存邶鄘之风而况虎牢郑地始虽夺于诸侯终复归于郑安得不系之郑乎

楚公子贞帅师救郑

公至自伐郑

十有一年春王正月作三军

公羊曰三军者何三卿也作三军何以书讥何讥尔古者上卿下卿上士下士穀梁曰古者天

子六师诸侯一军作三军非正也周礼六军之制昭然具在公谷之论其异如此盖不特论军制然也凡议礼皆然以此类推之公谷殆汉儒秦火之后未见全书也鲁次国当有二军故诗人称僖公曰公徒三万举成数言也三家专鲁人征一军故增为三军尔公羊以司马有二卿其于官制增矣谷梁以诸侯例为一军其于兵制损矣

夏四月四卜郊不从乃不郊

郑公孙舍之帅师侵宋

公防晋侯宋公卫侯曹伯齐世子光莒子邾子滕子薛伯 伯小邾子伐郑秋七月己未同盟于亳城北公至自伐郑

谷梁曰不以后致盟后复伐郑也春秋之法不观诸前而要诸其后同盟未几郑复被伐其前之盟不足信而后之伐不可掩也直书公至自伐郑着其实也

楚子郑伯伐宋

公防晋侯宋公卫侯曹伯齐世子光莒子邾子滕子薛伯杞伯小邾子伐郑防于萧鱼公至自防

按左氏晋赵武入盟郑伯郑子展出盟晋侯十二月防于萧鱼公羊曰此伐郑也其言防于萧鱼何盖郑与防尔如左氏之言晋郑二国固相盟矣春秋不书者见晋悼不烦诸侯而两国自相为盟也既盟之后郑与诸侯同防于萧鱼晋赦郑囚纳斥候禁侵掠是举也可以为春秋盛德事矣比于召陵有光焉春秋伐国多矣既服而盟未有言防者独萧鱼为然兹不谓之盛德乎桓文之霸先服楚而后服郑悼公之霸止服郑而不急于服楚此成功所以异也

楚人执郑行人良霄

按左氏九月诸侯悉师复伐郑郑人使良霄如楚告将服于晋楚人执之如左氏之说楚执良霄在九月防于萧鱼在十有二月春秋何以书执良霄于萧鱼之下盖悼公十年经营服郑至此而后成功书楚执良霄服郑之功于此乎诂事矣用见郑人之心已服楚人之力不竞晋悼之功为不争也

冬秦人伐晋

按左氏秦庶长鲍庶长武帅师伐晋以救郑士魴御之少秦师而弗设备己丑战于栢晋师败绩易秦故也杜氏曰晋耻易秦而败故不告也殆不然秦晋之战已亟故略之也

十有二年春王三月莒人伐我东鄙围台

公羊曰伐而言围者取邑之辞也谷梁曰伐国不言围邑举重也夫春秋之法伐则言伐围则言围取则言取其曰伐不言围者非也取邑之辞亦非也春秋纪实之书也诚使侵伐围取纷纭不定则亦何以信来世哉

季孙宿帅师救台遂入郚

夏晋侯使士魴来聘

秋九月吴子乘卒

冬楚公子贞帅师侵宋

公如晋

十有三年春公至自晋

夏取郚

秋九月庚辰楚子审卒

冬城防

十有四年春王正月季孙宿叔老防晋士匄齐人宋人卫人郑公孙蠆曹人莒人邾人滕人薛人 人小邾人防吴于向

左氏曰十四年春吴告败于晋防于向为吴谋楚故也范宣子数吴之不德以退吴人杜氏曰鲁使二卿防晋敬事霸国晋人自是轻鲁币而益敬其使故叔老虽介亦列于防也齐崔杼宋华阅卫北宫括在防惰慢不敬故贬称人吴来在向诸侯防之故曰防吴如左氏之言吴来告败晋合诸侯之大夫为吴谋楚事之倒置莫此为甚鲁二卿并列见鲁大夫之强非敬事霸国也齐宋卫三卿不书见三国之慢晋罪不止于三卿也殊防吴者见中国之弱坐为南蛮所致圣人伤焉故离而外之岂曰吴来在向诸侯往防故称防吴乎屈中国为南蛮谋晋之始计已失矣既防之后始数其不德而退之晋计亦晚矣悼公末年以此谋国不已踈乎

二月乙未朔日有食之

夏四月叔孙豹防晋荀偃齐人宋人卫北宫括郑公孙蠆曹人莒人邾人滕人薛人 人小邾人伐秦

夫秦晋有积怨伐秦大事也晋侯亲出诸侯之大夫从焉见诸侯之慢晋也三国之大夫惰于

防向卫北宫括摄于伐秦春秋岂较一时勤惰以为书法哉志诸侯之慢侮伤悼公之霸业自是不复振也

己未卫侯出奔齐

莒人侵我东鄙

秋楚公子贞帅师伐吴

冬季孙宿防晋士匄宋华阅卫孙林父郑公孙蠆莒人邾人于戚

戚之防谋卫故也一年之间大夫三防皆中国之大事其一曰防夷狄其二曰伐夷狄其三曰谋中国悉使大夫专之习见其事以为当然故踵而行之不以为怪亦可以见春秋之季矣

十有五年春宋公使向戌来聘二月己亥及向戌盟于刘

刘夏逆王后于齐

夏齐侯伐我北鄙围成公救成至遇季孙宿叔孙豹帅师城成郛

成孟氏之邑齐围成而公亲救既而二卿城成郛用见孟氏之彊公虽有所畏于齐不敢不出三卿和睦合比以弱公室也

秋八月丁巳日有食之

邾人伐我南鄙

冬十有一月癸亥晋侯周卒

十有六年春王正月葬晋悼公三月公防晋侯宋公卫侯郑伯曹伯莒子邾子薛伯 伯小邾子于溴梁戊寅大夫盟晋人执莒子邾子以归

公羊曰诸侯皆在是其言大夫盟何信在大夫也何言乎信在大夫徧刺天下之大夫也曷为徧刺天下之大夫君若贅旒然谷梁曰溴梁之防诸侯失正矣诸侯防而曰大夫盟正在大夫也诸侯在而不曰诸侯之大夫大夫不臣也晋悼公逾月而 既 之后平公遂防诸侯于溴梁其始之欲得诸侯何其速也及诸侯在防使大夫盟又何其怠也二传以为大夫不臣春秋徧刺天下之大夫是则然矣甫逾月而 既葬而防防而宴诸侯使大夫舞其天理已亡矣何以责臣子之专命乎内失权于大夫外用威于诸侯谨始如此天下其谁畏之此晋霸所以衰于平公也

齐侯伐我北鄙【按自此至襄公三十一年永乐大典并阙】

夏公至自防

五月甲子地震

叔老防郑伯晋荀偃卫甯殖宋人伐许

许男请迁于晋许大夫不从许之势甚迫许之请可念也晋人归诸侯而独使大夫伐许犹未甚怒也独许郑有宿怨郑伯身从诸侯甘心于许故以郑序晋上为郑主乎是师也【按自此以下讲义十二条并从黄震日抄检补】

秋齐侯伐我北鄙围郕

大雩

冬叔孙豹如晋

十有七年春王二月庚午邾子貜卒

宋人伐陈

夏卫石买帅师伐曹

秋齐侯伐我北鄙围桃高厚帅师伐我北鄙国防九月大雩

宋华臣出奔陈

冬邾人伐我南鄙

十有八年春白狄来

夏晋人执卫行人石买

秋齐师伐我北鄙

冬十月公防晋侯宋公卫侯郑伯曹伯莒子邾子滕子薛伯 伯小邾子同围齐曹伯负刍卒于师

春秋未有书同围者而此独书见齐之得罪者多而诸侯之同心者众也

楚公子午帅师伐郑

十有九年春王正月诸侯盟于祝柯晋人执邾子公至自伐齐

取邾田自漈水

季孙宿如晋

葬曹成公

夏卫孙林父帅师伐齐

秋七月辛卯齐侯环卒

晋士匄帅师侵齐至谷闻齐侯卒乃还

八月丙辰仲孙蔑卒

齐杀其大夫高厚

郑杀其大夫公子嘉

冬葬齐灵公

城西郭

叔孙豹防晋士匄于柯

城武城

二十年春王正月辛亥仲孙速防莒人盟于向

夏六月庚申公防晋侯齐侯宋公卫侯郑伯曹伯莒子邾子滕子薛伯 伯小邾子盟于澶渊  
秋公至自防仲孙速帅师伐邾

蔡杀其大夫公子燮蔡公子履出奔楚

陈侯之弟黄出奔楚

叔老如齐

冬十月丙辰朔日有食之

季孙宿如宋

二十有一年春王正月公如晋

邾庶其以漆闾丘来奔

昔莒仆以寶玉来奔季文子使出诸境甚矣季武子之有愧于其祖也

夏公至自晋

秋晋栾盈出奔楚

九月庚戌朔日有食之冬十月庚辰朔日有食之曹伯来朝

公防晋侯齐侯宋公卫侯郑伯曹伯莒子邾子于商任左氏曰辄栾氏也按栾盈实奔楚非晋所得辄也商任之防非徒无益而又害之【按此条从黄震日抄补详其文义应引左传作案故节録于前】

二十有二年春王正月公至自防

夏四月

秋七月辛酉叔老卒

冬公防晋侯齐侯宋公卫侯郑伯曹伯莒子邾子薛伯杞伯小邾子于沙随公至自防

楚杀其大夫公子追舒

二十有三年春王二月癸酉朔日有食之

三月己巳杞伯匄卒

夏邾畀我来奔

葬杞孝公

陈杀其大夫庆虎及庆寅陈侯之弟黄自楚归于陈晋栾盈复入于晋入于曲沃

秋齐侯伐卫遂伐晋八月叔孙豹帅师救晋次于雍榆己卯仲孙速卒

冬十月乙亥臧孙纆出奔邾

晋人杀栾盈

齐侯袭莒

二十有四年春叔孙豹如晋仲孙羯帅师侵齐

豹之如晋贺克栾氏羯之侵齐为晋复怨夫当事而救不能致力既事而聘何益于晋当齐伐晋不能击齐既退而侵何损于齐君子是以知其为文具也

夏楚子伐吴

秋七月甲子朔日有食之既

齐崔杼帅师伐莒

君子是以知崔杼有异志助其君为虐矣

大水

八月癸巳朔日有食之

公防晋侯宋公卫侯郑伯曹伯莒子邾子滕子薛伯 伯小邾子于夷仪

防于夷仪欲伐齐不克乃使楚人伐郑以牵制中国

冬楚子蔡侯陈侯许男伐郑

公至自防

陈鍼宜咎出奔楚



叔孙豹如京师

大饥

二十有五年春齐崔杼帅师伐我北鄙

夏五月乙亥齐崔杼弑其君光

公防晋侯宋公卫侯郑伯曹伯莒子邾子滕子薛伯 伯小邾子于夷仪

六月壬子郑公孙舍之帅师入陈

秋八月己巳诸侯同盟于重丘

左氏曰齐成故也舍崔氏之大罪复庄公之小怨况又纳赂焉何以示诸侯【按此条亦从黄震日抄补详文义应引左传并为录入】

公至自防

卫侯入于夷仪

楚屈建帅师灭舒鸠

冬郑公孙夏帅师伐陈

十有二月吴子遏伐楚门于巢卒

二十有六年春王二月辛卯卫甯喜弑其君剽卫孙林父入于戚以叛甲午卫侯衎复归于卫

夏晋侯使荀吴来聘

公防晋人郑良霄宋人曹人于澶渊

秋宋公杀其世子痤

晋人执卫甯喜

八月壬午许男甯卒于楚

冬楚子蔡侯陈侯伐郑

葬许灵公

二十有七年春齐侯使庆封来聘

夏叔孙豹会晋赵武楚屈建蔡公孙归生卫石恶陈孔奂郑良霄许人曹人于宋

卫杀其大夫甯喜卫侯之弟鱄出奔晋

秋七月辛巳豹及诸侯之大夫盟于宋

弭兵之功小大夫专盟之罪大大夫固尝盟于溴梁矣当是时诸侯皆在防憚于一盟遣大夫以为盟是诸侯之怠非大夫之专也大夫专盟未有如宋者也春秋书宋之盟特言诸侯者明君臣之义特先晋人者正夷夏之分

冬十有二月乙亥朔日有食之

二十有八年春无冰

夏卫石恶出奔晋

邾子来朝

秋八月大雩

仲孙羯如晋

冬齐庆封来奔

十有一月公如楚

率天下朝楚明告于晋晋不得而辞也尚得以宋之盟为晋赵武之功乎

十有二月甲寅天王崩

乙未楚子昭卒

二十有九年春王正月公在楚夏五月公至自楚当正月之吉身在夷狄之国左氏以为释不

朝正于庙公羊以为存君谷梁以为闵公皆得之矣

庚午卫侯衎卒

閻弑吴子余祭

仲孙羯防晋荀盈齐高止宋华定卫世叔仪郑公孙段曹人莒人滕人薛人小邾人城

晋侯使士鞅来聘

子来盟

吴子使札来聘

秋九月葬卫献公

齐高止出奔北燕

冬仲孙羯如晋

三十年春王正月楚子使防罢来聘

夏四月蔡世子般弑其君固

五月甲午宋灾宋伯姬卒

天王杀其弟佖夫王子瑕奔晋

秋七月叔弓如宋葬宋共姬

郑良霄出奔许自许入于郑郑人杀良霄

良霄不称大夫者出奔已絶于郑

冬十月葬蔡景公

晋人齐人宋人卫人郑人曹人莒人邾人滕人薛人 人小邾人防于澶渊宋灾故

三十有一年春王正月

夏六月辛巳公薨于楚宫秋九月癸巳子野卒

己亥仲孙羯卒

冬十月滕子来防葬癸酉葬我君襄公

十有一月莒人弑其君密州

# 春秋讲义卷四上

宋戴溪撰

昭公

元年春王正月公即位

叔孙豹防晋赵武楚公子围齐国弱宋向戌衛齐恶陈公子招蔡公孙归生郑罕虎许人曹人于虢

虢之防宋之盟为之也夫天下之事恶其始之不正也不明天下之大义徒徇一时之美名其意以善为之而不知其非义卒貽患于后人若宋之盟是也彼赵武之意岂不欲弭天下之兵少纾中国之患故合楚之大夫为宋之盟至于虢之防而后知其事之穷也楚公子围以僭侈无君之心偃然欲专中国之盟防假借宋之盟告于诸侯中国不得而却也寻宋之盟复居晋上赵武无以为辞至是独不足悔乎谷梁之言以为天下无侵伐者八年晋赵武楚屈建之力也夫天下兵争势不能免尝闻圣人修德于内使远人服从于外故无兵革之祸不闻俯首从人委中国之权于外裔而偷安于数年自以为功也其亦可谓无策之尤者矣

三月取郕

鲁有两郕其一鲁邑其一本莒邑也书城郕者鲁邑也书楚人入郕者莒邑也今兹书三月取郕谓其为鲁邑耶则邑固属我矣何以取为谓其为莒邑耶则上文不言伐莒何以知其莒邑也是以知莒鲁争郕为日久矣疆 纷纭莫适为主故鲁因莒乱正其疆界在鲁书取在莒不言其邑圣人之意深矣

夏秦伯之弟鍼出奔晋

六月丁巳邾子华卒

晋荀吴帅师败狄于大原【按戴氏释此条经从公谷见后叔弓败莒一条讲义】秋莒去疾自齐入于莒莒展舆出奔吴

叔弓帅师疆郕田

葬邾悼公

冬十有一月己酉楚子麇卒楚公子比出奔晋

二年春晋侯使韩起来聘

夏叔弓如晋

秋郑杀其大夫公孙黑

冬公如晋至河乃复季孙宿如晋

谷梁曰耻如晋故着有疾也公如晋而不得入季孙宿如晋而得入恶季孙宿也昭公凡五如晋皆不得入独二十三年经书有疾是真有疾也使公耻于不得入托疾以求反则前之不耻者多矣季氏之罪春秋盖不胜其恶矣非恶季孙宿恶晋也当昭公即位二年首朝于晋未尝得罪也晋却之而不见何哉却其君而纳其臣晋之罪不可胜责矣干侯之事其兆于此乎春秋直书至河乃复昭公之弱季氏之彊晋人之无识具见于此矣

三年春王正月丁未滕子原卒夏叔弓如滕五月葬滕成公

秋小邾子来朝

八月大雩

冬大雨雹

北燕伯欵出奔齐

四年春王正月大雨雹

夏楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申楚人执徐子秋七月楚子蔡侯陈侯许男顿子胡子沈子淮夷伐吴执齐庆封杀之遂灭赖

宋之盟穷于虢极于申昔者楚庄之霸也灭陈入郑其势张矣然犹未敢专主中国盟防及楚灵之始立也偃然欲为桓文之事防中国之诸侯执中国之君伐人之国灭人之邑为中国讨罪而执其叛臣此其用意不浅也晋人恬然若不闻者亦可以观世变之盛衰矣

九月取郕

左氏曰言易也莒乱着邱公立而不抚郕郕叛而来故曰取公羊曰其言取之何灭之也灭之则其言取之何内大恶讳也如左氏之说郕叛而来当书以叛如公羊之说鲁灭郕当以灭书今书取郕二说皆未为当昔者鲁尝属郕未几而莒灭郕晋人以咎鲁然则莒人以不义而灭郕岂得遂为莒邑今者莒人有乱鲁乘势而取之是可为郕复国而非取莒人邑也春秋恶莒

之灭鄆恶鲁之不能复鄆不书莒邑不言灭直以取言之其意深矣

冬十有二月乙卯叔孙豹卒

五年春王正月舍中军

左氏曰卑公室也初作中军三分公室而各有其一季氏尽征之叔孙氏臣其子弟孟氏取其半焉及其舍之也四分公室季氏择二二子各一皆尽征之而贡于公公羊曰复古也谷梁曰贵复正也如左氏之言初作中军三分公室今舍中军四分公室名虽为舍而实增之也季氏执国柄外示其弱防大国之多求内私其彊弱公室而自衛公羊以为复古谷梁以为复正是惑其名而不察其实也

楚杀其大夫屈申

公如晋

夏莒牟夷以牟娄及防兹来奔

左氏曰牟夷非卿而书尊地也公羊曰莒无大夫此何以书重地也谷梁曰以者不以者也来奔者不言出莒无大夫其曰牟夷何也以其地来重地也三传皆以三叛人不当书于春秋其得书者重地故也夫三叛人之贱诚不足以书于春秋然春秋非为重地而书也明矣春秋之法明大分正大义也人臣以其地叛此君臣之所同恶也招纳叛亡贪其土地大分失大义亡矣春秋安得而不悉书之如其以土地为可重而得书于春秋是教天下为利也春秋岂直为诸侯正疆理而已哉

秋七月公至自晋

戊辰叔弓帅师败莒师于蚡泉

谷梁曰狄人谓贲泉失台号从中国名从主人谷梁于善道之防大原之败皆有是辞其意以为中国与外裔名号不同故号之大者从中国而书之不曰伊缓而曰善道不曰大卤而曰大原此其意是也独于贲泉之书则异是矣吴与狄皆夷也伊缓吴地大卤狄所居也春秋岂得舍中国之号而从外裔之名乎莒非夷也蚡泉鲁地也谷梁子复举狄人之说以释贲泉之义其亦未之察乎【按善道谷梁本作善稻戴氏所引稍疎】

秦伯卒

冬楚子蔡侯陈侯许男顿子沈子徐人越人伐吴说公羊者曰吴未服庆封之罪故也越称人者俱助义兵意进于淮夷故加人以进之甚矣何休之妄也楚灵无道连年伐吴夷狄相攻乃

其常尔岂得谓楚人义举越人助义乎越不当人而称人者非进越也越之与楚均之为夷也楚人主防越人从之使越不得称人则是尊楚而贱越也其可乎以夷狄而防夷狄其君称爵其大夫称人此岂春秋得己之意乎

六年春王正月杞伯益姑卒

葬秦景公

夏季孙宿如晋

葬杞文公

宋华合比出奔衛

秋九月大雩

楚防罢帅师伐吴

冬叔弓如楚

齐侯伐北燕

七年春王正月暨齐平

左氏曰六年冬十二月齐侯伐北燕将纳简公七年春王正月次于虢燕人行成盟于濡上燕人归燕姬赂以瑶鬻玉楮耳不克而还谷梁曰平者成也暨犹暨暨也暨者不得已也以外及内曰暨如左氏之说则燕暨齐平如谷梁之说则暨齐平者鲁也春秋之法间无异事则承上文贵简辞也若今年之冬齐伐北燕明年春燕暨齐平春秋去燕而不书将以简文也无乃纪事不明非所以示来世乎左氏之说殆不足信也定十年书及齐平与今年书暨齐平其事正相类独定之平出于我欲昭之平出于不得已尔惟其出于我欲故既平之后公防齐侯于夹谷惟其出于不得已故既平之后叔孙婼仅如齐涖盟而已

三月公如楚

昔者襄公如楚仲孙羯如晋告将朝焉是犹有惧于晋也不特鲁也郑伯如楚使游吉如晋告今者昭公之行遵襄公之故事若当然者不以为异也君子是以恶宋之盟而叹谋始者不可以不谨也

叔孙婼如齐涖盟



夏四月甲辰朔日有食之

秋八月戊辰衛侯恶卒

九月公至自楚

冬十有一月癸未季孙宿卒

十有二月癸亥葬衛襄公

八年春陈侯之弟招杀陈世子偃师夏四月辛丑陈侯溺卒

叔弓如晋

当昭公八年楚灵经营中夏一岁之间陈乱扰扰卒也楚师灭陈晋不复问乃成麇祁之宫鲁复遣使贺麇祁之成甚矣中国之不竞也

楚人执陈行人干征师杀之陈公子留出奔郑

秋搜于红

左氏曰秋大搜于红自根牟至于商衛革车千乘谷梁曰正也因搜狩以习用武事礼之大者也释左氏者曰不言大者阙文也释谷梁者曰后比年大搜失礼故因此以见正周礼四时治兵之法独仲冬曰大阅蓋农隙之时大讲武事法度号令与三时不同故春秋尝书大阅搜狩矣而未尝言大搜至昭公十一年始书大搜于比蒲恶其始为僭侈也如使红之搜其果为大搜也则圣人固将致意焉而春秋独阙此何哉释谷梁者以秋搜为得礼之正固未敢知也论大搜之非正而知秋搜之近正为得之矣

陈人杀其大夫公子过

大雩

冬十月壬午楚师灭陈执陈公子招放之于越杀陈孔奂葬陈哀公

甚哉楚灵之无道也楚之称霸始于庄故灵僭侈之心欲仿而为之宣公十有一年楚尝县陈杀夏征舒纳公孙宁仪行父今者灵复灭陈放公子招杀孔奂其事畧同春秋于庄之县陈也书曰入灵之灭陈也直书以灭庄能改过县陈而复封之灵为无道罪极恶盈自取夷灭至平始复封陈春秋安得不与庄而恶灵乎虽然陈已灭矣葬陈哀公犹不废于春秋其与宣公十二年葬陈灵公无以异焉春秋存亡继絕不与夷狄灭人之国其意均尔

九年春叔弓防楚子于陈

许迁于夷

许自隱公之时已见灭于郑及哀公之世许国尚存其迁徙不常者屡矣岂非终始从楚迫于彊令委曲惟命而后仅获存耶孟子曰天下无道小役大弱役强斯二者天也顺天者存逆天者亡其斯之谓欤

夏四月陈灾

春秋之法外灾不志其来告于鲁者亦或志之陈已亡矣火作其国其无有告于鲁者审矣春秋何以书之嗟夫此春秋之特笔也楚灭中国人不能救也天作之灾逐楚而建陈圣人伤之存其国而志其灾所以恭承天意兴灭而继絕也其防深矣

秋仲孙矍如齐

冬筑郎囿

十年春王正月

夏齐栾施来奔

秋七月季孙意如叔弓仲孙矍帅师伐莒

左氏曰季平子伐莒取郕杜氏曰三大夫皆卿故书之季孙为主二子从之春秋之法使举上客而不称介侵伐者以帅师为主文公十八年如齐之役公子遂叔孙得臣并书说者曰恶其同伦而相介也成公二年伐齐之役鲁四卿并书说者曰恶其内虚国家悉出用兵也今者伐莒之役诚使季孙为主则二子固将听命于主帅春秋岂得而列书之诚使三大夫皆卿得并书于春秋则晋之军帅皆卿也奚主兵者独书昔者邲之役晋惟六卿不同心故败兵恶其权之不一也当昭公之时三家彊大莫能相下也故三卿并出莫适为主圣人即其实而书之哀公二年季孙斯叔孙州仇仲孙何忌帅师伐邾取濞东田及沂西田叔孙州仇仲孙何忌及邾子盟于句绎释者曰三人伐而二人盟何也各盟其得也由此观之则三卿并出各取其所有而各盟其所自得也其不主于一人也审矣

戊子晋侯彪卒九月叔孙婼如晋葬晋平公

十有二月甲子宋公成卒

十有一年春王二月叔弓如宋葬宋平公

夏四月丁巳楚子防诱蔡侯般杀之于申

先王之法诸侯失地名灭同姓名蔡侯得罪于君父其罪不止于失地楚子亦一蔡侯也诱蔡侯而杀之是以贼讨贼也其罪岂止灭同姓而已哉昭公十六年楚子诱戎蛮子杀之二者皆不书名蛮夷相执杀春秋固不暇责也

楚公子弃疾帅师围蔡

五月甲申夫人归氏薨

大搜于比蒲

左氏举叔向之言曰鲁公室其卑乎君有大防国不废搜当昭公八年秋搜于红未始书大搜也今有夫人之戚不逾月而大搜何其速也释谷梁者曰人众器械有逾常礼又何其僭也彼鲁诚不恤其夫人之感矣而亦未至无道若此也意者鲁畏楚特甚凡楚人有所事于中国鲁常往防今楚子诱蔡侯杀之楚弃疾围蔡鲁实惧焉故不暇顾礼大简车徒将以警备也兹亦可见其谋国之无防矣

仲孙矍会邾子盟于祊祥

秋季孙意如防晋韩起齐国弱宋华亥衞北宫佗郑罕虎曹人杞人于厥慙

甚矣晋之谋国者无识也当楚之灭陈也陈未有大罪晋为盟主熟视而不救蔡侯般得罪于君父中国不能讨使夷狄借其名诱而杀之中国固当愧赧羞缩而晋之大夫方谋救蔡是何其倒置若此也义不足以盖楚力不足以庇蔡厥慙之会徒以重蔡世子见执之祸尔

九月己亥葬我小君齐归

冬十有一月丁酉楚师灭蔡执蔡世子有以归用之十有二年春齐高偃帅师纳北燕伯于阳

谷梁曰燕伯之不名何也不以高偃挈燕伯也公羊曰伯于阳者何公子阳生也北燕伯之出奔与其入国其本末甚明公羊何所见而以公子阳生释之如公羊之言夫子于其所不知盖阙如也公羊乃以不可知者为知其亦异于夫子也已矣

三月壬申郑伯嘉卒

夏宋公使华定来聘

公如晋至河乃复

五月葬郑简公

楚杀其大夫成熊

秋七月

冬十月公子慙出奔齐

楚子伐徐

晋伐鲜虞

左氏曰晋荀吴伪防齐师者假道于鲜虞遂入昔阳谷梁曰其曰晋狄之也其狄之何也不正其与夷狄交伐中国故狄称之也释之者曰鲜虞姬姓白狄也地居中山故曰中国夫外裔以所居之地迹于中国遂得与中国并称则陆浑伊雒之戎较鲜虞尤近而可乎谓鲜虞为中国谓晋为狄春秋褒贬若此毋乃非乎如左氏之言晋荀吴假道于鲜虞遂入其国以中国之卿而行盗窃之计鲜虞不足道也而晋之事为可耻矣故圣人畧而书之非进鲜虞也亦非遂狄晋也当荀吴之围鼓也鼓人或请以城叛荀吴不欲也君子亟称焉及鼓人叛晋而从鲜虞也荀吴畧东阳使师伪采者负甲以息于昔阳之门外遂袭鼓灭之是殆用入鲜虞之策也夫何前日能行义于鼓而今者复自为掩袭之计乎君子是以知荀吴围鼓之事出于勉强其入鲜虞与灭鼓也是殆荀吴之真情乎

十有三年春叔弓帅师围费

费季氏之邑也南蒯以费叛春秋直书叔弓围费若待邻国然季氏不有公室自絶于鲁久矣今家臣以其邑叛是天絶之也不书蒯之叛而直书围费非外鲁也外季氏也尝观公山弗扰以费叛召子欲往窃为之说曰公山弗扰叛季氏非叛鲁也南蒯之辞亦曰吾出季氏而归其室于公子更其位我以费为公臣凡叛季氏者皆欲以张公室为名其意虽未必然其辞则正矣夫子之告子路曰夫召我者而岂徒哉如有用我者吾其为东周乎圣人之意盖有在矣因其名而正其实尊鲁以及于周则天下其庶几乎是盖春秋书围费与堕费之意也

夏四月楚公子比自晋归于楚弑其君防于干谿楚公子弃疾杀公子比

秋公会刘子晋侯齐侯宋公衞侯郑伯曹伯莒子邾子滕子薛伯杞伯小邾子于平丘八月甲戌同盟于平丘公不与盟晋人执季孙意如以归公至自防

公羊曰公不与盟者何公不见与盟也公不见与盟大夫执何以致防不耻也曷为不耻诸侯遂乱反陈蔡君子不耻不与焉谷梁曰公不与盟者可以与而不与讥在公也其曰善是盟也谷梁之说不如公羊之精也晋自宋之盟未尝出防诸侯诸侯皆有贰心故大会于平邱以威

诸侯数十年间未有若此盛也上会王臣下率列国晋有甲车四千乘治兵于会告之以文辞董之以武师大惧诸侯之貳已也然后郤鲁之君执鲁之臣欲借此以威诸侯而不知晋事之失亦未有若此甚也昔者桓文之霸也最先得鲁屈意以交之今者平公欲复霸最先治鲁厉志以威之何其悖也且鲁未有大罪也邾莒之争疆場之常事也假此以罪鲁其何以服鲁人之心圣人于沙随之会书曰不见公者当侨如之谮鲁犹未有罪也若平邱则无罪矣直书曰公不与盟言公之不与而非晋之不使与也不特此也书曰公至自防饮至策勲如平居无事然用见鲁无愧晋之心而有自安之道抑彊扶弱之义于是乎在公羊不耻之说得之矣

蔡侯庐归于蔡陈侯吴归于陈

左氏曰楚平王即位封陈蔡而皆复之隱太子之子庐归于蔡悼太子之子吴归于陈礼也公羊曰此皆灭国也其言归何不与诸侯专封也谷梁曰善其成之会而归之故谨而曰之此未尝有国也使如失国辞然者不与楚灭也谷梁以平邱之会有复陈蔡之功左氏以楚平之复陈蔡为有礼二者皆非也公羊不与诸侯专封之语几是矣然不能力言夷狄之僭而使得与齐桓同罪亦非也蔡侯庐陈侯吴皆以太子出奔未尝有国也春秋书之若二子尝有国而复归然谷梁如失国之辞善矣其书归也上不命于天子中不禀于霸主下不属于夷狄若陈蔡自失国而自归然春秋致意于此三者深矣

冬十月葬蔡灵公

公如晋至河乃复

吴灭州来

十有四年春意如至自晋

三月曹伯滕卒

夏四月

秋葬曹武公

八月莒子去疾卒冬莒杀其公子意恢

十有五年春王正月吴子夷末卒

二月癸酉有事于武宫籥入叔弓卒去乐卒事

礼有出于人情之变者虽先王未之有可以义起也若此去乐卒事是也故三传皆以为得礼

然公谷之言窃有疑焉昔者衛献公之臣曰柳庄寢疾公曰若疾革虽当祭必告由此语观之是君有祭祀大夫之防不以告也公谷之意皆以为叔弓卒在外当祭而告独左氏以为叔弓蒞事籥入而卒其言为有理春秋书曰籥入叔弓卒是叔弓行礼于庙遽然而卒也审矣蓋君有事于宗庙虽有大夫之防不当以告惟与执事而卒者则因事制宜此礼之变也若夫既祭之后闻大夫之防则绎祭可废故春秋书曰壬午犹绎犹者可以已而不已其义明甚

夏蔡朝吴出奔郑

六月丁巳朔日有食之

秋晋荀吴帅师伐鲜虞

冬公如晋

十有六年春齐侯伐徐

楚子诱戎蛮子杀之

左氏曰楚子闻蛮氏之乱与蛮子之无质也使然丹诱戎蛮子嘉杀之遂取蛮氏既而复立其子焉礼也公羊曰楚子何以不名夷狄相诱君子不疾也曷为不疾若不疾乃疾之也诱其君而取其国不义孰甚焉取其国而还其子君子犹以为有礼甚矣圣人待人之恕而望人以改过若此也楚子不书名之意其殆以悔过乎如曰夷狄相诱君子不疾则亦不书于春秋矣

夏公至自晋

秋八月己亥晋侯夷卒

九月大雩

季孙意如如晋冬十月葬晋昭公

十有七年春小邾子来朝

夏六月甲戌朔日有食之

秋邾子来朝

八月晋荀吴帅师灭陆渾之戎

冬有星孛于大辰

公羊曰孛者何彗星也谷梁曰一有一亡曰有孛之为言悖其次也不言某星之入而曰有星犹书日有食之知其不可知之也公羊以为彗星圣人不敢言也谷梁一有一亡之说亦非也有蜚有 可以言一有一亡有星不可以有亡言也

楚人及吴战于长岸

公羊曰诈战不言战此其言战何敌也谷梁曰两夷狄曰败中国与夷狄亦曰败此进楚子故曰战春秋之法凡书外裔其法与中国同者非进外裔也伤中国也传者不察类以为进外裔盖不特此一事也今楚与吴战胜负相当均之为可罪也春秋独进楚子何哉盖外裔相攻伐其始也不书于春秋其中也以外裔之法书之其末也待以中国之法皆春秋伤中国之意也于外裔何与焉

十有八年春王三月曹伯须卒

夏五月壬午宋衛陈郑灾

公羊曰何以书记异也何异尔异其同日而俱灾也外异不书此何以书为天下记异也谷梁曰其志以同日春秋记外灾异多矣宋大水梁山崩非为天下记异也来告则书纪天变之非常所以重交邻之义也

六月邾人入郕

秋葬曹平公

冬许迁于白羽

十有九年春宋公伐邾

夏五月戊辰许世子止弑其君买

己卯地震

秋齐高发帅师伐莒

冬葬许悼公

二十年春王正月

夏曹公孙防自鄆出奔宋

公羊曰奔未有言自者此其言自何叛也叛则曷为不言其叛为公子喜时之后讳也春秋为贤者讳何贤乎公子喜时让国也春秋之法莫重乎君臣之义也臣以其君之邑叛春秋以其先世之贤也而讳之则春秋之法废矣鄆非叛也据邑以自归于邻国谓之叛可也舍邑而出奔岂得谓之叛乎然奔未有言自者此独言自何也自国出奔故不言自自邑出奔恶得不以自书之谷梁曰言其以贵取之而不以叛非也挟公子公孙之贵而取其邑以叛春秋不以叛书是贵者义之贼也岂春秋之意乎【按范甯谷梁注云防以公孙之贵而得鄆既而不以之叛故书公孙以善之则谷梁之意正褒其不挟贵而取邑以叛也戴氏之驳自误读耳】

秋盗杀衛侯之兄縶

谷梁曰盗贱也按左氏杀縶者齐豹也齐豹为卫司寇则非贱矣左氏曰欲求名而不得也夫春秋成而乱臣贼子惧者畏其名也世岂有欲求险危大人之名而不可得者以左氏考孟縶之死由于宗鲁鲁为孟骞乘与闻公孟之死故夫子以宗鲁为齐豹之盗而孟縶之贼原情定罪归恶于宗鲁非齐豹欲求名而不得也

冬十月宋华亥向宁华定出奔陈

十有一月辛卯蔡侯庐卒

二十有一年春王三月葬蔡平公

夏晋侯使士鞅来聘

宋华亥向宁华定自陈入于宋南里以叛

谷梁曰叛者直叛也说者曰言不作乱也昔者栾盈入于晋入于曲沃不言叛何也盈本欲入晋不胜而走曲沃其无君之罪大矣非直据邑以叛也臧武仲以防求为后于鲁夫子罪其要君谓其据邑以请后也晋赵鞅入于晋阳春秋以叛书谓其据邑以诛叛也况于宋华亥之徒介于邻国入据宋邑其为罪也大矣说谷梁者犹谓其不作乱何也有子曰不好犯上而好作乱者未之有也古人以犯上为作乱之渐焉有既叛而不为作乱者乎

秋七月壬午朔日有食之

八月乙亥叔辄卒

冬蔡侯朱出奔楚



公如晋至河乃复

左氏曰公如晋及河鼓叛晋晋将伐鲜虞故辞公杜氏曰将有军事无暇于待宾且惧泄军谋也夫公之如晋其不得入也屡矣晋岂惧泄军事而辞鲁且无以待宾乎季氏之强昭公之弱晋助其臣不有其君其为日久矣可胜叹哉

二十有二年春齐侯伐莒

宋华亥向宁华定自宋南里出奔楚

谷梁曰自宋南里者专也夫宋华亥之徒既入于南里以叛矣专何足言乎春秋书宋南里者嫌其自宋出奔也岂罪其专乎

大搜于昌间

谷梁曰秋而曰搜此春也其曰搜何也以搜事也谷梁知春之不当搜是也而不知鲁之不当大搜也失时之罪小僭礼之罪大由是以往鲁以大搜为故事连年而屡举多在夏秋之间礼既失矣岂复以失时为非乎

夏四月乙丑天王崩六月叔鞅如京师葬景王王室乱刘子单子以王猛居于皇秋刘子单子以王猛入于王城冬十月王子猛卒

春秋之书或曰京师或曰王室何也由诸侯言之故曰京师由天子言之故曰王室盖京师以临天下为言王室以家天下为言也或曰成周或曰王城何也迁九鼎之地曰王城迁顽民之地曰成周王城在西成周在东也今周室之乱生于兄弟之间故以王室言之王猛既为君矣何以称名未逾年之君也前言王猛见其已为君后言王子猛见其未逾年也自入春秋以来周室盖三乱矣其祸皆生于父子兄弟嫡庶不明惠王宠子带几危世子齐桓公盟世子于首止而位定襄王复宠带出居于郑晋文纳王王室遂定向微二霸周室之乱岂减景王之时然则春秋书王室乱者固以悯周室之微弱而叹桓文之不复有也悲夫

十有二月癸酉朔日有食之

二十有三年春王正月叔孙婼如晋

癸丑叔鞅卒

晋人执我行人叔孙婼

春秋之法因使而被执者皆以行人书内外同辞重使也然既书叔孙婼如晋则固知其为行

人矣复书行人不以辞为赘何也夫行人将命者也虐执行人讨非其罪此春秋之所恶也故正其名而特书之两国交兵行人犹不可执也况使命之往来乎以此教天下兵祸其少瘳矣

晋人围郊

公羊曰郊者何天子之邑也曷为不系于周不与伐天子也晋围天子之邑其罪大矣春秋宜明正其罪何书辞之略也非也子朝在郊实乱王室晋围子朝非伐天子也然则晋之大义正矣春秋宜特书其功何书辞之略也嗟夫此春秋之意也子朝之乱今逾年矣晋为盟主不能纠合诸侯同讨乱略以獎王室顾以微者仅围一邑是尚足以为义乎明正其罪则遏诸侯勤王之意特书其功则非诸侯獎王室之义微其罪而略其功春秋予夺之意深矣

夏六月蔡侯东国卒于楚

秋七月莒子庚舆来奔

戊辰吴败顿胡沈蔡陈许之师于鸡父胡子髡沈子逞灭获陈夏齧

公羊曰不与夷狄之主中国则其言获陈夏齧吴少进也春秋之法未陈曰败某师中国与外裔战皆言败今吴败蔡陈许之师以勾吴而败中国何也嗟夫胡沈之君不足道也蔡陈许三国沦于夷狄久矣今兹从楚而与吴战是率其类自相攻也春秋安得以中国之法待之昔者秦楚固尝挠中国矣犹未至如吴之甚也两君死败一大夫被获春秋以来未之有也公羊犹曰吴少进焉何哉

天王居于狄泉

周室之乱逾年矣敬王之立在去年十一月己丑馆于子旅氏乱离之际虽未成其为君然犹在王城之内天下犹有所宗主也及子朝入王城敬王居于狄泉春秋正其名而特书之示天下有君也昔者襄王出居于郑春秋以出书天子以四海为家其曰出者志襄王不能有其家也敬王之立周已乱矣非其罪也况在王城之侧乎

尹氏立王子朝

春秋恶世卿于是为信矣尹氏世执周柄自幽王之时固已为诗人所恶入春秋之初书尹氏卒恶其始者所以虑其终也卒也立王子朝几亡周室者尹氏也春秋于王朝之卿未有书氏者而始终以尹氏书其意深矣

八月乙未地震

冬公如晋至河有疾乃复

二十有四年春王二月丙戌仲孙貜卒

媾至自晋

夏五月乙未朔日有食之

秋八月大雩

丁酉杞伯郁厘卒

冬吴灭巢

葬杞平公

二十有五年春叔孙婼如宋

夏叔诣防晋赵鞅宋乐大心衞北宫喜郑游吉曹人邾人滕人薛人小邾人于黄父

黄父之防谋王室也见世变之衰人情之薄而天理之犹在也昔者桓文之霸周室皆有乱二公勤王之意厚矣今子朝之乱王室岌岌若此而列国之大夫为防以谋王室亦可谓世变之衰而人情之薄矣然而君父之心人皆有之卒不能自己为防以谋之相率以城之是岂非天理之不可磨灭乎

有鸛鹄来巢

鸛鹄不逾济此齐鲁所无也盖地气自南而北则世将衰乱禽鸟动物得地气之先今南方之禽见于北方者世衰之兆也鸛鹄鹄属也非穴于地者公谷二传皆以为宜穴而巢非中国之禽是殆未之识也

秋七月上辛大雩季辛又雩

左氏曰秋书再雩旱甚也公羊曰又雩者非雩也聚众以逐季氏也前年鲁尝大雩矣今年再雩鲁固旱矣再雩之意不在旱也公羊聚逐季氏之言粗为可信夫人之举事惧其泄也必托于集事而行之故尝于都试田猎之中举事焉意者鲁因旱而雩因雩而欲逐季氏不知举事而至于再其谋固已泄矣安得而不败乎古人以为投机之会间不容髮今雩之又雩鲁未尝有是也而骤行之宁无使人之疑已乎昔者哀公问社于宰我我说者以哀公有诛季氏之意是亦昭公大雩之意乎

九月己亥公孙于齐次于阳州

阳州在齐鲁境上公次阳州是未尝至齐也春秋曷为以孙于齐书呜呼此春秋正名之义也堂堂鲁国臣逐其君至于出奔其辱甚矣不敢至齐而次于阳州其辱尤甚故昭公虽次于阳州而以孙齐书国之者大之也先书公孙于齐以正其名继书次于阳州以纪其实春秋虽不废其实而有尊君之义焉昔者周之襄王越在郑地泛春秋以出居于郑书曰居于郑者尊之也是亦公孙于齐之义

齐侯唁公于野井

昭公次于阳州齐侯唁公于平阴公先至于野井是齐侯无奔走救难之心而有忽略待鲁之意君子观野井之唁而后知齐侯之不足与有谋也昔者狄人迫逐黎侯黎侯寓于衛衛不能脩方伯连帅之职黎之臣子以责于衛昭公始谋之不善见几之不早忽于家羈如晋之言不用宜乎淹恤于外而卒不克归也悲夫

冬十月戊辰叔孙婁卒

十有一月己亥宋公佐卒于曲棘

十有二月齐侯取郛

邻国取内邑直书其事而莫之讳不言其国之名若取诸他国然此春秋悲伤之意也夫齐侯取郛以居公其名正其言顺故春秋不忍言其国之名所以存鲁而直书其事者所以存君而不使季氏得有鲁然则何以不书取郛居公也郛我邑也我公居之岂使齐侯得以居公哉此又春秋存君屡致意也

二十有六年春王正月葬宋元公

三月公至自齐居于郛

公之出也实未尝至齐之都公之入也实未尝至鲁之庙春秋之书公至自齐其与如齐而至庙者同辞焉呜呼此春秋存君之意也伤其出也吾何忍言其不能至齐幸其归也吾未暇论其未能告庙其曰居于郛何也非吾国也故言次苟吾国也亦可以言居矣天子以天下为家故天王在郑可以言居诸侯得有其国故昭公在郛始可以言居阳州干侯书次而已尊卑之义明矣哉

夏公围成

成鲁邑也鲁公围之春秋书法若施诸他国然何也夫君有其国谁得而奸之弃其国而不有越在他竟是自絶于其国也以大夫之邑而隠然如敌国不臣之罪不待贬絶而见以其国之君而围其大夫之邑其不能于君亦可愧矣成孟氏邑也季孟同恶相济而叔孙氏独贤书围

成以见孟氏之党恶书叔孙婁卒以见叔孙之勤于君也深矣哉虽然春秋其不言与齐同围成何也夫齐人取郛以居公犹可言也今公以齐师围成春秋尚忍言之哉

秋公防齐侯莒子邾子杞伯盟于鄆陵

并见后公至自会居于郛

公至自会居于郛

鄆陵之盟谋纳公也君子谓是盟也齐侯欺鲁而昭公不能觉卒迁延于齐而后去也齐侯纳梁邱据之言固已无意于纳昭公师挫于成意沮而归惧昭公之去已也故为是盟以要之特昭公莫之悟当时从公之臣亦莫之悟也致防之书义虽不外公意则责当时之臣子相与得意而不悟齐之欺也悲夫

九月庚申楚子居卒

冬十月天王入于成周

昔者襄王之居于郑也言出而不言入今者敬王之居狄泉也言入而不言出为谷梁之说曰周有入无出也夫王者以天下为家不可以言出则亦不可以言入也襄王之入晋侯纳之春秋不得言其入敬王之立实在狄泉春秋不得言其出春秋寓悲伤之意于一出一入之间使人读其传因其所不书求其所以书在臣子有存君父之意而天子不能有其家亦可愧矣

尹氏召伯毛伯以王子朝奔楚

二十有七年春公如齐公至自齐居于郛

夏四月吴弑其君僚

楚杀其大夫郤宛

秋晋士鞅宋乐祁犁衞北宫喜曹人邾人滕人会于扈扈之防令戍周且谋纳公也夫戍周大义也纳公重事也使大夫主之不成其为盟主矣以晋文之勤王春秋犹谓其不能尽忠以齐桓之存国春秋犹谓其不能尽义而况以大夫谋之乎夫乐祁犁北宫喜其在宋衞非华向孙甯比也故犹利纳公若士鞅则六卿专晋久矣同恶相济宜乎其不肯也

冬十月曹伯午卒

邾快来奔

公如齐公至自齐居于郛

二十有八年春王三月葬曹悼公

公如晋次于干侯

昭公实次阳州而春秋以齐书实次干侯而春秋以如晋书虽尊公也亦伤公也往者昭公之在国也屡如晋而犹不得入及今出亡也欲一至晋之国都其可得乎诸侯失位越在他国礼犹谓之寓公昭公如两国次于野而不得入岂不重可悲夫

夏四月丙戌郑伯宁卒六月葬郑定公

秋七月癸巳滕子宁卒冬葬滕悼公

二十有九年春公至自干侯居于郛齐侯使高张来唁公

夫天下之事莫重于谋始始之不慎犹望其能图终难也若昭公之如齐其始谋亦不慎矣迁延于齐久而如晋则既弃齐矣自晋复归于郛齐侯其谓之何高张之唁止以纳侮是何其不能图终若是耶

公如晋次于干侯

夏四月庚子叔诣卒

秋七月

冬十月郛溃

观郛之溃也知季氏之暴而举鲁国皆非臣子也弃其一国而居其一邑犹不能容也相率而叛之岂非畏季氏之暴蔑弃君臣之义而不顾乎三户可以亡秦匹夫可以存齐郛之臣子无一人敢抗季氏者悲夫

三十年春王正月公在干侯

左氏曰三十年春王正月公在干侯不先书郛与干侯非公且征过也昭公淹恤于外不朝正于庙六年矣春秋何以始书公在干侯左氏以为非公公之可非其已久矣不待其六年而后讥也春秋方存公未暇微过左氏之言失矣夫公之居郛犹可言也不越鲁竟犹望君之还也公在干侯越在他国不复归矣此春秋之所悲也故拳拳焉一岁之首必记之始之言次暂焉可也中之言居已即安矣末之言在是终焉而已矣坤之上六曰龙战于野为其嫌于无阳也

故称龙焉公在干侯是固嫌于无君耶

夏六月庚辰晋侯去疾卒秋八月葬晋顷公

冬十有二月吴灭徐徐子章羽奔楚

三十有一年春王正月公在干侯

季孙意如防晋荀跖于适歷

夏四月丁巳薛伯谷卒

晋侯使荀跖唁公于干侯

人情之厚薄视其礼之轻重昔者齐侯亲唁于野井犹不能纳公晋侯使荀跖先防季孙而后唁公其礼之轻若此则人情之薄可知矣昭公将何求焉先防其臣而谋纳其君臣以为不可而遂已之亦恶在其为盟主乎是亦文具之尤者矣君子以晋为无责焉夫始有求于人者则其应也必亟不得已而求焉者人亦不得已而应之昭公始有求于齐数年而莫之得也不得已而求之晋于晋何责焉然则昭公胡为而不去也当时中国其大者唯齐晋耳齐晋莫之恤惟南走吴楚而已异时哀公出奔求哀于越君子是以伤中国之不足恃而夷狄得以执其权也悲夫

秋葬薛献公

冬黑肱以濫来奔

左氏曰贱而书名重地故也杜氏曰不书邾史阙文夫春秋于三叛人严矣其不言邾恐非阙文也当季氏之逐君也诸侯不能问是举天下无君臣也三纲斁人伦废矣加以黑肱叛邾而来两叛相和同恶相济圣人以为黑肱之无邾如季氏之无鲁也故黑肱不书邾此其意伤矣夫身为大夫而至絶之于其国人臣可不鉴哉

十有二月辛亥朔日有食之

三十有二年春王正月公在干侯

取阚

杜氏曰公别居干侯遣人诱阚而取之不用师徒也公羊曰阚者何邾娄之邑也曷为不系乎邾娄讳亟也昭公之出奔也齐侯取郚以居公书曰齐侯取郚公用齐师以围成书曰夏公围

成如使公居干侯而取阬则如其围成之书矣不言公而取阬是取郛取鄆之类也公羊之义得矣

## 夏吴伐越

左氏曰始用师于越也杜氏曰自此以前虽疆事小争未尝用大兵昔者夷夏之争尝用大兵矣春秋备书之吴楚之战至于栢举春秋书之亦辞繁而不杀独于吴伐越越入吴之事略而书之何也嗟夫秦楚吴越均为夷狄吴越最晚出骤致疆大卒自相毙以至于此盖春秋事变至此穷矣尚忍详言之哉

## 秋七月

冬仲孙何忌会晋韩不信齐高张宋仲几衛世叔申郑国参曹人莒人薛人杞人小邾人城成周

昔周之营洛邑其居九鼎者曰王城其迁顽民者曰成周平王东迁于王城至敬王入于成周诸侯之大夫相帅以城之蓋于是周再迁矣晚而为东西周则又迁矣当平王之迁也晋之文侯实扞王于艰惠襄之难文公犹能继乃祖之业然视文侯不侔矣及今成周之役晋韩不信专之南面以令诸侯之大夫世变愈下事益可叹然春秋详书其事辞繁而不杀何也王室衰微诸侯放恣幸列国之大夫犹知有王也其事虽微其心则犹未泯也春秋安得而不与之自是而后大夫之事亦无有矣嗟夫嫠不恤纬而忧宗周之陨君子犹将与之况大夫而谋王室之难乎

十有二月己未公薨于干侯



# 春秋讲义卷四下

宋戴溪撰

定公

元年春王

公羊曰定何以无正月正月者正即位也定无正月者即位后也即位何以昭公在外得入不得入未可知也曷为未可知也在季氏也谷梁曰不言正月定无正也昭公之终非正终定之始非正始也昭无正终故定无正始不言即位丧在外也春秋之君不书即位者四其三皆书正月而定独不书盖隐之摄桓宣之罪虽不当书即位然丧君有君国犹有人也若定公之初则旷正月而无君矣是与亡国无以异也其孰与承正朔乎夫隐十年无正隐不自正也春秋于隐元年犹书正谓其嫌于无君也然则定公之无正春秋二百四十二年之中圣人尤于是伤矣

三月晋人执宋仲防于京师

人臣逮于君则其势伸近于君则其事屈故诸侯之卿入天子之国称士今晋之大夫执人于王都是逼近而不有天子也宋仲防不受功其罪犹可言韩不信专执大夫其罪不可胜诛矣城成周美功也尊天子大义也春秋不以一时之功废万世之义其于君臣之际甚微而严

夏六月癸亥公之丧至自干侯戊辰公即位

天下不可一日无君也以言乎嗣子之义则逾年而后书即位以言乎臣民之义则一日而即位礼也今昭公之丧以癸亥至定公以戊辰即位是季氏有不立定公之心盖数日而后定也春秋以日月为义若此类是也【按定公戊辰方即位程胡二传止云为季氏所制耳不若戴氏此说尤为精核】

秋七月癸巳葬我君昭公

九月大雩立炀宫

甚矣小人之无道也嫁怨于人归过于神公然无忌惮也昭公之出也诸侯之大夫同恶相济以宋公之薨叔孙之卒归于天道及昭公之薨也季氏大雩以为媚立炀宫以为报盖昔者昭公之逐季氏也尝两大雩而不克济季氏尝致祷于炀公矣故小人得借口以求媚而致报焉季氏旅于泰山夫子之言曰曾谓泰山不如林放乎深有望于其神也其意伤矣

冬十月陨霜杀菽

二年春王正月

夏五月壬辰雉门及两观灾

秋楚人伐吳

冬十月新作雉门及两观

鲁之僭从矣子家羈言于昭公曰设两观乘大路朱干玉戚此皆天子之礼也夫礼乐征伐自诸侯出然后大夫得以执国命昭公出亡有自来矣定公之立两观被灾天盖以警鲁也不能致察于此新作两观视旧有加焉夫修旧谓之新始创谓之作既有雉门及两观矣谓之新可也曰新作者盖明其不当作也

三年春王正月公如晋至河乃复

晋之不仁亦已甚矣昭公屡如晋而不得入故有季氏之难定公新立躬朝于晋至河而复不得入使定何以自立于鲁乎昔者鲁有庆父之难国防亡矣赖齐桓庇之盟于落姑季子来归齐仲孙来鲁国遂定今昭公出亡晋不能纳之定公新立晋不能安之尚何足以为盟主乎于是六卿專晋虽晋侯亦不能自为政矣

二月辛卯邾子穿卒

夏四月

秋葬邾庄公

冬仲孙何忌及邾子盟于拔

四年春王二月癸巳陈侯吴卒

三月公会刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯杞伯小邾子齐国夏于召陵侵楚

自鄢陵之后晋楚不复有大战一旦有召陵之役是六七十年间无是举也天子之老元戎啓行中国诸侯大抵皆在未有若此其盛者仅侵楚而退自相盟于皐鼬当是时楚有可亡之势失此机防使吳人乘其后而收入郢之功倾天下之势折而入于吳中国之霸于是絕矣悲夫

夏四月庚辰蔡公孙姓帅师灭沈以沈子嘉归杀之五月公及诸侯盟于皐鼬杞伯成卒于会

六月葬陈惠公

许迁于容城

秋七月公至自会

刘卷卒

葬杞悼公

楚人围蔡

晋士鞅卫孔圉帅师伐鲜虞

葬刘文公

冬十有一月庚午蔡侯以呉子及楚人战于柏举楚师败绩楚囊瓦出奔郑庚辰呉入郢

楚自入春秋以来倔彊汉淮之间陵犯中国盖二百年矣中国不能制假手于呉国防亡而仅存甚矣中国之不竞失于机防霸图遂絶始称呉子幸呉犹能治楚也未称呉呉犹楚也去楚而呉继之此圣人之所伤也

五年春王三月辛亥朔日有食之

夏归粟于蔡

蔡鲁非有好也蔡人未尝告饥鲁曷为而归粟于蔡晋志也蔡中国也而虐于楚告情于中国中国莫之救也借援于呉呉人入郢诸侯相与归蔡之粟以掩其过不书诸侯讳之也谷梁以归粟为正左氏以为周亟矜无资此恤隣之常礼也非所论归粟于蔡若昔澶渊之防诸侯谋更宋财若是可以为正矣

于越入呉

公羊曰于越者未能以其名通也越者能以其名通也越得书于春秋则能以其名通矣或曰于越从其所自称也越夷狄之贱者也最后出其常自称曰于越骤通于中国未能遽忘其陋故以于越告若夫中国则固称之曰越其事关中国而中国告之则称越非有能通与不能通之间也始也书荆非狄之也终也书楚非进之也始也称越非能通也终称于越非不能通也不变文身之旧以见其种落之贱尔

六月丙申季孙意如卒

秋七月壬子叔孙不敢卒

冬晋士鞅帅师围鲜虞

六年春王正月癸亥郑游速帅师灭许以许男斯归许尝灭于郑矣二百年间屡迁国焉郑卒因楚乱而取之甚矣其不仁也游速何以无贬书月书日书氏书名书帅师正其事而详书之所谓不待贬絶而恶自见者许既灭矣哀公元年许复从楚围蔡楚复之也楚乱方定未暇治郑先复许焉不告于中国春秋不得而书也

二月公侵郑公至自侵郑

夏季孙斯仲孙何忌如晋

按左氏季桓子如晋献郑俘也阳虎强使孟懿子往报夫人之币晋人兼享之如左氏所载季孟二子以二事使晋则春秋当以致女纳币之例书诚使晋人贱鲁兼享二卿春秋不应卑鲁列数二使也盖季孙斯仲孙何忌如晋犹公子遂叔孙得臣如齐也使举上客而不称介不正其同伦而相介故列而数之季孟不相下其亦同伦相介之意乎

秋晋人执宋行人乐祁犂

冬城中城

季孙斯仲孙忌帅师围郕

七年春王正月

夏四月

秋齐侯郑伯盟于咸

齐人执衞行人北宫结以侵卫齐侯卫侯盟于沙大雩

齐国夏帅师伐我西鄙

九月大雩

冬十月

八年春王正月公侵齐公至自侵齐二月公侵齐三月公至自侵齐

曹伯露卒

夏齐国夏帅师伐我西鄙

公防晋师于瓦公至自瓦

秋七月戊辰陈侯柳卒

晋士鞅帅师侵郑遂侵卫

葬曹靖公

九月葬陈怀公

季孙斯仲孙何忌帅师侵卫

冬卫侯郑伯盟于曲濮

从祀先公

自文公跻僖公于闵公之上更五世矣今顺祀先公此鲁之大典也春秋宜特书之以示后世其曰从祀先公若隐讳而不明言之何也此春秋之防意也鲁之宗庙昭穆失序歷羣公不能正陪臣乃借此以求媚使春秋明书其事是于陪臣之得而罪羣公之失其可乎故畧而书之若曰从祀先公之时有盗窃寶玉大弓以出非曰从祀之为顺祀也其意微矣

盗窃寶玉大

谷梁曰非其所取而取之谓之盜甚矣春秋成而乱臣贼子惧其功用可畏若此也阳虎專季氏举鲁国之权尽归焉其势足以窃宗庙之寶器圣人书之曰盜若曰非其所取而取之其辞恕矣

九年春王正月

夏四月戊申郑伯蠆卒

得寶玉大弓

得必有所从不言其从得之人得必有其所不言其所得之地何也圣人不忍言也宗庙之器使人得以窃而去之是不能有其宗庙也国防亡矣故春秋之书曰得寶玉大 若曰得而藏之非既失而复归也其意伤矣

六月葬郑献公

秋齐侯卫侯次于五氏

秦伯卒冬葬秦哀公

十年春王三月及齐平

夏公防齐侯于夹谷公至自夹谷

夹谷之防春秋之盛事也二百四十二年所未有也春秋书齐鲁之防多矣未有归田继之者春秋书归田有之矣未有言来归者宣公尝如齐既至自齐齐人归我济西田鲁有求于齐也隱公八年郑伯使宛来归祊祊非鲁地也郑有求于鲁也夹谷之防齐人谢过郚謹 陰齐人来归春秋未始有此也谷梁曰夹谷之防危之也圣人在防何安如之离会不致而夹谷致防者喜之也非危之也圣人相鲁君于防曾不淹时齐人慑服所谓绥之斯来动之斯和者也

晋赵鞅帅师围卫

齐人来归郚謹 陰田

叔孙州仇仲孙何忌帅师围郕秋叔孙州仇仲孙何忌帅师围郕

宋乐大心出奔曹

宋公子地出奔陈

冬齐侯卫侯郑游速防于安甫

叔孙州仇如齐

宋公之弟辰暨仲佗石彊出奔陈

十有一年春宋公之弟辰及仲佗石彊公子地自陈入于萧以叛

夏四月

秋宋乐大心自曹入于萧

冬及郑平叔还如郑洧盟

十有二年春薛伯定卒夏葬薛襄公

叔孙州仇帅师堕郕

左氏曰仲由为季氏宰将堕三都公羊曰孔子行乎季孙三月不违于是帅师堕郕帅师堕费公羊之言失之矣后之学者承舛听讹皆言夫子欲堕三都嗟夫使圣人而欲堕三都也成卒不堕费防生变则圣人之谋踈矣绥斯来动斯和之功果安在乎左氏之言信矣仲由为季氏宰将堕三都是果出于仲由之谋无可疑乎由勇而无谋率意之所欲为而不顾其难也故防于乱当费人攻公及于台下微夫子命申句须乐颀下伐之岂不甚危哉說者犹以为堕三都者圣人之谋也过矣大抵事之可疑者承袭之讹非止一事也襄公二十三年季札观周乐固已歌王矣說者迺谓夫子降黍离于国风是何不审若此也夫圣人序书作春秋固微寓其褒贬之意若考订旧闻广记实录固不容自为之也谓一为元自尧舜以来未之有改也說者谓春秋之法抑亦过矣

卫公孟彊帅师伐曹

季孙斯仲孙何忌帅师堕费

秋大雩

冬十月癸亥公防齐侯盟于黄

十有一月丙寅朔日有食之

公至自黄

十有二月公围成公至自围成

十有三年春齐侯卫侯次于垂葭

夏筑蛇渊囿

大搜于比蒲

卫公孟彊帅师伐曹

秋晋赵鞅入于晋阳以叛冬晋荀寅士吉射入于朝歌以叛晋赵鞅归于晋

春秋书晋赵鞅之事见君臣之际严矣赵鞅非叛也而以叛书为法受恶也臧武仲以防求为后于鲁夫子曰虽曰不要君吾不信也况以地正国乎其曰晋赵鞅又曰归于晋何也圣人原其心而恕之也已叛而知罪未防而反地赵鞅之心可恕矣非春秋其谁察之【按刘绚谓书晋赵鞅归于晋国乱无刑也戴氏此条未免沿公谷之讹】

薛弑其君比

十有四年春卫公叔戌来奔卫赵阳出奔宋

二月辛巳楚公子结陈公孙佗人帅师灭顿以顿子牂归

夏卫北宫结来奔

五月于越败呉于檣李呉子光卒

楚人及呉战于长岸説者曰进楚子故曰战楚与呉一也春秋何以独进楚楚自庄公时已见于中国駸駸彊大与中国抗矣春秋虽欲遏之不可得也呉最晚出越又在呉后两夷狄曰败于是而得以正其名矣

公防齐侯卫侯于牵公至自防

秋齐侯宋公防于洮

甚矣齐景图霸之亟也不度德不量力晋固失霸矣齐非得霸之君也不虞萧墙之变而欲外求诸侯当齐桓之霸也实始结宋与鲁景公袭其故智舍疆場之争亲与鲁平结卫结郑今兹复与宋公防于洮然卒不能成事徒扰扰焉自敝而已德之不讲力之不竞区区欲以智术取之亦见其惑焉而已矣

天王使石尚来归脤

公羊曰石尚者何天子之士也谷梁曰石尚欲书春秋请行脤贵复正也此王室之盛礼也若君臣能率是典礼而行之周可以复王鲁可以复振当周之盛也以脤膾之礼亲兄弟之国及齐之霸也天子使宰孔赐齐侯胙从矣是礼之不复行也春秋侈大而特书之岂直一士得书于春秋哉

卫世子蒯聩出奔宋卫公孟彊出奔郑



宋公之弟辰自萧来奔

大搜于比蒲

邾子来防公

城莒父及霄

十有五年春王正月邾子来朝

鼯鼠食郊牛牛死改卜牛

二月辛丑楚子灭胡以胡子豹归

夏五月辛亥郊

鲁之僭郊自僖公始其說盖可信僖公之前春秋未尝书郊此其证也观季孙行父请命于周而史克作颂则知僖公请郊于天子如其作颂也然而鲁之先公犹畏天灾故因灾而不郊者间有之若定之终哀之始连年鼯鼠食郊牛宜可以不郊矣而卒不免郊盖翫习既久虽天亦莫知所畏矣

壬申公薨于高寝

郑罕達帅师伐宋

齐侯卫侯次于渠蔭

邾子来奔丧

秋七月壬申妣氏卒

八月庚辰朔日有食之

九月滕子来防葬丁巳葬我君定公雨不克葬戊午日下昃乃克葬

辛巳葬定姒

冬城漆

哀公

元年春王正月公即位

楚子陈侯随侯许男围蔡

吴入郢之日楚昭奔随随人免之楚人德之使列于诸侯定公六年郑已灭许此复见者盖楚封之观楚子围蔡之事可为叹息也已灭人之国絶人之世无不如志异时兴灭继絶封人之国亦在我而已楚灵灭陈蔡二国及平即位一旦而复之随在汉东亦为大国役属于楚终春秋不复见一有德于昭遽列于诸侯郑已灭许楚实封之专行废置中国斂衽为可叹息也已

麋鼠食郊牛改卜牛夏四月辛巳郊

秋齐侯卫侯伐晋

冬仲孙何忌帅师伐邾

二年春王二月季孙斯叔孙州仇仲孙何忌帅师伐邾取漈东田及沂西田癸巳叔孙州仇仲孙何忌及邾子盟于句绎

左氏曰二年春伐邾将伐绞邾人爱其土故赂以漈沂之田而受盟谷梁曰取漈东田漈东未尽也及沂西田沂西未尽也三人伐而二人盟各盟其得也按三卿并将季氏最彊故以季氏主兵然二人各盟其所得之田而季氏不及何也如左氏之言邾人以田赂鲁季氏先时有阳虎之难二子实救之故推其所赂以报德非二子各盟其所得季氏莫之得也

夏四月丙子卫侯元卒

滕子来朝

晋赵鞅帅师纳卫世子蒯聩于戚

蒯聩虽得罪出奔灵公未尝废之故其出奔其入戚春秋皆以世子书况辄之立非灵公之命辄岂得以子而拒父昔者冉有发夫子为卫君之问夫子有正名之对子路死于孔悝之难夫子不以为是高子羔不死难而奔夫子亦不以为非也其正名之意深矣

秋八月甲戌晋赵鞅帅师及郑罕达帅师战于铁郑师败绩

当晋之霸也晋人朝夕加兵于郑郑之君臣俯首下心惟晋命是听安有一矢之相加遗哉及其衰也两国之臣帅师交战此春秋所创见也春秋书帅师书败绩如大战然郑虽败绩晋亦

少辱矣事变反覆可胜叹哉

冬十月葬卫灵公

十有一月蔡迁于州来蔡杀其大夫公子驷

三年春齐国夏卫石曼姑帅师围戚

公羊曰齐国夏曷为与石曼姑帅师围戚伯讨也此其为伯讨奈何曼姑受命乎灵公而立辄以曼姑之义为固可以距之也春秋于是编也明父子之义焉公羊之言过矣此卫事也不先曼姑言子之不可围父邑也此卫地也不系戚于卫言子之不得有父邑也圣人之意若曰戚非卫地齐人首兵围之辄无与焉其于父子之义隐辟而不忍言矣公羊不惟不罪卫而推齐以为伯讨曾谓天下而有无父之国哉

夏四月甲午地震

五月辛卯桓宫僖宫灾

季孙斯叔孙州仇帅师城启阳

宋乐髡帅师伐曹

秋七月丙子季孙斯卒

蔡人放其大夫公孙猎于呉

冬十月癸卯秦伯卒

叔孙州仇仲孙何忌帅师围邾

四年春王二月庚戌盗杀蔡侯申蔡公孙辰出奔呉葬秦惠公

宋人执小邾子

夏蔡杀其大夫公孙姓公孙霍

晋人执戎蛮子赤归于楚

中国之不竞未有如是甚者也楚人争盟侵伐中国皆未足为中国甚耻执戎蛮之君而归之

于楚是京师楚也是晋为楚役也是率中国而听命于楚人也冠履倒置莫此为甚其称人者圣人犹为中国讳也

城西郛

六月辛丑亳社灾

秋八月甲寅滕子结卒

冬十有二月葬蔡昭公

葬滕顷公

五年春城毗

夏齐侯伐宋

晋赵鞅帅师伐卫

秋九月癸酉齐侯杵臼卒冬叔还如齐闰月葬齐景公六年春城邾瑕

晋赵鞅帅师伐鲜虞

吴伐陈

夏齐国夏及高张来奔

叔还防吴于柵

秋七月庚寅楚子轸卒

齐阳生入于齐齐陈乞弑其君荼

冬仲孙何忌帅师伐邾

宋向巢帅师伐曹

七年春宋皇瑗帅师侵郑

晋魏曼多帅师侵卫

夏公防吳于鄆

秋公伐邾八月己酉入邾以邾子益来

邾鲁之争有日矣未有伐其国而执其君者不惟邾也鲁于他国亦未尝有是也哀之无道甚矣执其君以归春秋不曰归而曰来者非外鲁也为鲁讳也若曰邾子自外至尔非鲁执之而归也

宋人围曹冬郑驪 帅师救曹

八年春王正月宋公入曹以曹伯阳归

吳伐我

夏齐人取讙及阐

归邾子益于邾

秋七月

冬十有二月癸亥杞伯过卒

齐人归讙及阐

九年春王二月葬杞僖公

宋皇瑗帅师取郑师于雍丘

当隐公之时三国之师伐戴郑伯伐而取之左氏以为取三师二传以为取戴由春秋书法观之取戴为是入春秋以来书取师者独于哀公两见之盖春秋用师微有节制故不至大败及其末年用师无法彼此得以袭取愈变愈下矣

夏楚人伐陈

秋宋公伐郑

冬十月

十年春王二月邾子益来奔

公防吳伐齐三月戊戌齐侯阳生卒

夏宋人伐郑

晋赵鞅帅师侵齐

五月公至自伐齐

葬齐悼公

卫公孟彊自齐归于卫

薛伯夷卒秋葬薛惠公

冬楚公子结帅师伐陈吳救陈

十有一年春齐国书帅师伐我

夏陈轅颇出奔郑

五月公防吴伐齐甲戌齐国书帅师及吳战于艾陵齐师败绩获齐国书

秋七月辛酉滕子虞母卒冬十有一月葬滕隱公卫世叔齐出奔宋

十有二年春用田赋

鲁之赋斂至此极矣始也田无税至宣公而初税亩始也家有赋至哀公而用田赋公田之外民之私田既取税焉又取赋焉而其家之赋不与也先王未尝以田为赋税也故周礼止曰夫家之征独载师任地之法始有小都大都之征盖民之授田乃上之田也借民耕之尔何赋税之有履亩而税用田为赋始于二君此固圣人之所甚恶也故曰季氏富于周公求也为之聚斂而附益之非吾徒也小子鸣鼓而攻之可也

夏五月甲辰孟子卒

观春秋书孟子而不书夫人见圣人君臣之义焉春秋以褒贬为法圣人犹为其君讳陈司败讲学于圣人之门乃欲圣人显言其君之过其亦可谓不察乎人伦矣

公防吳于橐臯

秋公防卫侯宋皇瑗于郕

宋向巢帅师伐郑

冬十有二月螽

十有三年春郑罕达帅师取宋师于岳

夏许男成卒

公防晋侯及吳子于黄池

公羊曰吳何以称子吳主防也吳主防则曷为先言晋侯不与吳人之主中国也其言及吳子何防两伯之辞也谷梁曰黄池之防吳子进乎哉遂子矣甚矣二传之不知春秋也以及吳子为两伯以称吳子为进夫差其孰知圣人悲伤拒絶之意乎入春秋之末独吳人扰乱中国防无宁歲圣人痛抑而力絕之其书于春秋者曰公防吳吳伐齐伐我而已及黄池之防势极于盛不可复御矣曰吳子伤之也曰及吳外之也且伤且外岂曰进乎哉岂曰两伯乎哉春秋夷狄之事于是终焉悲夫

楚公子申帅师伐陈

于越入吳

秋公至自防

晋魏曼多帅师侵卫

葬许元公

九月螽

冬十有一月有星孛于东方

盗杀陈夏区夫

十有二月螽

十有四年春西狩获麟

夫子曰鳳鸟不至河不出圖吾已矣夫人事乖离圣人无所复望矣拳拳之心犹望天道之还也麟出于野为狩所获天理人事其不相符如此是终不可为矣圣人于是絕望则春秋于是絕笔矣此圣人之深意也

春秋讲义卷四下

考证

二十页前七行 案为卫君之语冉有自问子贡正名之筹夫子自答子路戴氏合为一误